Theodori Kerckringii, doctoris medici, Opera omnia anatomica; continentia Spicilegivm anatomicvm, Osteogeniam foetvvm: nec non Anthropogeniae ichnographiam. Accuratissimis figuris aeri incisis illustrata / [Theodor Kerckring].

Contributors

Kerckring, Theodor, 1640-1693.

Publication/Creation

Lugduni Batavorum : Apud Theodorum Haak & Samuelem Luchtmans, 1729.

Persistent URL

https://wellcomecollection.org/works/b279q9qk

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org














THEODORIKERCKRINGII,
DOCTORIS MEDICI,

OPERA OMNIA ANATOMICA;

Continentia

SPICILEGIVM ANATOMICVM, OSTEOGENIAM FOETVVM:

NEC NON

ANTHROPOGENIÆ ICHNOGRAPHIAM.

Accuratissimis Figuris æri incisis illustrata-



EUGDUNI BATAVORUM,

THEODORUM HAAK,

Apud
SAMUELEM LUCHTMANS

1729.



B.J.s. 1751NOBILISSIMO, AMPLISSIMO, EXPERTISSIMO, BENEVOLO

LECTORI MEO,

MEDICINÆ ANTISTITI,

VERITATIS AMATORI,

AMICITIÆ MIHI SACRIS

VEL INITIATO JAMDVDVM,

VEL JAM INITIANDO.

Voi dono lepidum novum libellum Arida modo pumice expolitum?

Cui? nisi, Lector, tibi. Non diu, nec ancipiti judicii lance deliberandum hoc suit; ipsa veritas, me tacente, loquitur

* 3

te

te esse, cujus tutelæ, gratiæ, arbitrioque hunc fætum committo, cujus centionem ac tribunal exspecto. Quid ergo tergiverfor, aut per ambages alium patronum quæro? ad te recla venio, ad te, velut ad quæsitorem totam causam meam conjicio. Si gratiæ quid sperandum, à te nimirum exspecto, cui soli placebo, si quid favore dignum inveniatur; à quo folo venia impetranda, si displiceo: nam splendor ac fama, nisi tu idem dederis, ab illis nulla erit, qui non legerint. Tuum ergo, cujus mihi standum erit judicio, exquiro favorem; primum ut fidem habeas, vidisse me, quæ oculorum configno testimonio; deinde ut

legas fine præjudicio; addo, si quædam reperisse me dixero, quæ vel alii non viderunt, vel etiam esse in rerum natura negaverunt, veni videre, si non credas; imo veni, ut credas: habeo enim, quod sæpe inculco, earum rerum non exsculptas solum imagines, sed res ipsas immortalitati donatas, quas oculis semper curiosorum possum exhibere, ut illis ipsis litem definiant, & sibi, non mihi credant.

Quo fiet, spero, ut hoc Spicilegium meum legas cum savore, laude, plausu. Vel si me spes ista in te sallat; lege, quæso, cum venia; aspice sine invidia; narra sine mendacio: ita tibi,
Lector,

Lector, studia tua prospere, vita procedat seliciter. Verbum hîc non addo, te enim in proœmio rursum, te opere toto alloquar; neminem enim hîc alium video. Vale igitur, sed mane Lector, & perlege, iterumque vale. Ita optat

Tuus

TH. KERCKRINGIVS.

Ount quidam tam iniqui de temporibus suis Judices, ut omnem ubertatem ingeniorum & gloriam penes antiquos fuisse, ibique stetisse arbitrentur. Atque bi perpetud decantant Augusti illa tempora, cum de iis rebus incidit sermo, que authores, qui tum vixere, attigerunt. Si de Philosophia agatur, Platonem & Aristotelem, ut scientiæ perfectæ lumina adferunt, & pene ut numina adorant, tanquam si duo isti viri mente & intelligentia concepissent quicquid immensarerum natura tot retro seculis molita est, tot futuris temporibus molietur. In Medicina vero idem etiam usuvenit antiquariis istis temporum suorum contemptoribus: bis Hippocrates semper in ore, nibil à posteris dici volunt, quod senex iste non antea dixerit: imo tam sunt idololatra unius viri, ut nibil posse inveniri existiment, quod ille non sciverit, & antehac pronuntiaverit. Hinc quicquid postea tot ingenia excogitarunt, quicquid longa experientia docuit, quicquid usus in Medicina perfecit, omnia ad Hippocratem, verba ejus, quantumcumque invita, obtorto quasi collo ed trabentes, referri wolunt.

Si bona bominum istorum venia rationibus agere liceret, peterem quid de rerum natura existiment? an consenuisse eam, atque ut agrum ferendo, sic illam quotidiano animorum cultu defessam,
vim

vim vigoremque suum exhausisse putent? Peterem quantum temporis toti ejus ætati dent? quia sibi fingunt eam tanquam infantem circa incunabula reptantem, res imperfectas primum, deinde meliores, ac tandem quasi adultam optimas protulisse; unde jam, tanquam in senium vergens, semper in pejus deficiat. Dicerem Philosophiam Aristotelis, & verò etiam Divini, si Diis placet, Platonis ferè puerilem effe infantiam, si cum Ægyptiorum Philosophia conferatur, in qua vere Divinum Legislatorem Mosen versatum fuisse scriptura commemorat, & quam Salomonem, dum eum in summo sapientiæ culmine ponit, quodammodo superasse eadem sacræ paginæ affirmant. Ostenderem, quam exiguas babeamus tot ætatum, quæ ante Mosen, & etiam post illum fluxerunt, reliquias. Que Druide Gallorum, que Gymnosophiste Indorum, que tot sapientes omnium populorum sciverunt, omnia interciderunt, & volumus ex paucis chartulis (sic appellare possum ea, quæ temporum injuriis in omni genere disciplinæsuperfuerunt) metiri totam naturæ, & omnium venturorum ingeniorum potentiam, buc concludere omnem ab omnibus deinde impendendam industriam.

Si quam libere illi posteros omnes damnant vel inscitiæ, vel inertiæ, tam secure mibi liceat de illis ferre judicium; nibil vel ineptius, vel imperitius, vel denique iniquius reperiri posse dicerem stolidis istis antiquitatis admiratoribus. Viget adhuc, vigebitque semper ingenii humani solertia, nunquam deerit rerum

inveniendarum copia, nunquam res novas quærentium fatigabitur industria. Si quando, ut annus alter altero est facundior, it a dum inter se conferuntur secula, doctrinæ fæcunditatem quædam quasi sterilitas nonnunquam excipit, id bellorum quandoque injuriis, quandoque pacis diuturnæ luxui, aliis alias cafibus referre oportet acceptum. Atque binc circumscribitur semper quibusdam locorum spatiis, certisque rerum circumstantiis bic defectus, ut potius migrare videatur, quam sistere natura suam effundendi in bomines ingenii liberalitatem. Ut omittam tot integra rerum noviter inventarum volumina; refutavit satis banc stolidam antiquitatis admirationem, vel in unica Medicinæ parte elaboranda seculi nostri solertia: quot enim, conspirantibus jam in Anatomia excolenda tot ingeniis, hoc tempore nova inventa prodierunt, de quibus nibil quicquam cogitavit antiquitas.

Venarum valvulas ostendit primus Hieronymus Fabricius, ab Aquapendente dictus; cui certe laudi dandum, quod eas invenerit, venia danda, quod veram earum constitutionem usumque aliis inve-

niendum reliquerit.

C. Asellius Ticinensis ductibus istis in mesenterio, quas venas lacteas vocitant, perpetud ovabit.

Guiljelmus autem Harvaus, Anglia Regis Archiater, propter circulationem sanguinis à se inventam perpetuos aget in Medicina triumphos.

Currum ejus partim antecedunt, partim sequun-

tur, non ut captivi, sed ut victores, spolia quisque opima manibus suis parta portantes, Thomas Bartholinus Danus, vasa lymphatica ostentans. Thomas Wartonus Anglus, ductus salivales inferiores; Nicolaus Stenonis Danus superiores, inventa quisque sua tanquam prædas ex ignorantiæ castris raptas præ se ferentes.

Nec tacendus hic Joannes Georgius Wirsungus, Bavarus, ductus pancreatici inventor, à quo ne plura acciperemus, invidiæ, eum in flore ætatis sclopeto, dum supra omnes antecessores suos in gloriosa Medicinæ cathedra quotidie de ignorantia ageret

triumphos, perimenti, ferimus acceptum.

Thomas item Willes Anglus methodum examinandi cerebrum sine ulla ejus dissectione tam egregie aperiens. Et verò Fredericus Ruysch bronchialis arteriæ, quæ per omnes pulmones transit reper-

tor, bic etiam laudem suam invenient.

Nam de Francisco de le Boe Sylvio, Professore Medicinæ in Leydensi Academia primario, & jam Re-Etore Magnisico, qui inter primos erat nominandus, nibil dicam, ne delibando laudes viri, quid nomini ejus detrabere voluisse existimer. Nam ejus in operationibus anatomicis dexteritatem, longe artem eorum superantem, qui ista ex professione sua tractant; istam gratiam, qua discipulorem animos ad se allicit,

Omnibus injiciens blandum per pectora amorem;

Alle-

Allectos Medicinæ præceptis ita imbuit, ut qui ab illo formati sunt novitii cum veteranis etiam Medicis congredi non crubescant: vincit nova ejus Hypothesis, qua morborum omnium cognitionem accuratiorem, & sanationem faciliorem reperiri posse existimat: quam, Lector, malo ex praxi ejus aliisque viri scriptis petat potius, quam ut bic mutilam

ejus proponam descriptionem.

Omnes, inquam, hi Anatomiæ Proceres non tantam laudem tulissent inventis suis, si omnia deberentur Hippocrati, & nihil recentiorum ad Medicinæ spartam exornandam conferret industria. Quibus si quidem in hocce Spicilegio, quod ego post messes eorum collegi, invenias, quod adjungi mereatur, tu quæso, Lector benigne, respice, & gratus accipe. Quam postulationem meam æquissimam ne rejicias, dicam cur banc Medicinæ partem ante alias elegerim, cui dedicarem operum meorum primitias: dicam quid bic scripserim; quibus cum modum scribendi adjunxero, te, Lector amice, amica manu in Spicilegium meum emittam, ut si quid ibi dignum collectione mea, aut inspectione tuà reperias, quod novitate suà arrideat, non invidus abjicias, sed oculo benigniore foveas, per me, vel te, vel forte alium te, meque magis industrium tandem aliquando sumpturum incrementa,

Cur ergo Anatomica scribam, si quis est, qui me roget, istud responsi ferat. Qui a licet tot præstantia ingenia per banc arenam nunc slectant babenas, nusquam tamen campus restat apertior & amplior, quem ne-

** 3

mo

mo ararit, quemque magis ex bono publico sit exerceri & coli. Fatebitur quisquis fructus expenderit, quos attulerunt nuper tot ab authoribus supra laudatis anatomica inventa. Quibus hîc addam probabilem quandam sententiam nostram, qua mihi inter operationes anatomicas, dum renes succenturiatos accuratiore perscrutor examine, in mentem venit.

Nostra de renibus succenturiatis sententia.

Quid vasculis hisce à rerum gubernatrice Natura sit demandatum officii, latet etiamnum Medicos. Ego invenio parietes capsarum harum atrabilariarum (ut eas non incongrue nominat Bartholinus) cum illo nigredine intrinsecus obductos; animadverto sanguinem, qui egreditur ab bis per venam notabiliter immutatum ab eo, qui per arteriam in illas ingreditur. Quid si ergo diceretur in hisce capsis elaborari succum quendam biliosum, qui deinde per venam emulgentem, vel, ut sæpe accidit, immediate ad cavam deferatur, bincque cor petens excitet illam effervescentiam, quam Franciscus de le Boe Sylvius ibidem à salso cum acido permixto excitari contendit. Licet enim delationi ejus succi ex hepate per venam cavam tot jam occlament experientia, non tamen quantum ad effervescentiam in corde factam, cui totum Systema ejus innititur, causa cadet Professor ille doctissimus; si veritas buic nostræ suffragetur sententia. Si opponas parum bic generari ejusmodi succi salsi. Respondebo, ut parum fermenti sufficit

ficit ad massam ingentem fermentandam; ita parum salsi magnæ acidi quantitati admixtum, magnam essicit esservescentiam; contra si parum acidi majori copiæ salsi admiscueris, esservescet quidem, sed leniter, & citò subsistet motus. Experire, sodes, & immitte magnæ copiæ salis tartari parum spiritus vitrioli, esservescet quidem, sed non diu, non vehementer. At si è contrario multum spiritus vitrioli, qui acidus est, sumpseris, eique tantillum salis tartari immiseris, & vehemens erit & diutiùs durabit esservescentiæ motus. Cùm ergo in corde extra controversiam sit acidum, sitque ibidem per calorem motûs, accedente hoc salso bilioso siet esservescentia satis memorabilis.

Audione rursus te objicientem? Renes hi succenturiati paulatim accrescente ætate decrescunt. Audi & tu respondentem; etiam cum eadem ætate minuitur hic effervescentiæ motus, ut satis docet senum

tarditas & frigiditas.

Quod si tertiò occurrendo interroges; an succus bic per venam è renibus succenturiatis egrediens clarè satis & apertè distinguatur? Reponam, bunc etiam tum esse permixtum sanguini: binc me non tam liquidò posse de eo assirmare, quam Regnerus de Graef, quem bonoris causa nomino, id ostendit in succo pancreatico: sed probabilia prodo ut talia, speculationique aliorum suggero materiam.

Sed de boc, uti & de spiritibus animalibus, an non contra vulgatam jam, & forte vulgarem nimis

len-

sententiam à partibus ad nervos, & inde ad cerebrum deferantur, si Deus mihi otium annuerit, alibi dabitur latius disputandi locus; dum scilicet vacabit per ea ludere, quæ in utramque partem agi-

tari possunt.

Nontalia sunt, que jam in lucem profero. Spicilegium est non dubiarum, aut qualium qualium herbarum temere congestarum in manipulum, sed frumenti optimi & probatissimi collectio in binos congesti manipulos; quorum posterior Osteogenia fætuum prior centum constat Observationibus, in quo spicas nonnullas invenies, ita in agro nostro natas, ut novitate sua oblectaturæ sint curiosum borum talium indagatorem: ut enim singulas de novitate non commendo, ita quasdam aliqua bactenus minus observata continere non nego. Qui gemmas in conchis, vel aurum in venis scrutantur, non ita felici id agunt conamine, ut omni petitione, quod quærunt, inveniant; gaudent si intervallis quibusdam votis eorum fortuna respondeat : sictu, si inter centum observationes quandoque unam reperias, que novitate placeat, aut quidpiam, ad rem medicam pertinens, doceat, opera pretium erit omnes percurrisse, ut in hanc incideres. Verbo enim ut dicam

Sunt bona, sunt mediocria.

tertium non addo, ne ipse mihi male ominari vi-

dear; non aliter libros fieri jamdudum Epigrammatistes vaticinatus est: bonus lector bona colliget, mediocria leget, & si quid tertii generis occurrat,

ignoscet.

Restabat è tribus, que initio me prefaturum receperam, ut quo modo scripserim hac anatomica te edoceam. Non repeto, quod Fallopio aliisque multis displicet, totam istam Anatomiæ eramben toties regestam, & de charta in papyrum translatam; sed ea tantum, que vel ad rei proposite intelligentiam necessaria sunt, vel novitate sua jucunda adfero, eademque ex novis delineationibus æri incisa depingo. Atque bæc nobis satis certa est rei demonstratio, præsertim ideo, quod pleraque, que vel nova sunt, vel abborrentia à vulgatis aliorum sententiis, ea domi tam in ossibus, visceribus, musculis, quam arteriis, venis, nervis, vasisque lymphaticis incorrupta ostendere possim, quod lector dignetur omni mathematica demonstratione certius in bac Medicinæ parte assumere: nec enim puto oculari inspectione à quoquam adferri quicquam posse evidentius. Nam eorum, qui jam sibi ita placent in sua Mathematica, ut etiam Medicinam velint ad ejus leges revocare, nibilque tentari à Midico, antequam illud & faciendum ese, & aliter fieri non posse demonstraverit, tanquam ineptos bomines à medicandi arte præstantissima rejiciendos censeo. Ego certe eos insanire citius mathematice demonstravero, quam illi proba-

verint artem hanc practicam, &, quæ non exigua ejus laus est, divinatoriam, ad Mathematicorum leges revocandam esse. Non potest revocari omnium Regina artium Politica, non debet Medicina. Agendum in utraque est ex prudenti judicio, & servanda respublica ægerque sanandus est, antequam pereant, dum illi suos quærunt, quos nunquam invenient, calculos, quosque quærendos esse gratis assumunt, & prudentium omnium ingratiis.

INDEX & SVMMA

OBSERVATIONVM.

000				141		
0	DC		100	Λ	ТΙ	α
U	DO	\mathbf{E} R	V	$T\lambda$	11	U

I.	NVmmus Pylorum occludens. Superfœtatio.	Pag: 1
11.	1 Superfectatio.	. 4
III.	Tumor in dorso faccum frumento plenum referen	
21120	nationis vi efformatus.	6
	Valvulæ in venis triplices, imo & quintuplices.	9
V.	Arteriarum cum venis anastomosis experimento	The second second second
	extra eas repertæ impugnatur.	17
VI.	Decem uvæ postquam ultra tres menses in ventric	
	ferant, integræ & succo plenæ ejectæ.	19
VII.	Vena & arteriæ umbilicales longo post nativitatem	
*****	apertæ.	21
VIII.	Anastomosin arteriarum cum venis ne quidem in cer	
737	lam reperiri.	22
	Arteriæ umbilicales non uno semper exoriuntur loco	
A.	Hydatides ad uterum, ceterasque partes repertæ,	
WI	drope diftinguuntur.	28
AI.	Liene homines aliquando naturaliter, aliquando ari	
VII		30
	Hermaphroditi.	32
	Testiculi in juvene delitescentes. A frequenti narium fricatione polypus, & ab illo m	35
	Odorifera corpori unico temporis momento vel pro-	
AV.	nocere.	38
XVI	Cor stupendæ magnitudinis.	
	Cor solità magnitudine minus.	39
	Glandulæ mesenterii insolitæ magnitudinis.	43
	Animalia in aure genita.	45
	Quæ ligamenta dicuntur uteri vespertilionum alis a	
	ta, eum non ligant.	47
XXI.	Papilla duplex in uno feminæ ubere.	- 40
	Monstrum polydactylon.	51
XIII.	Monstrum cacodæmonis picturæ, quam humanæ fi	
-	milius.	56
XIV.	Etiamnum nascuntur dentati.	60
	*** 2	XXV.

INDEX & SVMMA

OBSERVATIO	1
XXV. Sputum fanguinis periodicum.	61
XXVI. An venæ & arteriæ venas habeant & arterias, quæ	: fua
illis alimenta suppeditent?	62
XXVII. Mors à lapidibus asperam arteriam prementibus.	64
XXVIII. Materia podagrica in elementa fua chymicè refoluta	. 66
XXIX. Vena cava duplex.	68
XXX. Ductus thoracicus triplex.	71
XXXI. Valvula coli non semper omnem impedit versus s	upe-
riora alcenium.	72
XXXII. Quatuor arteriæ spermaticæ sine spermatieis veni	s re-
pertæ.	72
XXXIII. Lien magnitudine & duritie peccans.	74
XXXIV. Hepar nec per alvum, nec per urinam ejicitur.	75
XXXV. Lapis in cerebro repertus.	76
XXXVI. Secundinæ portio quarto à partu mense incorrupta	& in-
noxia editur.	78
XXXVII. Placenta mulieris septem cotyledonibus constans.	80
XXXVIII. Placentæ informes, quas vulgus Suygers, & vocat	, &
esse putat.	18
XXXIX. In colo & in ileo plurimæ reperiuntur valvulæ,	quas,
quia non totum opplent spatium, valvalas connivente	s ap-
pellamus.	85
XL. Matres pueros suos nimis alendo sæpe necant.	. 90
XLI. Mulier fati sui diem ab impio prædictum mendica	ibulo
nimis apprahendens, eo ipso extincta.	92
XLII. Iliaca passio ab ulceribus intestinorum cum inflamm	latio-
ne potius, quam eorum intorta convolutione oritur.	93
XLIII. Vermis è naribus ejectus.	97
XLIV. Acus gutturi inhærens magnete extracta.	99
XLV. Λόρδωσις fanata. XLVI. Oves aliquot & puer cerebro carentes.	101
VI VII More ex fordibus in afrera arteria congregation	102
XLVII. Mors ex sordibus in aspera-arteria congregatis. XLVIII. Cartilago sontanellæ similis in ossibus parietalibus	103
frontis.	
XLIX. Ren sœtûs unicâ constans glandulâ.	104
L. Varia observatione digna in puero.	105
LI. Pulveres sternutatorii sæpe noxii.	107
LII. Monstrum informe.	109
LIII. Sarcoma totam uteri vaginam occupans, forasque	III
pendens.	The later was
12.7	113 IV

OBSERVATIONVM.

DBSERVA	TIO	
2 2 7	Varia uno in corpore morborum exorbitantia.	114
	Omentum tam in fœtibus, quam in adultis reperi	
Da . B	XXXXII Medilkon per transar destina duquia.	115
EVI.	Substantia glandulosa pendens uncias septem infernè	
Marie Land	Cta.	116
LVII.	Sanguis & osla fœtûs flavo colore ex ictero matris	im-
74.		118
LVIII.	Oleum Vitrioli imprudenter & infeliciter vulneri far	nan-
	do adhibitum.	119
	Vermis renum fimul occupans totum ureterem.	121
	Caput monstrosum sœtûs.	122
LXI.	Claudicationis per instrumenta ferrea sæpe irrita,	per
TATIT	alias chirurgias fæpe palliata est fanatio.	124
LXII.	Puer variolis repletis pulmonibus fubitò præfoca	
TVIII		126
	Varius circa suturam frontalem naturæ lusus.	128
		129
T VVI	Varia in puero duorum annorum observanda.	132
TYVII	Pueri præ pinguedine nimia extincti anatomia. Multiformis calculorum varietas.	134
		135 æpc
121 4 111.		138
LXIX		132
		141
	Epilepfia periodica.	142
LXXII.	Pulmones costis adhærentes sine dispnææ, aut ph	thi-
	A A	144
LXXIII.	Pſeudopolypi.	145
	Mulier bronchocele præfocata.	148
	Ductus pancreaticus fœtûs parenchymate denuda	
		149
LXXVI.	Testiculi canis in unum coaliti.	150
		151
	Lapis in corde repertus.	152
	Vermes varii.	153
	Mors ab incauta nimiaque ciborum abstinentia.	155
LXXXI.		idua
	castissima in lucem edita.	157
	Impedita bilis à sanguine separatio, &c.	158
LXXXIII.	. Cor non uno morbo laborans.	160
	*** 2 LXXX	LIV.

INDEX & SVMMA OBSERVATIONVM.

ORCEDUATI		
OBSERVATI	Pili floccique devorati incommadant ventriculo.	162
LAAAIV.	Mandrus per verticem effuentia	165
LXXXV.	Menstrua per verticem effluentia.	
LXXXVI.	Menstrua per manum dextram fluentia.	166
LXXXVII.	Menstrua ab ipso nativitatis die fluentia.	168
LXXXVIII.	Menstrua serotina.	169
LXXXIX.	Respirandi difficultas ex corpore, &c.	170
XC.	Nimius Tabaci ufus noxius.	172
XCI.	Vasa lymphatica aquosorum tam interiorum, c	quam
	exteriorum morborum origines.	173
XCII.	Mutationes in hominibus ab influentiis, &c.	174
	Per Microscopia incertum in Anatomia judicium.	177
	Foramen Ovale cordis clauditur valvula semper p	
22027.	cente.	179
XCV	Infans Molæ inclufus.	184
	Venarum portæ & cavæ hepatis parenchymate e	1
ACVI.		
	rum ramificationes.	187
	Arteriæ & venæ pulmonalis ramificationes.	190
XCVIII.	Schema venæ & arteriarum placentæ.	193
XCIX.	Arteriæ bronchialis officium non est nutrire pu	lmo-
15 to 10 10 10 10	nes, sed asperam arteriam.	
C.	Oculus crystallino ceterisque humoribus spoliatu	s vi-
	fum recuperare potest.	

ELENCHVS CAPITYM

OSTEOGENIÆ.

CAP. I.	TEmembranis & cartilagine. pag.	213
II.	Os frontis.	215
igaIII.	Ossa syncipitis.	217
862 IV.	Os occipitis.	218
ees V.	Ossa temporum.	220
VI.	Os Sphenoides.	225
VII.	Os ethmoides.	230
VIII.	Maxilla Superior.	231
IX.	Maxilla inferior.	234
Χ.	Dentes.	237
XI.	Os hyoides.	238
	Spina dorsi.	238
	Os innominatum.	244
	Costa.	246
	Sternum.	248
	Clavicula.	250
	Scapulæ.	251
	Artus superiores.	254
XIX.	Artus inferiores.	257

SVMMARIVM ANTHROPOGENIÆ.

CAP. I. O Vum humanum. II. O Fætus trium, aut summu	im quatuor
dierum.	291
III. Quindecim dierum Fatus.	293
IV. Fatus trium hebdomadarum.	293
V. Mensis unius Fatus.	295
VI. Sex hebdomadarum Fætus.	298

THEODORI KERCKRINGII OBSERVATIONUM

ANATOMICARUM RARIORUM CENTURIA UNA.

OBSERVATIO I.

Nummus Pylorum occludens.

Ata sæpe viam invenire, quâ hominem enecent, minime prævisam mortalibus, docuit Amstelodami infortunium puellæ quinque fere annorum, & tristitia parentum ex morte inexspectata filiæ gravissima. Ea inter ludendum XIII. Decembris anni M. D.C. LXVII. nummum argenteum exiguum assem, sive stuferum, ut vocant, valentem, qui septem colligatas in fascem sagittas provinciarum Belgii unitarum insigne præ se fert, deglutierat; inde altero tertioque die nullum sentiebat incommodum, quarto de dolore ventris cœpit queri, locumque doloris manu designabat in finistro latere circa inferiorem partem ventriculi: augescente indies dolore, appetitus perit, & quidquid ciborum sumit, rursus ejicitur; vires intra paucos dies collabuntur. Ego vigesima die mensis advocatus, catharticum medicamen-

-11011

mentum exhibui, quod statim per vomitum reddidit: itaque nec inferne, nec superne se prodente nummulo, id, quod erat, suspicatus, eum in pylori hærere orificio, fatalem pronunciavi parentibus sententiam; & quò certius sententiæ meæ veritatem explorarent, author fui, ut vitâ defunctam puellam mihi secandam permitterent; addicunt, & xxIII. die istius mensis circa vesperam misera extinguitur, satis præter opinionem meam placido fato. Altero die causam mortis ostensurus parentibus, eam disseco; & ecce nummus circulo isti, qui pylorum undique cingens coarctat, non secusac cooperculum ollæ incumbens omnem alimento ad intestina transitum prohibebat : reperi ergo intestina vacua omnino, ceterum fana: nummumque ex parte interiore ventriculi, jam accrescente illic pinguiore quadam materia firmatum, ex parte intestinorum obsessium quibusdam, qui facile diluebantur, vaporibus. Quem nummum sic adhærentem ventriculo, non minus avide, quam alii vetera numismata, inter anatomiæ meæ thesauros recondidi.

Felicius successit ante annos quatuor puero, qui cupreum nummum devoraverat, quem Frisii quadrantis nomine infigniunt, haud paulo superiore nummo argenteo majorem, quem fere toto mensis spatio detinuit, tandemque purgationibus, aliisque medicamentis per inferiora dejecit; incolumi quidem puero, sed nummo ita in ventre

attrito, ut vix moneta ejus appareret.

Tabu-

Tabula 1. ad Observationem 1. nummum in pyloro hærentem ostendit.

A. Pars ventriculi à toto descissa.

B. Pylorus.

C. Nummus pyloro inhærens.



rotum non contrinenture, veniunt & vident

duo penes me sedeta geminorum uno partnedi-


TH. KERCKRINGII

OBSERVATIO II.

Superfatatio.

IN muliere rard evenit ut superfætet, sed factum Laliquando est, inquit * Philosophus. + Plinius adstipulatur. Et libro integro de superfœtatione scripto, ut omnes taceant, hoc irrefragabiliter testatur divinus Medicorum Magister. Interim superfætationis natura & ratio tantis difficultatum involucris est implicita, ut plerique eam fieri non posse existimarint: sed audiendi non sunt, inquit *Laurentius. Nequaquam audienda esse ista speculationi suæ tam addicta ingenia, ut quæ ipfi, quomodo fiant, non percipiunt; audacter, dicam, an impudenter negent, omnemque denegent fidem viris quantumlibet probis, qui se, vel vidisse, vel expertos esse confirmant ea, quæ ipforum excedunt scientiam. Cum ergo supersætationem dari præter antiquos clament Laurentius, Sennertus, Nicolaus Florentinus, Paulus Pereda, innumerabiles alii: & tamen pervicaces isti longe petitas, vel tantum auditu cognitas ogganniant esse historias, volui hie etiam extare luculentum superfætationis exemplum. Qui testimoniis tot & tantorum virorum non convincuntur, veniant & videant duo penes me sceleta geminorum uno partu editorum,

^{*} Lib. 7. bift. anim. c. 4. + Lib. 7. natural, biftor. c. II. * Lib. 8. queft. 22.





torum, quorum alter octo erat mensium, alter quantum nunc ex ossibus apparet, & tunc, cum carne vestita mihi offerebantur, ex toto corporis habitu apparebat, quartum mensem nondum attigerat: quod etiam sigura apposita spectato-

rem liquidò satis docebit.

Quamvis non multæ aliæ existerent ex observationibus rarioribus utilitates, hoc saltem haberemus, ut neotericorum experientia fidem astrueret veterum sentiis, quas plerunque increduli isti ad fabulas rejiciunt, quia nihil fere est rarius, quod non commentis suis vel illustrârint, vel obscurârint, qui tum erant populorum magistri, Poëtæ. Quorum allegoriæ, dum rerum veritatem quidem explicarent jucundius, factum est, ut populus adhærescens externo parabolarum cortici, nucleum, qui sub iis latebat, negligeret: ideo quæ de Alemenæ Herculem & Iphiclem parientis superfætatione mysteriose magis, quam vere ab iis dicuntur, non attuli: ne parabolica ista, tam claris experientiis objicerent tenebras dubitationis.

ten; quem daslo por tret, referre vidererer.

Contubulities and tos, quibus Amfielodamum

donem, l'eancifeam

Vage

OBSERVATIO III.


Tumor in dorso saccum frumento plenum referens imaginationis vi efformatus.

Maginationis vis side fere omnimajor, cum tot In rebus ubique pateat, tum ipfe videor hîc allaturus insigne quoddam ejus experimentum. Franciscus quidam Huyer, Quæstor Ducis Neoburgici per eum districtum, qui Meselaen dicitur, coacturus rusticum quendam ad ea onera solvenda, quæ subditis communiter erant imposita, quibus vel par non erat, vel non esse se simulabat, justit frumentum è granario ejus esferri, cui executioni dum ille & adest & præest, anicula quædam dorsum ejus terque quaterque feriens, Francifce, inquit, Francisce, quid agis, ô quid agis, Francisce? Ille percussione verbisque iis nonnihil commotus, sensit eodem die, quo loco anicula eum tetigerat, tuberculum quoddam surgere nucis avellanæmagnitudine, quod intra triduum ad magnitudinem ovi gallinacei excrescebat; neque hîc finis incrementi: tribus id annis gesserat, cum anno M. D.C. LXVII Amstelodamum confilii atque auxilii causâ excurrit; jam informis tumor eum in modum auctus erat, ut saccum frumento impletum, quem dorso portaret, referre videretur.

Consuluit ille multos, quibus Amstelodamum gloriatur doctissimos viros, & præceteris Franciscum de Vicq, Guiljelmum Pisonem, Franciscum

vander Schagen, qui inter frequentes in celeberrimâ urbe Medicos tum eminebant: nulli eorum videbatur apertione tumoris quidquam tentandum, quod esset periculosæ plenum opus aleæ: idem præcipui Chirurgi, sed non omnes, ea super re consulti, censuere. Dum me privatim æger consuleret, obstupui videns tantam molem plenum semicruda œdematosa materia, quæ jam & maximam dorsi partem occupaverat, & profunde admodum ad ossa ipsa penetraverat. Viro, ne cui unquam apostema aperiendum committeret, suasi, sed quod eventus docuit, non persuasi. Postea enim Coloniæ se Chirurgo cuidam tradidit, qui vomicam aperiendo inde cedematosæ materiæ ingentem copiam, una cum anima eduxit: communicata mihi postmodum està confanguineis ejus monstrosi tumoris delineatio, quam ecce tibi æri incifam exhibeo.

Causam hujus monstrosi tumoris plerique ad artem magicam referebant, qua pollensista anicula tactu illo hominem intoxicasset. Sed quis non videt, propiorem, & clariorem, & physicam ejus causam posse assignari? Homo superstitiosus tactus hac ratione ab anicula, cum intoxicationis aliquem metum concepisset, & antea, ut sit in talibus executionibus, sese cholera commovisset, humor motu facilis, utpote tenuis & levis, ab imaginatione determinatus ad id loci consluxit, quem anicula tetigerat. Crescente deinde cum imaginatione ipso tumore, phantasia hominis cir-



ca Dei vindictam, quod nimio rigore pauperem rusticum frumento spoliasset, capit ludere: unde in ipso, prout sit in gravidis mulierculis, aliquam facci frumentarii dorfo hærentis speciem tumor induit. Quid, quæso, hîc opusestad magicas artes, quænullæ funt, tales nimirum, quales fingunt, diabolicas recurrere, cum videamus imaginationem quotidie multò mirabiliora efficere.

OBSERVATIO IV.

Valvulæ in venis triplices, imo & quintuplices.

Uæ vidimus, ac manibus ipsi contrectavi-Lmus, ea reperiri in rerum natura liquidò affirmare possumus, & jure æquissimo sidem exigimus ab iis, quibus hæc talia vel narramus, vel scribimus: at contra negare ea existere, quæ nobis, quamquam diligenter in ea ipsa inquirentibus nondum oblata funt; præter notam temeritatis, quæ inde nomini authoris inuritur, multum fidei derogat ceteris, dum suspicantur lectores eum, qui tam leviter propositionem negantem arripuit, non minus temere ajentem secutum suisse: præsertim si postea contrarium reperiatur ab aliis vel diligentioribus, vel certe felicioribus investigatoribus.

Quis Bartholino vel in recensendis aliorum fententiis diligentior, vel in examinandis cultro anatomico corporibus curiosior unquam fuit? -magni facio virum cum omnibus, laudo occasione oblatâ apud plurimos, absentem, & non nisi libris suis notum amo; ideoque (quod mortalium cavere nemini datum est) vel nævum scriptis ejus aspersum reperiri, tanquam si eximius ipse à mortalium conditione esse deberet, doleo. Ideircoque hæc ab * Anatomia ejus reformata abesse mallem, ubi dicit. Numerus valvularum in uno loco non excedit binarium. Nam per intervalla modò singulatim, modò geminatim ad summum sitæ sunt: non ternæ, ut in vasis cordis, unquam re-

periuntur valvulæ.

Quæcunque affirmas Vir doctissime te vidisse credimus, & nihil te astruxisse quod non videris, id quoque credimus: at si quid fatearis te non vidisse, id non esse in rerum natura, propterea credere non debemus. Ego enim in venis tum hominum, tum bestiarum valvulas ternas sæpe reperi; & in testimonium servo venam jugularem internam hominis, in qua ternæ triplici loco conspiciuntur valvulæ; ubi ex subclavia proditexiguo intervallo bis, & interjecto fere trium digitorum spatio iterum, pro ut figura prima tabulæ quartæ demonstrat. Imo hoc amplius addo, servare me venam jugularem canis, in qua quinque uno in loco valvulæ ita funt conspicuæ, ut dinumerare eas velinfans possit: quod quia Bartholinum fugit, neminem observasse existimo. Non fugit tamen † Riolanum aliquas in jugulari interna inveniri valvulas præter eas, quas Hiero-

ny-

^{*} Libello I. cap. 2. † Anthrop. lib. 5. cap. 49. * De venar. oftiolis Tab. I.

nymus Fabricius ab Aquapendente in ejus exortu collocat, nullasque alias reperiri assirmat, cujus contrarium aliquando inveniri, jam diximus

nos omni tempore posse ostendere.

Poterat autem aliqua etiam ratione morari istam ita universaliter negandi promptitudinem idem ille, qui valvularum primus habetur inventor Hieronymus Fabricius ab Aquapendente, qui Bartholinum, & cum eo plures in errorem induxerat. Cujus verba in tractatu de venarum ostiolis hîc verbis totidem repetam, ut ostendam ab eodem, unde error ortus est, aliquod peti potuisse erroris remedium. Bina, inquit, oftiola singulis locis passim sunt apposita, non sicut in corde tria, quia in corde recursum magis impediri, in venis transitum aliqua ex parte remorari erat opus: in corde rursum magna aderat diastole & systole, in venis nulla. In corde tandem maxima sunt foramina canalesque amplissimi, ubi ostiola adsunt : ob quam causam in bove, ut puta vasto animali, aliquando tria observata sunt ostiola.

Auditisne in bove aliquando observata esse tria ostiola, seu valvulas? ne quis assirmaret, nunquam reperiri tres. Auditis & illud in corde recursus magis impediri, in venis transitum aliqua ex parte remorari erat opus. Nondum Anglicum illud Harvæi lumen Italam illustraverat diligentiam, circulatio, inquam, sanguinis nota Fabricio ab Aquapendente nondum erat; ideoque contentus duo invenisse ostiola, quæ tantum remo-

morando sanguini, non autem recursum ejus impediendo necessaria putabat, non fuit ei curæ accuratius ea indagare. Si fanguinem sursum ferri per venas scivisset, diligentius, an non etiam tria plurave ostiola ejus recursui sistendo natura adhibuisset, procul dubio fuisset perscrutatus. Quapropter spero nemo posthac nobis tres, & aliquando quinque simul valvulas reperiri, non tantum affirmantibus, sed quocunque tempore (quod hac in re validissimum demonstrationis genusest) oculis exhibere paratis, uti spero, refragabitur. In venis, inquam, hominum jugularibus eas aliquando reperio, & in bubus sapissime: quod per eas venas omnis sanguis ex capite ad cor præcipitetur, vasaque ipsa sint amplissima, cavit provida natura hac valvularum multiplicatione, ne nimià vi fanguis ille descendat; hinc in hominibus ipsis, si qui jugulares venas habent ampliores (est enim hic in magnitudine insignis varietas) reperitur hæc valvularum triplicatio aliquando. Veniam interim facile concedimus iis, qui in Fabricii, & Bartholini sententia fuere: perdifficilis enim est valvularum istarum investigatio; nam qui premendo in venis sanguinem id moliuntur, quam infido nitantur præsidio, doceterror ipsius Fabricii, qui cum valvulas eo modo invenisset, qua ratione aperirentur invenire non potuit. Qui autem venas exsectas inflando examen suum accuratius instituunt, iis cautela quadam & constantia opus est, ne quod non ap-

pa-

paret, id esse negent: applicant enim se venæ lateribus tenuissima illa valvularum corpuscula, & ita latitant, ut sæpenumero ne sextâ quidem experientia sese prodant: experto credite, etsi non statim reperiatis, in negando emezem, in investigando perseverate; & invenietis interalia, etiam ubi binæ tantum funt valvulæ, earum unam duas tertias venæ partes sæpe occludere; aliam minorem reliquæ parti claudendæ destinatam esse: scrutentur, inquam, constanter quotquot hanc Medicinæ partem excolendam suscipiunt, (suscipere autem deberent Medici omnes) singulique sine invidia conferant symbolum, & excrescer tandem opus Anatomicum in admirandam cunctis perfectionem; cui quantum conferat quotidie Anglorum sub Regis serenissimi protectione congregatio, omnes grati animi lætitiå agnoscimus. Contulit etiam non parum expertissimi nostri Amstelodamensis Anatomici Domini Frederici Ruysch indefatigabilis solertia, qui inter cetera reperit valvulas illas, quibus venæ, ubi majores ramos spargunt, occluduntur, ab aliis figura valde esse distinctas; quarum imaginem, quod ille non fecit, bonâ ejus, uti spero, veniâ, hîc lectori. exhibemus.

Explicatio Tabulæ IV. ad Observationem IV. valvulas triplicatas, quintuplicatas, easque, quæ ad majorum venarum divaricationes inveniuntur, octo figuris explicans.

FIGURA I.

A. Vena jugularis hominis.

B. Valvulatriplex, prima ubi ex subclavia prodit.

C. Altera triplex valvula priori proxima.

D. Tertia triplex valvula, fere trium digitorum latitudine à secunda distans.

FIGURA II.

A. Vena jugularis Canis.

B. Quintuplex valvula minus distincte à chalcographo expressa, quam clarius propono Fig. III.

C. Valvula triplex.

FIGURA III.

A. Pars venæ jugularis canis aperta paulo quam erat latior, ut clarius quinque valvulæ appareant.


b.b.b.b.b. Quinque valvulæ intra venam conspicuæ.

FIGURA IV.

A. Pars venæ jugularis humanæ aperta, ut triplex valvula appareat.

b.b.b. Tres valvulæ distinctæ.

OBSERV. ANATOMICÆ: 15



MG. HI

FIGURA V.

A. Tres valvulæ in vena jugulari pueri bîc appofita, ut lector videat aliquando hanc triplicaturam occurrere.

FIGURA VI.

A. Vena jugularis bovis, in qua, ut etiam Hieronymus Fabricius ab Aquapendente animadvertit, sapius invenitur valvularum triplicatura.

B. Triplex valvula.

C. Altera triplex valvula in eadem vena.

FIGURA VII.

A. Pars venæ cavæ equinæ aperta.

B.B. Figura valvularum, que affixe sunt venis, ubi ramos majores emittunt, que differunt longe figura ab aliis venarum valvulis: non enim lune crescentis, sed pyri oblongioris formam referunt, unde nos eas merito pyriformes appellare audemus.

FIGURA VIII.

A. Pars venæ cavæ bumanæ, ubi eædem oftenduntur pyriformes valvulæ.

OBSERVATIO V.

Arteriarum cum venis anastomosis experimento lymphæ extra eas repertæ impugnatur.

Uanquam circulatio sanguinis jam penè Licholas omnes ita feliciter circumiverit, ut fere ab omnibus admissa, non nisi ab imperitis & pertinacibus repulsam patiatur; nondum tamen expeditum satis videtur, quâ ratione sanguis arteriosus ad nutritionem partium in eas effusus, rursum ad cor deducatur, ut sic motus iste perpetuus continuetur, & interim partes demenso non defraudentur suo. Nam anastomosis venarum & arteriarum, quæ ne quidem maxime lynceis ætatis hujus Anatomicorum oculis unquam apparuit, etiamsi concederetur, tamen rei hujus explicationi esset ineptissima. Quid ergo dicemus? Nos quidem in hocce libro nihil. Videamus tamen an experimentum, quod cultro nostro Anatomico xxxI. Januarii anno M. DC. LXVIII. & iterum IV Junii anni ejusdem oblatum est, non sternat viam, ad solvendum hunc nodum verè herculeum. Utroque enim, quod annotavi, tempore canem secans, inveni spectatæ magnitudinis vas lymphaticum per summam fellis cystidem reptans, cujus cum lympham subflavo colore tinctam conspicerem, croceamque circa hepar esse affirmet Clarissimus

mus * Franciscus de le Boe Sylvius, practicæ Medicinæ, in Academia Leydensi Professor dignissimus, alterum ad perscrutandum hoc phœnomenon sensum adhibui, & ut fellis colorem oculis, ita ejusdem saporem gustui exhibuit. Hinc ego (recte an perperam penes lectorem esto judicium) ita ratiocinabar. Hoc vas lymphaticum circa folliculum fellis fugit lympham amariorem; ergo lympha hæc extra arteriarum vasa delata suit. Si lympha, etiam sanguis, qui postea ad venas pervenit, quis enim separasset? & si venarum esset cum arteriis anastomosis, quod † Riolanus vult, quomodo venæ succum illum, qui in arteriis adhuc dulcis erat, non unà cum sanguine transsumpsissent? Si autem vaforum lymphaticorum cum arteriis etiam ponas anastomosin, quomodo amarus est redditus, cum vafa illum transfumpferint dulcem, qualem in arteriis reperiebant. Ergo videtur vero proximum fanguinem ex arteriis ad partes nutriendas in eas effundi, & nutritione peracta vafa lymphatica, lympham; venas, fanguinem superfluum, sive attractione sua, sive impulsione aliunde facta (non enim hanc litem hic moveo) recipere, ut ea deinde per ambages quæque fuas ad fubclaviam, indeque ad cor rurfus per arterias effundendum deferant. Forte alias dabitur hoc probandi locus; nunc valeat, quantum potest, observatio.

[.] In Disput. de vasis Lymph. S. 7. + Anthrop. lib. 3. cap. VIII.

OBSERVATIO VI.

Decem uvæ postquam ultra tresmenses in ventriculo hæserant, integræ & succo plenæ ejectæ.

VEntriculus, qui nutritionis primus artifex, & proinde accretionis & fanitatis prima quasi causa; etiam morborum fere omnium, quando aberrat, est pater. Hîc tantum observabo in eo sæpe latere chronicorum morborum fundamenta, quæ sæpe incantamenti, aut aliorum mali genii, ut vocant, essectuum, super-

stitiosis dant suspicionem.

18 0

Fuit cum vomitorio semel iterumque repetito, (quod in similibus, ubi præcesserint, quæ ars adhibenda præscribit, sere unicum est remedium) quod eduxerim rete quoddam, tanquam artificio humano contextum, quod putabant arte magica ibidem fuisse genitum, & liberabat rete illud longissima invaletudine hominem, qua captus, diutissime inter vitæ tædia & mortis vota fuerat conflictatus. Aliàs vermes vel magnitudine stupendos, vel numero spectandos & in globum convolutos, qui annos multos homines inscios quo tandem incantamento torquerentur, vomitoriis præstantibus educi, & Medicorum multorum, & nostrâ etiam frequenti constat experientià. Quod autem crudam substantiam, sive intus genitam, sive extrinsecus assumptam diutius retinere possit ventricu-

lus, notabili historia docuit fabri cujusdam silius, qui anno M. DC. LXVI. mense Octobri triginta circiter uvas integras, non mansas, aut fractas devoraverat: ex quibus tribus consequentibus mensibus nullum sensit incommodum: postea in tam frequentes & graves incidit lipothymias, ut sæpius videretur redditurus animam, non nisi leni interim vexatus, sed perpetuâ febricula. Advocatus ego leni cathartico & confortativo, roboratâ simul & irritatâ expultrice potentià, ejecit decem ex uvis jam dictis, adhuc pellicula sua vestitas, & succo plenas; quo levatus onere puer convaluit. Hæc fere astruerent sidem aliquam observationi * Bartholini, ubi non sua, sed aliorum side narrat, etiam infantes concipi & formari posse in ventriculo, qui postea ore pariantur: adstruerent, inquam, fidem aliquam, quoad moram in ventriculo, nisi alia hîc retinerent auditoris assensum, quapropter, oporteat hîc, si non. amig New, faltem intexen.

east war in D.

^{*} Observat. xcviii. Cent. v.

geminationem venæ umbili-

OBSERVATION V.II.

Vena & arteriæ umbilicales longo post nativitatem tempore apertæ.

Uod hac observatione observandum propo-Ino, forte aliis etiam quibusdam compertum fuit. Ego in puero octavum vitæ mensem agente, reperi venam & arterias umbilicales apertas; quas in rei testimonium servo. Hujus umbilicus omni isto, quo vixit, tempore stillaverat sanguine, quod mihi hujus symptomatis dabat indicium. Quoniam autem de venâ umbilicali hîc incidit mentio, adverte, quod optime notavit Experitissimus * Gualterus Needham, venam umbilicalem, dum ex umbilico egreditur, femper duplicem, præterquam in homine. De vacca, cane, ove, & quotquot ego secui animalibus, meum adjicio calculum, de ceteris facilè authori tam accurato & docto adhibeo fidem. Verba autem + Nathanaëlis Highmori laudatifsimi Anatomici, ubi ait. Vena umbilicalis ex scissurà quadam bepatis, in fimbrià ejus anteriore sita, prodit, & per geminas peritonæi membranas delata, ad umbilicum tendit, nonnunquam gemi--nata, uti in vaccis semper reperire solebam. Propter viri reverentiam sic interpretor, ut illud, uti in vaccis semper reperire solebam, referam so-

^{*} In tract. de formato Fatu, cap. 4. † Lib. I. part. 4, cap. 7. de corp. bu-

lummodo ad illam geminationem venæ umbilicalis, non autem ad locum ubi geminetur: licet enim nonnunquam in vaccis, imo & in homine geminetur, antequam ad umbilicum perveniat, id tamen in utrifque extra ordinem fit,
at geminatio ista venæ umbilicalis, quam in
vaccis semper est invenire, non sit, nisi post
egressionem ex umbilico.

OBSERVATIO VIII.

Anastomosin arteriarum cum venis ne quidem in cerebro ullam reperiri.

A Nastomosin venarum cum arteriis, quia ne-I mo clarâ autopsiâ invenit, nec mihi in ea re magis lynceo, quam reliquis esse contigit, affirmare nec lubet, nec audeo. Scrutentur, qui volunt, meâ opinione non invenient. Scrutentur, inquam, dum eam viderint, vel certissimis & irrefragabilibus argumentis eam necessariam esse, licet non appareat, evicerint. Nam quod Vir, optime de Anatomia meritus Thomas Willis, cujus diligentiam suspicio, scientiam veneror, in Cerebri sua * Anatome eam inibi reperiri, probare conatur, non est tale, ut quemquam ratione magis, quam authoritate nitentem, nedum pertinacem convincere possit. Verba ejus de sinibus cerebri, quæ de venoso sunt genere, loquentis hæc funt. Undequaque ab bis finibus, vasa minora, scilicet canales venosi dimittuntur, qui juxta interiorem sive concavam dur æ matris superficiem exeuntes, statim piæ matriinseruntur, ejusque protensionem sequentes, per totum cerebri, ejusque intra cranium appendicis, ambitum, ac interiores quosvis recessus distributi, cumque arteriis complicati sanguinem superfluum excipiunt, ac in majores istas cavitates important. Verbis illis, quæ exsertè notavi, eum anastomosin venarum cum arteriis intelligere, ex eo, quod subjungit experimento, moveor, ut in animum inducam meum. Pergit enim. Rem ita babere plane constat, quoniam si liquorem atramento tinctum arteriæ tubulo injicias, iste propagines. arteriofas, ac demum venosas trajiciens, ultimo in sinus pervadet. Ergo arteriarum toti ες κεφάλω inservientium rivuli omnes sese exonerant in quatuor amplissima illa vasa, que meninx continet. Quod ante positum erat; qua positione vel ille, vel alii ex illo intelligunt arteriarum cum venis anastomosin. Permittet mihi, credo, Vir ille in veritatis indagatione, ex collegii, cujus membrum nobile est, genio candidissimus, ut scholastica libertate negem consequentiam. Ut enim experimento, quod difficilius aliquando est, non refrager: tantum ex eo sequitur humorem istum atratum infufflationis vi extra arterias impulfum, cum ibidem urgetur spiritu, plus humorum, quam arteriæ capiunt, submittente, quærere sibi locum in quo delitescat, cumque in corpore illo, per quod arterias egressus, violenta sufflatione pel-

pellitur, vel aperta inveniat, vel ipfe sibi aperiat, & diffringat venarum dispersa oscula; quid mirum si ea ingrediatur? Occlamat huic non experimento, sed conclusioni inde elicitæ, experimentum aliud, quo certius, ut videtur, hæcarteriæ carotidis cum venisanastomosis an quæ daretur, investigavi. Immisso enim tubulo in arteriam, admotâque candelâ ad levi scissurâ apertum sinum, nullus unquam slammæ ex inslato per arteriam spiritu, perceptus est motus; argumento nobis satis probabili, nullam hîc dari anastomosin, quam haud dubie spiritus inflatus sanguine multò subtilior invenisset. Dices, spiritus, quia subtilis est, per alios in corpore cerebri inventos meatus dissipatur, antequam ad venarum juncturas perveniat. Dissipatur is quidem & sibi quærit exitum, dum ab alio spiritu pellitur, sed exitum eum per venas non invenit, quemadmodum humor atratus, quia illa via non patet, nec ipsi necesse venas eas rumpere, aut oscula eorum aperire, quia ipsi, ut subtiliori, dantur aliæ egrediendi viæ, qui humori crassiori, cum non sint perviæ, ille scilicet vi adactus perfringit, ut dixi, venas, easque adimplet suo corpore, tingitque nigredine.

Nonne idem usuvenit in isto experimento Francisci Glissonii, quod in Anatomia Hepatis cap. 33. susius describit. Dum album liquorem per portam in hepatis primum parenchyma immittimus, qui deinde, si inslando urgeatur, ad

cavæ surculos, ipsamque venam cavam se dispergit: & tamen affirmare ausim, primum ratione ductus; quia prius per ipsum hepatis parenchyma diffunditur, quam cavam intret: deinde etiam tot hepatum, quæ excarnando examinavi, experientià doctus, nullam esse portæ cum cava anastomosin; quamvis toties ambas has venas usque ad capillarium minutissimas propagines ab omni parenchymate, & à se invicem separaverim, distinctasque, prout observatione xcvi. eas delineavi, servaverim; nunquam tamen ullum inveni certum anastomoseos vestigium. Quare ne ex hoc quidem experimento infallibiliter concludi arbitror, illam arteriarum in cerebro, nec alibi uspiam cum venis osculorum communionem, quam, qui propter circulationem sanguinis introduxerunt, non subsidium aliquod, aut firmamentum, sed offendiculum potius & exitium sux conquisiverunt sententiæ; quia hac anastomosi ob circulationem introducta, non tam facile explicabitur, quomodo fiat partium nutritio, & cur fanguis ab arteriis in nutrimentum corporis impensus, denuo corrigendus & exaltandus, à venis ad cor deferatur.

Quod si quis contendat non hanc suisse Viri præclarissimi mentem, ut supra allatis verbis istam anastomosin astrueret; is sciat, me consequenter non eum impugnasse, sed eos, qui hoc ex iis colligunt, quos tantum volebam admonitos,

nitos, hoc perperam inferri ex allato fupra experimento.

OBSERVATIO IX.

Arteriæ umbilicales non uno semper exoriuntur loco.

MIrantur quidam, nec immeritò, etiam inter Anatomicos, qui nihil, nisi quod oculis viderunt, manibus tetigerunt, se allaturos profitentur, esse tantam sententiarum pugnam, ut alius hoc, aliud alius eadem de re pronuntiet. Hîc ego non viris minus, à quibus & ipse nonnunquam abeo in alia omnia, quam arti toti A-

natomicæ patrocinabor.

Lusus naturæ, ut omnibus in rebus; ita in corpore humano funt varii & mirabiles; adeo ut, quod fortunæ proprium est, constare in inconstantia sua, non alienum videatur à natura univerfa, quæ propositum habet, semper variare, & non aftringi certis legibus, quas dare amat, & non accipere: itaque dum Anatomicorum unusquisque in paucis, quæ cuique secanda obtingunt subjectis, alius aliam invenit quasi ludentis naturæ petulantiam, scribit id quod vidit & reperit, alius alia fcena delufus narrat, quod ipsi spectandum fuit exhibitum. Fieri autem potest, ut quispiam in illis, quæ sibi oblata sunt subjectis, rem semper hoc vel illo modo se habentem, contemplatus fuerit, sed hinc non

OBSERV. ANATOMICÆ.

continuò infertur non aliter aliis apparuisse. Rem in arteriis umbilicalibus, veluti in exem-

plo declarabo planius.

Clariffimus Gualterus Needham Anatomicus expertissimus in libro suo de formato fatu cap. Iv. ita loquitur. Primo loco arteriæ (umbilicales scilicet) occurrent, que vulgo à cruralibus oriri dicuntur, me tamen Judice ab aortæ extremitate immediate derivantur. Credimus tibi, Vir doctissime, te vidisse eas ab arteriæ aortæ extremitate immediate prodeuntes, & semper te ita vidisse, quia tam serio ea super re tuam fers sententiam, credimus: sed tu, quæso, nobis quoque crede, qui eas ab aortæ extremitate sæpe, ab iliacis tamen ramis prodeuntes non rarò vidimus; & cuique, ut videat, exhibere semper possumus. Æqui bonique ergo, Lector, consule nostram illam à Needhamo discrepantiam, & omnem eam, quam ex eodem capite in Anatomicis fluentem advertis diversitatem. Quod si à negantibus propositionibus cautius abstinerent viri illi, qui, ut publico profint, tetros Anatomes non averfantur labores; profecto plus fibi commendationis, posteris minus parerent laboris. valling fic enim cam nominant, cujus incumque

aque purisque libres. Sed bono, quad licor hydropem cornumn utori appellitet, l'vir tamen prudens aquam banc purulentam non dicat intra

uttribus continuide dis novem cindiel

rur non aliter ahis apparuiffe. OBSERVATIO X

Hydatides ad Uterum, ceterasque partes repertæ, ab Hydrope distinguuntur.

TN puella, quæ vigesimum ætatis annum non Llonge prætervecta videbatur, hydatidem inveni testiculi sinistri locum occupantem, is enim aberat, quæ magnitudine ovum anserinum longe superabat. In cane item aliam ad magnitudinem ovi gallinacei, & alias sæpe circa alas vespertilionum, & tubos cæcos Fallopianos, quibus singulis sectionibus scrupulose diem & annum semper adscribere fastidiosæ in me videretur diligentiæ, si facerem; & nimiæ in te dissidentiæ, Lector, si efflagitares: hoc potius mecum considera.

An, non imposuerint hydatides ista Medicis, qui nobis hydropem uterinum decantaverunt. Videsis observationes Amplissimi juxta ac Expertissimi Domini * Nicolai Tulpii, Consulis Amstelodamensis dignissimi, & Medici sicut in praxi felicissimi, ita in observationibus accuratissimi : hic adfert exemplum Cathalinæ Bone+ valliæ, sic enim eam nominat, cujus utrumque uterinum cornu continuisse ait, novem circiter aquæ purisque libras. Sed bene, quòd licet hydropem cornuum uteri appellitet, vir tamen prudens aquam hanc purulentam non dicat intra

cavitatem cornuum contentam fuisse; sed potius hanc nostram sententiam suspicatus suisse videtur; hoc morbi genus ad hydatides referendum esse: cum addit aquas bas inclusas fuisse innumeris veficis, (hydatides videlicet cum aqua inclusa.constituentibus) quarum aliquas etiam ostendebat extima uteri tunica. Quod autem addit Amplissimus noster Consul, eandem rerum faciem Joanni Riolano esse observatam in illis uteris, quorum cornua produxêre, quos commemoravit, fœtus, Anthropograph: lib. 2. cap. 35. Recte dicitur, quantum ad tumorem scilicet: fed nihil hic, tumor patrocinatur hydropi: intumuisse fatemur cornua uteri in Cathalina Bonevallia, intumuerat etiam locus testiculi in nostra, quam attulimus, puella; at non hydrope, sed hydatide, hoc est, aquâ inclusa suis pelliculis, quanon est hydropica. Tu, quid dicendum sit, expende: ego dixi, quid dici possit.

Imo dixit olim Hippocrates lib. de internis affect: Fit enim bydrops, si tubercula in pulmone suerint enata, & aqua repleta, & in pectore rupta.
Quod autem siat etiam a tuberculis hydrops, testimonium babeo in bove, & in cane, & in sue. Audisne ex hydatidibus sieri hydropem, & tunc
sieri, quando rumpuntur, cognatum ergo hydropi sunt malum, imo & sæpe ejus causæ hydatides, sed hydrops non sunt. Consirmat sententiam meam, quod hydatides variis in locis repererim: semel in sex tantummodo mensium puel-

mt V

la ad dextrum testiculum magnitudine ovi columbini. In plexu choroide parvas item aliquot semel: ad venas in parenchymate hepatis sæpe: ad arterias raro; quas tamen non lubet appellare hydropes istarum partium; quamvis aqua in iis purulenta vesiculis suis inclusa reperiatur. Attamen nolo de nomine contentiosum funem trahere, modò de re constet, & sciatur hanc aquam non ea ratione, qua hydrops sanatur, esse curandam.

OBSERVATIO XI.

Liene homines aliquando naturaliter, aliquando arte administra destituuntur.

UT res humanæ furgunt, cadunt, & rursum, quæ cecidêre resurgunt: ita & opiniones sententiæque mortalium de rebus: suêre sæcula, quibus antipodes esse omnes uno ore assirmabant; successere Augustini & Lactantii tempora, quibus ii, qui ita sentiebant, damnabantur; jam rideretur, imo insanus haberetur, qui negaret: ita de motu terræ, & solis quiete in Astronomicis, jam probabile est, aut ut minimum tolerabile, quod annis abhinc quinquaginta tantum non inter hæreses computabatur: & quis scit, an de Lunæ incolis opinio, de quibus jam susurrari audimus, non aliquando majorem accipiet à tempore probabilitatem.

- In microcosmo cente eadem est fententiarum

variatio: ut de circulatione sanguinis taceam, quæ prorsus nova videtur scientia potius, quam opinio. De liene Plinius, Fluddus, & alii sentiunt, eo posse carere hominem, & commodè satis posse carere: successere alii, qui rident eam & explodunt fententiam: quid nos? xvii-Novembris anni M. D.D. LXVII. & rurfum XXVIII. Aprilis anni fequentis fœtus fecuimus, qui liene carebant; quod inter septuaginta forte, quos fecuimus fœtus, bis oblatum est uni, id non rarò contingere præsumendum est; invenirent si plures fuam exercerent in fecando diligentiam, & fortirentur, quæ nobis contigit, subjectorum copiam. Addo, quod jam canibus eximere lienem, eofque sanos dimittere, lusus sit; faciunt multi, & nos sæpe primum experientiæ, deinde quasi animi causa, ut incredulis confirmaremus nostram ea super re sententiam, secimus. Quis in hominibus, si sectionis dolores sustinere vel velint, vel cogantur, idem futurum neget? Historia certè, quam Fioravantius narrat de Græca muliere, cui lienem pendentem uncias duas & triginta exemit, & intra viginti quatuor dies curavit, fatis liquidò probat hoc membro carere posse hominem, & vitam sine incommodo transigere. Analogia etiam omnimoda, quæ hominibus in rebus naturalibus intercedit cum bestiis suadet; tu ridendo non diffuadebis.

OBSERVATIO XII.

Hermaphroditi.

A Bsit ab hoc capitulo lasciva petulantia, & procul hinc, procul este aures profanæ & salaces. Medicis scribimus, quibus & tangere subinde permittit necessitas que natura, sollicita pudicitiæ conservatrix, velanda curavit. Iis ergo non molestum erit audire, quid circa eas partes etiam extra ordinem aliquando ipfa illa omniparens mater moliatur. Obstupuit mecum Guiljelmus de Penyn Amstelodamensi nosocomio præfectus Medicus, & aliquot celebres, qui aderant, Chirurgi, dum puellam septennem visitabamus, que anno etatis sue sexto fluxionem menstruam passa erat diuturnam & vehementem, atque ubi ea desierat, pleuritide correpta fuerat; ac diu colluctata cum febribus eam ordinarie comitantibus, & hic diu etiam sequacibus, tandem in regione pubis vehementissimos sensit dolores; parsque ea paulatim intumescens, anno ætatis septimo, quo hæc oculis nostris usurpavimus, non puerum, sed penem produxit, qui perfectus, & perforatus erat; ita ut urinam commodè per eum redderet, testiculi jam etiam sui prodebant initia, nam in sinistro latere tangentibus occurrebat globulus, qui manui cedebat, omnium, qui aderant, judicio extra omnem controversiam, testiculi latitantis adhuc, sed se foras prorumpere conantis argumentum. Quamquam autem parte recenter adnata urinam redderet, non tamen eandem minus commode, quâ antea solita erat viâ, emittebat. Mirabamur ista tam insolita naturæ molimina, & quo tandem evaderent inter nos quærebamus, quod succedentia docebunt tempora; vivit enim & valet hæc parva hermaphroditula, quæ non minus obstupuit, credo, quam famosa ista Anna Weylde Angla, quæ ne quidem per umbram suspicans se aliam fore, quam feminam, sine ullo doloris sensu anno ætatis sexto sensit prodire testiculos, quibus decimo tertio adnatus est penis, ita ut utriusque sexus membra exhibeat, testiculis etiam, quam ordinarii virorum funt, majoribus, titillabatur utriusque sexus libidine, sed quia penis non erat perforatus, semen, quod eum inflatum impleverat, siquidem id affirmanti sides potest haberi, deorsum per muliebria effluebat. Curiosa alia de hac persectissima hermaphrodita referre possem, nisi illa per totam Europam penè vagata, penem & reliqua omnibus videnda, omnibus tangenda obtulisset.

Itaque aliud in hoc genere mirabile referam, quod etiam Amstelodami visendum fuit: puer est trium annorum, in quo nec testiculi, nec scrotum apparet, sed tantum virgæ cujusdam impersoratæ exiguus tubus, & infra eum foramen, quod caput majoris aciculæ magnitudine non excedit, per quod urinam reddit sine income

commodo. Sed hisce stupendis natura exorbitationibus tantisper immoratum esse, sit satis. Legat, qui curiosior est hac super re, * Ausonii carmen, non unum hujus rei exemplum adserens, quod hic tibi suis admetior numeris.

Vallebanæ res nota, & vix credenda Poëtis; Sed quæ de vera promitur bistoria.

Femineam in speciem convertit masculus ales. Pavaque de pavo constitit ante oculos.

Cuncti admirantur monstrum; sed mollior agna Astitit in tenerum de grege versa marem.

Quid stolidi ad speciem notæ novitatis habetis?

An vos Nasonis carmina non legitis?

Canea convertit proles Saturnia Consus, Ambiguoque fuit corpore Tiresias:

Vidit semivirum fons Salmacis hermaphroditum, Vidit nubentem Plinius Androgynum.

Nec satis antiquum quod Campana in Benevento. Unus Epheborum virgo repente fuit.

Nolo tamen veteris documenta arcessere famæ. Ecce ego sum factus femina de puero.

Legat Fortunium Licetum de Monstris, & Martinum Delrio in disquisitionibus magicis, ubi hermaphroditum genuisse & peperisse narrat: alios ex seminis subitò in viros mutatos, alias ex aniculis in juvenculas; nec nugatur vir ille, tempus, locum, aliasque assignat circumstantias, quæ solent rebus sidem astruere.

OBSERVATIO XIII.

Testiculi in Juvene delitescentes.

Ux de hermaphroditis superius attulimus, excipiat non minus forte admiranda quibusdam observatio. Novi Juvenem poliendis adamantibus à parentibus destinatum, qui vocis dulcedine, & flexionis ejusdem suavitate in stuporem rapiebat audientes. Constitutio autem corporis erat talis, ut testiculorum ne vestigium in vacuo magnitudinis exiguæ scroto appareret; is octavo decimo ætatis anno in febrem incidit acutissimam, quâ corpus urente, cum circa verenda intolerabilibus cruciaretur doloribus, tandem testiculi comparuerunt, sed vocis illa suavitas omnino disparuit. Stupuit ipse eunuchus, quod per acerbissimos dolores se ipsum, ut sic loquar, virum peperisset: sed cur eunuchum voco? cum festive satis in libro quem curiosè admodum de virorum organis generationi infervientibus conscripsit Expertissimus Medicus, Regnerus de Graef, vetet eos vereri, qui tali corporis sunt constitutione, ne litem actutum perdant, quia cum testibus non prodeunt: ubi etiam ex fide lanionis narrat, sæpe, dum artis suæ imperiti arietes juniores castrare tentant, contingere, ut testiculos digitorum compressione per processum peritonzi in cavitatem abdominis propellant, ubi cref-E 2

crescentibus illis, etiam crescit coëundi desiderium, quamvis ad finem vitæ ibidem delitescant. Sed redeamus ad Juvenem, qui hujus observationis præbuit materiam. Tam diuturnæ latitationis, & postea subitaneæ eruptionis causa cognità minuet admirationem stupentibus, fidem augebit dubitantibus; fuggessit eam nobis vitulus quidam, quem dum secabam, inveni in cavitate abdominis latentem utrumque testem, & constitutionem corporis talem. Tunica vaginalis scroti lateribus adhærens, inde angusto prædita canali egrediebatur, & paulatim dilatata, ubi ad duorum digitorum latitudinem ascenderat, testes continebat, formâ, quam esse solent, paulo oblongiore : dum hæc vagina testium pondere dilatatur (unde dolor, dum sefe in scrotum insinuare incipiunt) fit, ut tandem quâ datâ viâ in scrotum, id est, in locum sibi naturalem ruant. Quæ ibi fuit constitutio in vitulo, eandem suspicamur in Juvene; qui jam non minus prompte, quam alii, militat in castris Veneris.

OBSERVATIO XIV.

A frequenti narium fricatione polypus, & ab illo mors.

Tiam in sanitate conservanda utile est illud observasse tritum omnium ore proverbium, exiguam scintillam sæpe non exigui causam esse. incendii. Vin hoc tibi in morbo, imo in morte ostendam? Polypo laborabat juvenis quidam tam profundo, ut ad guttur usque penetraret; tam potenti, ut nasi ossicula loco moveret; tam fœdo denique, ut longè extra nares emineret: non exiguam hic morbus in miseriarum humanarum iliade conficeret paginam, si quis hanc medicus vates confcriberet, in qua pathos maximum excitaret, quando tantorum malorum, quibus hic, cum triste sui omnibus secisset spectaculum, tandem exstinctus est juvenis, maximè cum adderet innoxiam, & puerilem propemodum causam, quam jam audies.

Consuetudo ei suerat sæpe digitis interiora narium fricare, quod cum sere (ut assiduitate invalescunt mali isti mores, quibus circumspectio quædam sui non adhibet modum) saceret assiduò, primò inslammari cæpit nasus, deinde oriri, quem dixi, polypus; qui miserum enecavit miserrimè. Tantum ex tantula scintilla, quis exspectaret, quo tota conslagraret domus, incendium? Retuli hoc ad cautelam eorum, qui

E 3

vix unquam manus à naribus abstinent, ne similes ibi reperiant, quos perpetuò scrutari videntur, thesauros; & eò retuli libentius, quod Anatomiæ quoddam spolium videatur ad spectaculum servatus hic à me polypus. Alterum subjungo, quod mihi in praxi occurrit, triste similis incendii exemplum de semina, quæ dentes aciculis, purgare solita, cùm id invalescente consuetudine sacit frequentius, inde gangrænam contraxit, gangræna mortem peperit; hæc & similia ad cautelam non parum sacere possunt iis, qui malis istis moribus vel imbuti sunt ipsi, vel aliis, ne imbuantur, ex ossicio debent providere.

OBRVATIO XV.

Odorifera corpori unico temporis momento vel prodesse, vel nocere.

Ouis causa latet, ea mira videntur ignorantibus, quorum actutum perit raritas, ubi cognitio ignorantiæ discussit tenebras. Vix sidem inveni apud quosdam, dum narrarem de rustico, qui sistula laborabat in humero, me percepisse dum cepas ore masticabat, statim earum per sistulam essari odorem. Addam & hoc, utens licentia medica, quod Chirurgus retulit, se, dum uxor puero mammas præberet, ipsaque, quod ventris doloribus torqueretur puer, spiritu vini anisato uteretur, percepisse, quos infans emittebat slatus, anisum redoluisse. Quis credat subitam hanc

hanc per tot ambages velalimenti, yel medicamenti diffusionem, nisi is, qui non nescit, spiritus odoriseros non egere crassa quadam aut
corpulenta substantia, quæ eorum sit vehiculum; cum videamus luminis instar odores subitò per totum aliquod cubiculum, simulatque infertur materia odorisera, dispergi; cumque totum hominis corpus adeo sit perslabile, non
opus esse, ut odores hi transferint eas vias, per
quas substantia nutritiva est perducenda, ut ipsi
qualitate sua vel prosint, vel noceant.

OBSERVATIO XVI.

Cor stupendæ magnitudinis.

PEndet cor hominis plus minus septem unciis. Nam cor hominis per singulos annos ad binas drachmas augeri, idemque post quinquage-simum annum eadem proportione minui; (unde referente, post Herodotum, Plinio Ægyptii existimabant, non ultra centesimum annum hominem vivere,) jamdudum explosa sententia est. Penderet enim sic cor hominis ordinarie uncias plus quam duodecim, cui experientia repugnat. Ecce tibi nihilominus unum viginti duarum unciarum. Exsecui illud anno M. D.C. LXVIII. in nosocomio Amstelodamensi è seminæ quadragenariæ circiter pestore: sola dextra auricula æquabat cor hominis ordinarium magnitudine, cetera vasa se intra vulgarem mensu-

KILBIL

ram continebant; sed arteria pulmonaria, & vena cava descendens excesserant modum: nec enim hujus os patens argenteo Imperialis nummo, nec illius medio occlusisses. Alterum observatione, non indignum, est, quod cum authores passim venam pulmonariam bifariam divisam ad utrumque pulmonis lobum, tendere animadvertant, hîc ea trifariam divisa conspiciatur, tribusque diversis ramis, iisque magnis, pulmones petat. Tertium quod hîc spectatorem oblectabit; funt chordæ per auriculam extensæ iis, quæ in corde ipso inveniuntur substantia & officio similes, quas carneas columnas Vesalius & Riolanus; carneas particulas Bartholinus; parvos musculos Massa; funes & retinacula Backius nominant. Nos cum Massa veros musculos esse putamus, quia eorum perfecte officio funguntur, & tamen, quia tenues & exiles funt, non absurde cum Backio funes seu chordas appellamus: in hoc enim gigantæo nostro corde ita sunt perspicuæ, ut officio suo, vel contrahendi auriculam, vel retinendi eam, ne ad rupturam usque pellis suæ extendatur, manifeste fungi videantur. An magnanima fuerit hæc magni cordis femina, non fcio; illud intellexi sæpe illam multumque bibere solitam. An ideo potatores nostri tam rixosi & jactabundi, quod cor eorum potationibus augeatur? non existimo.

sudine, cetera vala ic intra volgarem menie-

Tabula v. ad Observationem xvi. cor stupendæ magnitudinis xxii. unciarum depingit.

A. Cor.

B. Arteria pulmonaria, cujus os patens medio Imperiali non poterat claudi.

C. C. C. Ora venæ cavæ, Imperiali, argenteo non

occludenda.

D. Auricula dextra magnitudine sua cor hominis ordinarium adæquans bîc aperta, ut chordæ seu funes clarius appareant.

E.E.E. Musculi exiles, quos funes seu chordas

appellamus.

F. Foramen ovale membrana sua tenui & semper pellucida tectum.

G. Cavitas ventriculi dextri.

H. Auricula sinistra in situ suo.

I.I. Bini ingressus venæ pulmonariæ in cordis sinistram auriculam.

K. Tertii ingressus venæ pulmonariæ convexitas: apertura enim ejus bîc simul cum aliis exprimi non poterat.

L. Locus aperturæ tertii ingressus, qui depingi

non potest.

M. Vena cava ascendens.

N. Arteria magna.

a. a a. Funes seu chordæ auriculæ sinistræ.



OBSERVATIO XVII.

Cor solità magnitudine minus.

Natura Dei opus & imitatrix Dei, quam gaudet in magnis ludere, tam amat in parvis aliquando ostendere magnitudinem suam. Excedebat mensuram humani cordis id, de quo locutus sum, hoc, de quo jam agemus, longe infra eandem constitit.

Est cor pueri novem annos nati, quem xix Martii anni M. DC. LXVIII. secui. Laboraverat is febri hectica per quinque fere annos: cor autem nobis mortuus ostendit durum, quod hîc tibi æri incisum, domi conditum exhibere possum, longè infra ætatis suæ magnitudinem; vasis tamen præditum tam amplis, ut viri perfectæætatis capacitatem æquarent. Pericardium laxè illi erat circumdatum, salso liquore repletum. Apparebant in eodem subjecto, & alia miseriæ humanæ, ad quarum spectaculum tantum editum in lucem videbatur, phænomena: pulmones indurati costis adhæserant; omni sui parte purulentâ materiâ expleti. Folliculi fellis tunica virilis magnitudinis nigricantem quandam substantiam imbiberat. Ita in lentis istis morbis unus naturæ error errores multos & multas mortis unius causas inducit. Sed quæ causa cordis vasa ita dilataverat? an non per febres tam diuturnas circulatio & fluxus fanguinis vehementior? Tabula -TO

Tabula vi. ad Observationem xvii. repræsentat cor pueri novennalis longè infra magnitudinem ordinariam, sed vasis præditum amplissimis, eå præcisè magnitudine, quâ repertum est, expressum.

A. Cordis minoris substantia.

B. Vena cava descendens.

C. Vena cava ascendens.

D. Arteria magna.

E. Arteria pulmonaria.

F. Vena pulmonaria.



OBSERV. ANATOMICÆ.

40

OBSERVATIO XVIII.

Glandulæ mesenterii insolitæ magnitudinis.


T/Ir quadragenario major jam per decem annos conquerebatur de doloribus circa regionem ventris, qui quotidie magis magisque ingravescentes, tandem hominem emarcidum, & quasi tabe confectum anno M. DC. LXVIII. unà cum vita deseruerunt. Ego ad inquirendum incogniti morbi originem admissus, inveni binas mesenterii glandulas (jam glandes dici poterant, in tantam enim excreverant magnitudinem, ut quindecim penderent uncias) decuffatim sibi mutuo incumbentes, quæ renem sinistrum ita compresserant, ut pene totus in pus esset conversus: glandulæ autem nullum in substantia contraxerant vitium, sola magnitudine peccantes; affervantur illæ curiofis oculis spe-Clandæ inter Anatomiæ nostræ raritates.

46 TH. KERCKRINGII

OBSERVATIO XIX.

Animalia in aure genita.

A Spice mihi, candide Lector, animal hoc attentius. Talia prodierunt multa anno M. D.C. LXIII. ex aure viri cujusdam; qui pagum dictum Quadijck incolebat. Inslammabatur primum auris cum summo dolore, deinde suppurabat, apertà postmodum vomica reddebat materiam crassiusculam, discolorem, graveolentem, & tandem sese in apertum dederunt hi, quos depinxi hospites. Qui an ipsi, an materia acrior tympanum eroserint, nescio: hoc scio, quod hospiti suo hospitii mercedem, reliquerint surditatem.



OBSERVATIO XX.

Que ligamenta dicuntur uteri vespertilionum alis assimulata, eum non ligant.

DE ligamentis uteri adferam principum aliquot Anatomicorum sententias; deinde ex-

perientiam nostram illis opponam.

* Veslingius ergo de utero, uterique ligamenris sic loquitur. At superius ligamenta requirebantur singularia, robusta quidem, sed laxa, ne uteri a fætu concepto tumentis incrementum impediretur. Horum igitur primum, quodque in lateribus conspicitur, peritonæi quædam expansio videtur. Estque adeo membranosum & latum, ut tubis ac testibus, fundique protuberantiis attensum, matricem ilium ossibus alliget, figura vespertilionum alis assimulatum; boc immodice laxato, aut per vim fortuitorum disrupto, uteri fundus super vaginam concidit, sæpeque excidit: vel in latera prolapsus, atque inguina, læso peritonæo berniarum fastidia accerset. + Bartholinus. Ad latera verò annectitur per ligamentorum duo paria, quorum usus uterum suspensum tenere. Unum par superius est latum & membranosum. Deinde. Laxum & molle est. ut extendi & contrabi queat. Tum. Atque bujus paris beneficio alligatur fundus ossibus ilii. Et post. Laxatur autem aliquando boc five ligamentorum, five musculorum par

^{*} Syntagmate Anatomico cap. VII. † Anatomia reformata lib. 1. cap. 28.

(ut per vim, difficultatem partus, pondus fætus &c.) ut fundus uteri in sinum decidat, & inversa aliquando cervice, atque aliquando extra pro-

pendens abscinditur.

*Andreas Laurentius. Horum vinculorum usus mirabilis est, cum enim sape per totum ventrem oberret uterus dum est infructuosus; nunc vel ad pracordia & hepar, in maxim fontem gratiosi vaporis recurrat; nunc per latera vagetur, nunc deorsum seratur, dum libidinis furiis agitatur; debuit vinculorum opera bujus motus tanquam frano coërceri, totumque illius corpus, ne ob gravissimum grandioris animalis & gemellorum pondus, ob ingentes conatus, & summos in partu enixus procideret, vicinis partibus alligari. Et post. Alligatur ergo uterus vicinis ossibus per ligamenta illa propria.

Audis uterum per ligamenta illa vespertilionum alas assimulantia ossi ilio alligatum. Vides apud Laurentium uterum totam ventris regionem perambulantem, apud ipsum & alios procidentem & excidentem. Parcant metu viri illi, parcant & seminæ ab illis persuasæ, quod uterus

aliquando excidat.

Quamvis affirmemus illas expansiones peritonæi vespertilionum alis assimulantes, quas perperam ligamenta superiora vocârunt, nec ossi ilio, nec cuiquam alterialligari (sluctuant enim libera) tamen periculo omni, ne uterus excidat, posthac omnes liberamus: nemo vidit, sensit: decepti

[&]quot; Historia Anatom. lib. 7. cap. XI.

omnes imagine falsa, alios decipiunt: laxitas quædam colli, quæ extra pudendum prominet, hæc nobis fecit ludibria. Inspice, quæso, quisquis Anatomiam & veritatem amas, constitutionem uteri, quantis parietibus sit septus considera, & mecum re ipsa, & oculari inspectione convictus senties. Ligamenta autem illa superiora nec tu Laurenti, nec vos Anatomiæ heroës unquam alligata vidistis, sed ex opinione vulgari assirmavistis. Ignosce, quæso, Lector, libertati meæ, quæ vidi loquor, toties ea examinavi, nunquam alligata, semper inveni liberrima.

OBSERVATIO XXI.

Papilla duplex in uno feminæ ubere.

Non omnia cultro debemus, quæ rara vidimus. Sunt in corpore humano quæ Anatomico offeruntur, antequam scindat, quæ non ad aliam, quàm hanc Medicinæ partem referuntur: possem ea dare non modio, sed toto horreo, nisi iis magis pascere lectorem esset propositum, quæ interius latent, & non nisi artisiciosa sectione eruta prodeunt in lucem. Obiter ergo referam quod secunda Octobrisanni m. dc. Lxv 11. oblatum est oculis meis spectaculum seminæ, quæ ex dextra mamma lac duplice sundebat papilla, quo jam annos quatuor infantem aluerat, & etiamnum alere poterat; rorabat enim adhuc utraque papilla lacte. Altera locum à natura destinatum

tenebat; altera versus axillam ad latitudinem transversorum quinque digitorum descenderat; hæc lacte manabat copiosiore, haud dubie pro-

pter fitum inferiorem.

Addam hîc, quandoquidem mammarum incidit mentio, alium brutalis petulantiæ lusum, cui natura mirabiliter videbatur colludere iis, qui rei admirandæ fuêre spectatores. In domo alicujus mihi cognatæ alebatur, ut fit, ad delitias canis quædam melitæa, formâ inter paucas commendată; huic, ut sic dicam, coalumna erat felis domestica, quæ quotidiana consuetudine caniculæ facta familiarior, dum cum illa petulanter ludit, cœpit ore papillas ejus apprehendere, sugere, & eo se lusu sæpius de die oblectare: canicula omnium, qui in domo erant, testimonio, nunquam mater, nunquam gravida fuerat: & tamen quotidiano isto suctu (quis credat, nisi viderit? ego vidi, & ideo narro) papillæ tandem manare cœperunt lacte candidissimo, quo se felis quotidie pascebat, tanta inter utrumque animal petulantià, ut oculi domesticorum castiores diutius non ferentes situs, & gestus, quo ludebant, lasciviam, utrumque è domo ejecerint. Prodibat tandem lac istud tantâ copiâ, ut quilibet emulgere digitis è papillis posset; erat autem gustui, quod curiositatis causâ expertus sum, non ingratum lac istud virgineum.

OBSERVATIO XXII.

Monstrum polydactylon.

D'um observationibus hisce meis in unum fafeiculum colligendis intendo; aliquid augendo cumulo, qui Amstelodamum alluit Ya
sluvius, dedit. Mense enim Octobri anni M.
DC. LXVIII. ad urbis Magistratum desertur infans ejus in slumine inventus, qui statim à nativitate in aquam projectus videbatur; visitaturea, qua in simili eventu sieri solet, diligentia, extrahitur puer, cumque monstrosus adeo
videretur, ut nec superstes esse potuisset, nec
si esset sibi, aut ulli mortalium foret usui: non
tam diligenter inquisitum est, unde sluvio injectus esset inutilis vitæ puer, quam consideratum, quid ex mortuo vivi capere possent emolumenti.

Permittunt ergo urbis Scabini, ut ad Fredericum Ruysch, qui publicum ibi summa cum laude agit Anatomicum, deseratur. Is monstri sceleton conficit, quod mihi ab eodem humanissime oblatum, tibi, qua possum, Lector, communico, ut tu sine ullo laboris fastidio curiositatem tuam pascas inspiciendo sceletimonstrosi figuram, quod ille labore non exiguo, Bibliopola quali quali sumptu tibi spectandum exhibet: dum illud tu miraris, ego quid potissimum in eo sit admirandum, quasi digito demonstrabo.

Primò omnium caput immane quantum aliorum puerorum capita magnitudine superaret: proinde fontanellæ etiam apertura duplo quam in aliis major. Nasi ossicula non quâ in ceteris figurà, sed inferius versus utrumque latus fle-Etebantur. Oculorum orbitæ versus latera inferius descendentes multum ab orbiculari rotunditate deflexerant, præterquam quod maxillæ superioris os primum, quod eam infernè constituit, gibbosa extuberantia, deforme se supra os jugale extenderat. In maxilla inferiore hoc mirum, quod jam tum coaluerat, & in ipso coalitionis loco tam in anteriore, quam posteriore sui parte quasi crista quædam ossea exsurrexerat; major tamen in posteriore, quam parte anteriore: circa articulationem cum osse temporum longiuscula duo maxillæ accreverant cornua, desinebatque inferne mentum in acumen prorsus monstrosum. Costa non numero (duodecim erant) sed magnitudine ac figura peccant; præterquam enim, quod intra mediam partem debitæ magnitudinis subsistant, arcuali quadam curvitate monstrosæ sunt. Sternum in unum coaluerat officulum, ex tribus, quantum apparet, concretum, eâ, quam imago ejus exhibet, figurâ. Jam pectoris totius cavi-tas, propter costarum brevitatem necessario in arctum compacta, & valde angusta erat; attamen tam luculentam fibi carnem induxerat, ut dum ea tectum esset monstrum, nulla ibi appareret

reret monstrositas, quæ in artubus tam superioribus, quam inferioribus sese potissimum prodebat. Inspice enim mihi illud os humeri brevissimum, illum cubitum, radiumque, qui præter morem pares crassitie nequaquam mediam longitudinis debitæ partem explebant. Inspice manus, dextra septem, totidemque sinistra numerat digitos, & præterea ex auriculari rotunda quædam dependet appendix, tanquam si adhuc alium formatura nondum suam explesset natura luxuriem : luxuriat autem adhuc magis in formandis pedum digitis, dexter enim octo, sinister novem inaudità hactenus ostendit fœcunditate. Ascendamus ad focilia, horumlongitudo magnitudinem unius transversi digiti, os femoris autem duorum non excedit. Majus præterea focile, quod crassitie sua æquabat os femoris, ad latera per totam suam longitudinem cartilaginem oftendebat, nondum offeam. Videsis, quot evagantis naturæ errores in uno fint monstro conspicui, quod sequens confirmabit observatio, ubi monstrosius etiam produco monstrum.

Tabula IIX. ad Observationem XXII. ostendit sætus polydactyli variam monstrositatem.

A. Fontanella duplo quam in aliis infantibus major.

B. Nasi ossicula versus latera inflexa.

C. Oculorum orbitæ deformes.

D. Maxilla superioris os supra os jugale extensum.

E. Crista anterior maxillæ inferioris, jam tum coalitæ.

F. Costa breviores, & male conformata.

G. Sternum in quo notantur tria ossicula ex quibus in unum coaluerat.

H. Os humeri brevissimum.

I.I. Cubitus & radius pares crassitie, media parte debito breviores.

K.K. Manus septem habentes digitos.

L. Appendix ad auricularem.

M. Pes dexter octo digitorum.

N. Pes sinister novem digitorum.

0.0


O.O. Focilia transversi digiti longitudine.

P.P. Ossa semoris duorum transversorum digitorum longitudine.

Q.Q.Q. Focile majus, crassitie par ossi femoris, cui cartilago non est appicta, quia latera occupabat.

OBSERV. ANATOMICÆ.





OBSERVATIO XXIII.

Monstrum cacodæmonis picturæ, quam humanæ figuræ similius.

Hic mulier se desertam, vitio infamem, prole gravatam, paupertate oppressam, comnibus contemptam fore perspiciens, vehementius statum illum suum apprehendere, ex decepto amore in surias & desperationem agi, diras omnes, quæ emota sedibus suis mens excogitare potest, in persidum jacere, jam sibi cum malis geniis congressam videri, jam monstri se quid alere, quod parentem similem referret: eò denique adduci, ut necesse sueri ei perpetuas adhibere custodias, ne mortem sibilugubri quadam tragædia conscisce-

national finituation and the

ret:

57

ret: inter perpetuas hasce surias (etenim sana nonerat, quæ nihil præter ejusmodi vigilans cogitabat, dormiens somniabat manias) Novem complentur menses, & ecce post gravissimos parturitionis labores, prodithoc, cujushic sceleton vides, spectaculum. Diabolum non hominem esse conclamitant mulierculæ: dumque quid eo faciendum inter se deliberant; rerum earum utpote ad professionem suam facientium curiosissimus superius à me laudatus Fredericus Ruysch supervenit, & monstrum ab avaris, quæ sunus & puerperam curabant harpyis, redimit,

mihique hîc delineandum tradidit.

Caput certè, quod ex sceleti figura etiam apparet, nihil habebat 'quod hominem referret: facies simiæ, eique deformi simillima: cranium nec cerebrum, nec cavitatem ullam habebat, quæ cerebrum reciperet, neque in orbem erat efformatum, sed os quoddam planum, varie tamen protuberans, superne depressum, totum cerebri, & cranii cerebrum continentis supplebat locum. Deprimebatur tota capitis moles in partemanteriorem, & reliquo trunco vix exiguâ sui parte adhærebat; superius cornua quædam, qualia pictores geniis malis penicillo sæpe affingunt, & mater sibi imaginando sæpe depinxerat, conspiciebantur; hæc tamen ex carne solummodo erant efformata, nec in osse sui impresserant speciem. Jam spina dorsi bifurcata usque ad sextam colli vertebram aperta, in utrumque latús discesTH. KERCKRINGII

discesserat, nec ullam medullam spinalem. Reliqua hominem referebant, nec multum abludebant ab ordinaria mortalium sigura.

Tabula IX. ad Observationem XXIII. caput monstrosum & spinam bifurcatam exhibet.

FIGURA I.

Hîc caput monstrosum præcipue ostenditur.

A. Facies simiæ similis.

B. Os varie protuberans loco cranii.

Cetera sese cognoscenda exhibent.

FIGURA II.

Capitis in anteriorem partem flexuram proponit.

A. Capitis moles in anteriorem partem depressa.

B. Pars spinæ bifurcatæ.

C. Scapula.

D. Os varie protuberans loco cranii.

E. Os bumeri.

Reliqua ex figura sunt nota.

FIGURA III.


Spinam bifurcatam delineat.

A. Posterior pars capitis.

B. B. Scapula.

C. C. Costa.

D. Locus ubi spina bifurcatur. E. E. Latitudo spinæ bifurcatæ.



OBSERVATIO XXIV.

Etiamnum nascuntur Dentati.

Uod tam erat apud Romanos rarum, ut nomine proprio rem fecerint seculis omnibus memorabilem, dentatos appellando, qui insolito mortalibus ceteris more dentibus præditi in lucem ederentur: non minus admirabilibus confirmatum mihi est historiis. Oblatus est enim mihi quinque mensium sœtus, in quo dentes bini incisores maxillæ inferioris adeo nativitatis tempus non exspectaverant, utvel tum erupissent, & sese conspiciendos clare præberent, nec in maxilla tantum inferiore apparuit hæc præcox naturæ sese armantis maturitas, alias incifores maxillæ superioris in fœtu enatos vidi; etiam videre contigit pueri mihi sanguine conjuncti nativitatem, qui pluribus sese instruxerat dentibus, antequam hanc vitæ palæstram, tot fortunæ injuriis exponendus, nafcendo ingrederetur. Maluit parens hoc filii fui præ aliis hominibus privilegium latere, dum tacitus fortunam ejus contempletur & confideret, num quiequam res ea vel boni, vel mali ominis allatura sit in vita sui silii: quapropter neque nomen mihi prodendum eo invito censui, suffecerit ex hisce eventibus rarioribus vidiste, eundem semper naturam servare tenorem, & quæ rarò accidebant olim, etiam nunc

rarò evenire, non variante naturam suam rerum universitate, sed nobis in iis, quæ vulgò accidunt, constantiam ejus, in aliis rerum novitatem admirantibus.

OBSERVATIO XXV.

Sputum sanguinis periodicum.

Fuit tanta viri cujusdam, aliàs non indocti simplicitas, ut me seriò consuleret, an non & viri suis quandoque laborarent menstruis. Non soleo ego sarcasmo, aut ullo irrisionis genere excipere cujusquam ignorantiam; præsertim in eo genere cui quis animum nunquam applicuit: sed dum mecum more meo reputo, quid viro isti occurrere potuerit, unde ei in mentem venerit istud suspicari: in animum induxi meum hæmorrhoïdum periodos, quæ non rarò statuta servant tempora, quod vel in se expertus fuerit, aut aliis referentibus audierit, ei licet in Theologicis erudito, in Medicis tamen prorsus rudi similem ingessisse dubitationem.

Et certè mirum est, non tantum sebres in omnibus, menstruas purgationes in mulieribus, sed alios etiam morbos, illos maximè, quibus natura sese conatur exonerare, stata servare temporum intervalla.

Novi, dum viveret, Arnoldum quendam Pauli, virum sexagenario majorem, qui phthisi H 3 labolaborare incepit cum vehementi ejectione sanguinis, quæ perseveravit ad quindecim usque dies, deinde medicamentis quibusdam, inhibita prima ista violentia, rediit post mensem idem sanguinis vomitus, eamque periodum tot mensibus servavit, donec octavo denique vehementius ingruens hominem de medio sustulit.

Quandoquidem hîc nihil præterquam observationes damus; poteris & hoc, Lector benevole, an sæpius, & quibus in morbis reperias observare; & de reperiendis horum talium causis, remediisque cum toto Medicorum choro meditari; nec enim, quia nondum quisquam quippiam, quod curioso satisfaciat ingenio, reperit, oportet animum ad desperationem abjicere: si ita majores nostri fuissent animati, nihil unquam invenissent, cum singula semel suerint nondum reperta.

OBSERVATIO XXVI.

An venæ & arteriæ venas babeant & arterias, quæ sua illis alimenta suppeditent?

Illas partes eo succo nutriri, quem illæ deferunt, aut in commune corporis bonum elaborant, plurimorum est sententia; quia liquidò apparet tam arterias deserentes alimentum, quam venas supersluum ejus auserentes per illas discurrere. Sed quid de venis arteriisque ipsis dicemus? Si venis arteriisque aliis ad sui

OBSERV. ANATOMICÆ.

sui nutritionem indigeant, quid de secundis hisce rursus pronunciabimus? Nam si & hæ nutriantur ab aliis, jam vel in infinitum procedemus, vel assignandus erit numerus, in quo sisti potius debeat, quam in primis venis & arteriis; aut aliud quoddam investigandum est adhuc ignotum naturæ mysterium. Cui inquisitioni ne putes nullum à natura ostendi indicium, penes me servo truncum majorem venæ portæ equinæ, in quo conspicua est venarum, quæ à mesentericis ramis, & arteriarum, quæ à ramo splenico exoriebantur, tanta copia, ut inextricabilem labyrinthi errorem flexusearum, & fines quærentibus exhibeant; rursusque venas arteriasque alias per secundas hasce decurrentes ostentant, quod si sit, ubi sistetur? An verò fiat, immania elephantorum balenarumque Anatomice examinata corpora, forte clarius docebunt. Ego, dum ea visendi curiositati meæ dabitur occasio, ἐπέχω. Nam uti, quæ clarè vidimus, esse in rerum natura liberè pronunciamus, ita quæ non vidimus, sint, nec ne, ab experientia discere avemus.

tions this post the extra dictmentants mediantis

William Contraction of the Contract of the Con

OBSERVATIO XXVII.

Mors à lapidibus Asperam arteriam prementibus.

7Ir quidam laborabat maximâ anhelitûs difficultate: non tamen tussiebat, non excreabat, nec ulla vel asthmatis, vel orthophnæx, vel phthiseos, aut vulgati alicujus pectoris vitii aderant symptomata. Medici curabant eclegmatis, syrupis, & similibus morbum non obsequentem, æger tandem febre superveniente abiit ad plures. Causa autem morbi & mortis postea sese aperto corpore, aperuit, & shîc clarè omnibus appositam figuram intuentibus apparebit. Lapides varii variæque figuræ iis, quibus picti sunt, locis immediate asperæ arteriæ incumbentes, ita eam oppresserant, ut tandem hominem præfocaverint: cetera enim interiora nihil contraxerant vitii. Ita sæpe, quæ latent in corpore, medicantes latent. Quo magis risu digna eorum videtur arrogantia, qui medendi. rationes ad Mathematicorum calculos volunt exigere; & Medicos rident, si fortè ex ignoratione rei prorsus extra ordinem sese offerentis mediis ordinariis fuerint usi, ad eum morbum depellendum, quem illi prudenter, quamvis non certò subesse existimabant.


Tabula x. ad Observationem xxvII. asperam arteriam cum lapidibus ei incumbentibus repræsentat.

A. Asperæ arteriæ pars inferior.

B. Rami arteriæ asperæ sese in binos pulmonum

lobos infinuantes.

a. a. a. &c. Lapilli varii, iis locis, eaque figură expressi, quemadmodum sunt inventi trachea incumbentes.



OBSERVATIO XXVIII.

Materia podagrica in elementa sua chymice resoluta.

Miles unus ex iis, qui sub Gustavo Adolpho in Germania armis belli opes, & gloriam quæsierant, sed paupertatem & miserias repererant; mihi anno M. D.C. LXI. oblatus est, hominis simulachrum potius, quam homo; sic eum podagra cum toto satellitio suo invaserat: pedes, manus, humeri, corpus totum externè, internè eâ peste obsessum, materiam podagricam ejiciebat, erantque sputa, urina, excrementa omnia eâ infecta: nescio, an omnes hoc ita accipient, utià me jam aliquoties observatum. Dum extremitates ita materià podagricà prorsus sunt repletæ, ut non tantum ejicere calcis possint, quantum morbus ad eas amandat, vertit se ad interiora peccans illa materia, & per ea venenum, quod tum, quia mortem habet asseclam, vocare possum mortiferum, spargit, brevique hominem extinguit. In eum statum morbushunc, de quo loquor, militem adduxerat: corpus macilentum, manus & pedes rigidos, dolores intollerabiles non describo; hæcenim ex illis, quæ addam, vel tantillum in arte medica expertus, quilibet facilè colliget. calci similis materia undique effluebat, sputa, quæ creberrima ejiciebat, dum siccabantur, eandem Calcis acquirebant consistentiam.

Incessit me curiositas per artem Chymicam, cui

au-

per id tempus totum me dabam, examinandi hæc excrementa podagrica. Ingentem igitur sputorum ad tartari consistentiam concretorum copiam colligendam curavi: eaque secundum artis illius dictamina, in elementa sua resolventi, primum dederunt spiritum quendam inter spiritum tartari, & salis armoniaci quodammodo medium, acidiorem nimirum illo, hoc mitiorem. Oleum ab oleo tartari vix poterat distingui, tam exactè illud colore, fœtore, & consistentià referebat; nec sal ex capite mortuo ex-tractus, longè ab eodem sale tartari abludebat, nisi quod sapore quodam extraneo infectus, ingratam quandam stomacho pariebat nauseam. Experiatur si cui & voluntas & fiducia erit, miseros hosce, & extra spem omnem positos podagricos ad pristinam sanitatem medicamentis propriis, & convenientibus reducendi; sciat, tum primum fore, ut appareat spes sanitatis, quando per sputum & urinas materiam hanc incipiet educere: uti enim in iis, quibus sponte e à via purgatur signum est secuturæ mortis, quod tanta peccantium humorum sit copia: ita quando per medicamenta educitur, spes affulget sanitatis, quod ita insigniter minuitur causa morbifica. Paradoxum hoc forte videbitur Medicis quibusdam, atque ridiculum iis, qui nihil quod ipsi non secerunt, aut saltem viderunt, sieri posse putant: sed iis, quos Medicinæ recessus altior & secreta delectant, id est, qui & Galenicam callent, & Chymicam non ignorant; experientiæque

audent credere, dum scientia nondum rationem facti suggerit, non incredibile erit, si quid perfectum audiant, quod ipsis nondum occurrit, cum & ipsi quotidie nova quædam reperiant & proferant, in commune mortalium bonum.

OBSERVATIO XXIX.

Vena Cava duplex.

I Udit varie natura in hominibus, ludit & in brutis. Nam xI. Septembrisanni M. DC. LXVIII. in cane duorum menfium venam cavam inveni duplici trunco è dextra cordis auricula egredientem, quæ gibbam hepatis partem ingressura coalescebat in unum: verum egressa hepar ad digiti transversi spatium, rursum dividebatur in duos magnos ramos, quorum finguli emulgentem ad renem sibi viciniorem propagabant, & sic divaricati ad crura ramos iliacos efficientes, deferebantur. Ad spectaculum hoc, quia nulli observatum memineram, advocavi cum Franciscum vanden Enden, Christianissimæ suæ Majestatis Medicum, tum Joannem ab Overbeeck, virum in secretorum naturæ indagatione curiosissimum, tum etiam Doctorem Fredericum Ruysch, Amstelodamensem Anatomicum, amicos mihi integerrimos, qui rei novæ spectaculo non sine admiratione oculos suos pascebant; tu ejus delineatione contentus, Lector, pasce tuos.

Tabula xi. ad Observationem xxix. venam cavam duplicem canis exhibens.

A. Cor à situ naturali nonnihil remotum, ut vena cava clarius conspiciatur.

B. Vena cava ascendens.

C. Vena cava duplici trunco è dextro cordis ventriculo descendens.

D. Coalescentia venæ cavæ antequam gibbam he-

patis partem ingrediatur.

E. E. E. E. Varii lobi bepatis canini extra situm naturalem.

F. Altera divaricatio venæ cavæ bepar egressæ.


G.G. Venæ emulgentes.

H. Arteria magna simplici, ut solet, trunco propagata.

I.I. Arteriæ emulgentes.

K. Locus ubi arteria magna in ramos iliacos se dispergit; quo eodem vena cava ordinarie in eosdem se dividit ramos.

L.L. Ramiiliacivenæcavæ, jam ante digiti transversi spatio sub bepate à se invicem divisi.



OBSERV. ANATOMICÆ.

OBSERVATIO XXX.

Ductus thoracicus triplex.

TDem ille canis, qui nobis xi. Septembrisanni M. DC LXVIII. duplicem venæ cavæ exhibuit truncum, truncum ductus thoracici triplicem ostendit, qui parte tamen superiore rursum in unum coalescebat. Et nescio, an non varius hîc naturæ in ductu thoracico lufus, quibufdam nos mirabilibus nominibus eludendi, anfam dederit; dum eum den vronk, atque aliis barbaris appellant vocabulis; unde non minus barbaras de duplici per eum succorum fluxu proferunt sententias: quas hoc loco refutare neutiquam est animus; sponte sua facile rumpentur & evanescent. Et mihi si lubeat incurrere in omnes eos, qui nec rationem sequuntur, nec ullà rationis saltem specie errores suos colorant, sæpius neglectis observationibus nostris arma sint arripienda; quod prorfus in aliam faciem transformaret hoc opus, quod non promittit, nisi quædam anatomiæ spicilegia: quæ qualia fuerint, Lector benevolus benigno vultu, quæso, aspiciat, dum ego innoxias ab omnibus, præterquam à canibus, vitulis, aliisque pecoribus fervo manus.

OBSERVATIO XXXI.

Valvula coli non semper omnem impedit versus superiora ascensum.

Cum feminam inter ceteras Harlemi curaverim, quæ dum clysteres injiciebantur, eos halitu suo ita sursum attrahebat, ut nauseabundus stomachus ea ejiceret, quæ maniseste eum, qui materiæ clysteris suerat, spirarent odorem: aliique existiment etiam nutriri posse hac ratione hominem. Hoc obiter censui animadvertendum, quod variis experimentis mihi videre contigit, valvulam istam coli notissimam non ita occludere intestinum, ut nihil unquam pertransire possit: quod breviter quidem, sed non inutiliter tamen hîc observatum, Lector, boni consule.

OBSERVATIO XXXII.

Quatuor arteriæ spermaticæ sine spermaticis venis repertæ.

VEI unico natura phoenomeno ostendemus, non nugari omnes Anatomicos, qui dicunt aliquando unam, aliquando utramque arteriam (spermaticam) deesse. Quod juveni cuidam, alias non insima spei Medico pramature nimis excidisse doleo: cui idem suisse de venis judicium probat, quam subjungit probatio. Quia si vas, inquit, sanguinem referens adsit, necessario adserens adesse debebit, &

contra: ex quibus liquide patet necessario semper arteriam & venam adesse debere. Nam in virgine quadam duos circiter & viginti annos nata quatuor arterias spermaticas, venam nullam inveni: dexterarum ab arteria emulgente una, altera ex arteria magna trahebat originem; finistræ autem ambæex emulgente prodibant: antequam tamen se insinuarent testiculis in corpus pyramidale, ut arteria venaque simul junctæ solent, coalescebant. Has, ne testes oculatos citare sit opus, in museo meo curiosorum oculis spectandas asservo. Atque hoc argumentum, ut loquuntur, affirmatum, cum tot Anatomicorum, quos Author ille nugari dicit, testimoniis, isti unico negato opponimus, quorum vel innumerabilis copia, ne uni quidem affirmato fidem possit derogare.

Ratio autem, quæ Authorem istum movit dicentem, si vas sanguinem referens adsit, necessariò adferens adesse debebit, & contra, aliquid sortè probaret, si non aliæ adessentarteriæ, quæ vices harum absentium possent supplere, & adserre eum sanguinem, quem venæ referunt, & contra. At cùm vel ex hisce observationibus nostris pateat, tam varia naturæ ludentis quasi petulantia quædam, quæ jam duplicem venam cavam, ut supra diximus, jam arterias umbilicales ex aortæ extremitate, jam ex ramis iliacis produxerit; dubium nullum est, ut sanguis vel deferatur, vel auferatur, prospexerit. Nusquam hæret, omniparens illa mater, semper sibi aut viam facit, aut invenit.

OBSERVATIO XXXIII.

Lien magnitudine & duritie peccans.

L'afflixerat Theodorus Joannis, ex iis fabris, qui ligneam ædificiis adaptant materiam. Hic adhibitis quibusdam unctionibus & somentis cum graviorem non perciperet dolorem, livorque, qui in cute apparuerat, disparuisset, ab usu medicamentorum quidem abstinuit, sed palliatæ sanationis effectus postmodum sensit, & incuriam in eo fuam morte luit. Surrepsit enim quasi ex insidiis hectica febris, quæ diutius latentem sui caufam celare non potuit, dum paulatim latus extrinsecus illæsum in tumorem assurgit, & duriori intus latenti, seseque paulatim dilatanti lieni amplius dat spatium, per quod suam, quot diebus majorem extenderet duritiem. Accedebat anhelandi difficultas, quam quidam rebantur alterius cujusdam morbi sobolem. Exstinctus itaque, & anatomice examinatus oftendit unicam tot malorum, quibus quindecim mensibus exagitatus miseram traxerat animam, causam fuisse læsum isto lapfu lienem, qui præter modum induruerat, & magnitudine diaphragma premens, anhelandi difficultatem induxerat. Reliqua viscera cuncta fana vifebantur & integra, nisi quod intestinis biliofa quædam circumfundebatur materia. An fatius hic fuisset, heroico Fioravantii uti remedio,

tus

exscindendo tempestive lienem? nescio utri difficilius id perfuaderetur ægro ne, an Medico: hic fanationem dubiam, ille dolores certos vereretur: si tamen ante anatomiam tam clarè patuisset causa mali, quam post eam apparuit, nescio quid non hic bonâ vitæ spe, ille mortis timore admitteret : Medici certe bæc potiora putant, quam certa morte perire.

OBSERVATIO XXXIV.

Hepar nec per alvum, nec per urinam ejicitur.

SAnguis, qui per urinam, aut alvum aliquando redditur, parenchymatis hepatici duritie sua formam aliquam præ se ferre videtur, quâ specie delusi quidam, putantes id esse, quod esse videbatur; etiam experimento quodam sese in eo confirmabant errore. Nam massam illam sanguineam aquæ injicientes, dum coagulatio ea sanguinis dissolveretur, remanebant filamenta quædam, quæ illi ramificationes venarum hepatis esse existimantes, in eam prolapsi sunt sententiam, ut hepar ejici, tam per urinam, quam per alvum autumarent. Nec de grege solum Medicos in eum errorem traxerunt ista phoenomena. Hofmannus, Hercules à Saxonia, Swingerus, heroës alii in ea sunt opinione. Quem vel mediocriter studiosum non teneret cupido rem tam improbabilem, à viris tamen talibus proditam, examinandi? me certe non sivit quiescere curiositas, donce obla-K 2

tus fuit, qui simili ratione coagulatas sanguinis massas dejiceret: has, qua volunt illi ratione, iifque præterea viis examinavi, quæ ad rei veritatem indagandam videbantur idoneæ; inveni residua post dissolutionem sanguinis filamenta, sed hercules! quam diversa ab ea ramificatione, quæ in venis hepatis observatione xcvi. exhibetur. Sume, fodes, Lector, experimentum, & confer, ipsa te res docebit, nihil illis inter se cognationis intercedere: & in eam facile mecum defcendes sententiam, filamenta hæc ab interiore intestinorum tunica, aut aliis partibus interioribus abrasasesse particulas; quam opinionem liquidò confirmat nostra in hoc homine sanando felicitas; ritè enim curatus, plane convaluit, nec quicquam residuorum sensit symptomatum; quod certè nequaquam ei contigisset, si tantum hepatis, quantum hæ massæ ponderabant, amisisset.

OBSERVATIO XXXV.

Lapis in cerebro repertus.

Joannes Nicolai Westphalus xiv. annorum adolescens, id ætatis inter rationis stultitiæque consinia traduxerat; semper somnolentus, semper capite obtuso: ut, si quid ageret, quod hominem saperet, potius ex creperæ cujusdam rationis scintillis, quam ex vero ejus usu proficisci videretur. Is cum obiisset vi i i. Junii anni m. dc. Lv i i. operæ mihi pretium sacturus videbar, si in cau-

OBSERV. ANATOMICÆ.

causam constitutionis hujus inquirerem; & quid reperim, ubi, candide Lector, audiveris, videsis prudens facias de ejusmodi semistultis judicium.

Substantia cerebri omnino erat flaccida, pia mater, quod in hydrocephalicis fieri amat, ita laxè cerebro erat circumjecta, ut nullo negotio ab eo posset separari: cerebrum, non ut in hominibus fit, cerebellum magna ex parte obumbrabat, sed ab eo recedens, ut videre est in ovibus, nudum cerebellum primo aspectu oculis subjiciebat. Glandulæ pinealis ne vestigium quidem natura elaboraverat; an fortè, quia non decreverat homini huic indulgere istud (quod hîc sieri quidam putant) animæ corporisque colloquium? an camphoræ instar aëri expositæ, in nihilum redacta? an denique resoluta erat instar salis ab humido? ratiocinentur alii in quaslibet partes; ego nihil, nisi quod vidi & tetigi, aut alio sensu percepi in medium profero: inter quæ aqua salsissima, quæ priores duos ventriculos fatui hujus plus media parte repleverat, quorum dexter etiam inclusum fervabat calculum colore albicantem, qui medicâ staterâ examinatus grana pendebat trecedim, quem & hîc, quâ apud me asservatur specie, videndum præbeo.



OBSERVATIO XXXVI.

Secundinæ portio quarto à partu mense incorrupta & innoxia editur.

JOmo homini Deus dicitur: & homo homini Hupus. Passim hæc frontibus adversis pugnantia jactantur; pueri audiunt & senes, & verum audiunt: auditu, mi Lector, quare. Infirmum, debile, inconsultum, rerum omnium ignarum editur in lucem animal illud, quod hominem vocamus, ideoque statim alterius eget ope: qui opitulatur, Deus illi est eâ metaphorâ, quâ utitur proverbium. Perversum, ad mala pronum, lucri sui cupidum, & per animi passiones seduclum à vero, idem illud animal est, maxime ubi adolevit, & se videt ad corporis sui commoditates propter communem malitiam aspirare non posse, nisi per fraudes & mendacia, & nisi comminiscatur, quomodo alteri detrahat, quod sibi cupit accedere; ideo dum alter in alterius damnum invigilat, & ubi potest, proximo nocet, homo homini sit lupus. Non opus est ut illud per omnes humanæ vitæ professiones discurrendo ostendam & in lucem proferam, quos sub pelle ovina fingulæ tegunt lupos; tegunt, inquam, omnes, quæ se prodesse prositentur, (alias publicè non tolerandæ) hac ovili pelle suam nocendi cupidinem. Mitto Theologos, qui nos distrahunt per tot ecclesias, & singuli suam esse, que nos ad fa-

salutem deducat, certatim clamitant, ut multitudinem ad se pertrahant, & ita plurimis nocent. Jurisconsultos non tango, multo minus Medicos: quos utrosque scimus iniquissimam sape male locatæ operæ mercedem exigere, dum ob ignorantiam, ne dicam malitiam, nocent, aut prodesse differunt, ubi promittebant promptum auxilium. Quod hîc deploro, est femellarum, quæ veluti harpyiæ quædam positæ primo in limine vitæ nostræ; statim in pueros matresque incursant; & velillos occidunt, vel utrosque ita male tractant per inscitiam, ut longo tempore post miseras trahantanimas: sed ut iis, quæ per inscitiam contingunt, omnia condonemus, ea certè, quæ per malitiam quotidie ferè perpetrant, ferri nulla ratione deberent. Dum iis, quibus adfuerunt parturientibus, jam puerperis persuadent, & mentiuntur secundinas cum puero integras prodiisse, cùm magna earum pars adhuc in corpore hæferit, & securas reddunt mulieres, quæ forte aliis remediis se liberarent his, quæ postea sequuntur, miferiis. Plurimæmihi, quæ hanc obstetricum malitiam, aut morte, aut maximis luerunt doloribus, sunt oblatæ: nec esse, puto, Medicum, qui praxin feliciter cum bona hominum fama aliquamdiu exercuit, cui non tristis ille casus occurrerit; ideoque non istud est, quod tanquam rarum hoc capite observo: sed illud potius; quod una ex iis, quæ ita, decipiuntur ab obstetricibus, quarto post partum mense, cum nullum aut exiguum

guum sensisset incommodum, sluxu vehementi laborare cœperit, & unà bonam placentæ partem nulla corruptionis ostentantem indicia ejecerit; optimèque evacuata, nihil inde senserit incommodi.

Tanta est sæpe naturæ non solum in therapeuticis potentia, sed etiam in prophylacticis industria. Sed satius esset huic obstetricum inscitiæ remedium, & malitiæ quærere supplicium, quam semper sidere huic naturæ bonitati, quæ non nisi observatione digna rarissima raritate tale solet edere miraculum.

OBSERVATIO XXXVII.

Placenta mulieris septem cotyledonibus constans.

PLacentam uteri reperiri unicam in muliere, equa, asina; duplicem in lepore, sorice, sucula Indica, mure, talpa, unam rubram chorio adhærentem, alteram albam glandulosæ substantiæ: multiplicem in vacca, ove, & capra; ex multis nimirum glandulis constantem, quas cotyledones vocant; licet vulgare sit & ordinarium, non ita tamen perpetuum, quin ego in semina placentam invenerim septem placentis, seu glandulis diversis chorio adhærentem: puer autem, qui huic placentæ adjacebat; hoc etiam præter morem aliorum ostendebat, venarum umbilicalium unam ex hepate, prout sieri amat, alteram verò, quod à more abhorret, ex vena mesaraica prodeun-

deuntem. Arteriæ item umbilicales, non ab extremitate aortæ, nec ramis iliacis sumebant initium, sed duobus transversis digitis ab aortæ extremitate. Verum quia placentæ mentionem secimus subjungam unam circa eam observationem.

OBSERVATIO XXXVIII.

Placentæ informes, quas vulgus Suygers, & vocat & esse putat.

Qua infantes consumentis, que de bestiis, que infantes consument, aut ab iis consumuntur, fabulose narrant, nec credo, nec te credere vellem, quisquis hæc legis, nisi oculatus ipse testis bestias illas videris, nostrate linguâ Suygers appellatas, quas unà cum fœtu, aut sine fœtu in lucem edi, sæpe audire, nondum videre contigit: ideo binas hasce placentas desormes æri incidendas curavi; quarum alteram & vixisse & cucurrisse narrabant, credo, ut tanto plus gratiæ inirent, & magis à rei novitate commendarent id, quod adferebant mulierculæ. In altera & caput, & pedes, adeoque & oculos, & os & nasum ostendebant, nihil horum videnti. Tu, si in his accurate satis ad prototypa sua delineatis, quicquam videre potes, quod figmentis illis, ut ego quidem hactenus existimo, patrocinetur, quæso, dubitantem doce. Et quo te excitem magis, ut eam ineas à me gratiam, gratis dicam quid de toto hoc negotio sentiam. Fit

Fit sæpe, ut dum formari cæpit in utero sætus, nec firmis adhuc retinaculis placentæ alligatur, iis agitatione, faltu, cafu, aut alio matris infortunio, aut etiam infirmitate folutis, nesciæ, & nihil tale suspicanti, sætûs tenellum rudimentum excidat matri, remanente in utero placentæ materia, quæ dum ibi hærens non putrefit, sed augescit, variarum in utero contractionum sæpe est causa, quæ dum subitis variantur vibrationibus tam vehementer, utetiam extrinsecus motus earum percipiatur, animalis per uterum subito motu discursantis, tam ipsi, quæ symptomata patitur, quam aspicientibus & tangentibus dat suspicionem: cum autem postea hæc placenta sine sætu, quæ vera est Mola, prodit in lucem, quod sæpe sit cum ipsis parturitionis laboribus, imo ipso tempore, quo prodiisset infans, obstetrices, & relique mulierculæ putant animal illud, quod antea vivum fensisse se existimant, sœtum, cujus nullum apparet vestigium, consumsisse. Sin autem prodeat fœtus post similes agitationes, contra animal illud, quod non comparet, absumptum esse ab infante pronunciant, & ejus vestigia præoccupatæ præjudicio in placenta quærunt, & invenire sese imaginantur quandam bestiæ configurationem. Tu si melius quid habes, Lector, adfer: ego hîc Thomas sum, nisi videro, non credo.

Tabula XIII. ad Observationem XXXVIII. placentas duas desormes seu Molas proponit.

FIGURA I.

Molam delineat, quam vixisse & cucurrisse narrabant.

A. Placentæ corpus.

B. B. B. B. Quatuor placenta, si Diis placet, pedes.

C.C.C. Venæ, arteriæque in exteriori Molæ parte apparentes.

D.D.&c. Variæ chorii & amnii dilaceratæ par-


FIGURA II.

Alteram placentæ figuram dat.

A. Placentæ corpus in quo nibil animali simile apparet.

B.B. &c. Chorii & amnii partes.

C.C. &c. Venæ & arteriæ in ea conspicuæ.



OBSERVATIO XXXIX.

In colo & in ileo plurimæ reperiuntur valvulæ, quas, quia non totum opplent spatium, valvulas conniventes appellamus.

IN coli principio valvulam crassam & validam reperiri, cui id datum sit negotii, ut prohibeat ne fæces in ileum rursus delabantur, jam multorum observavit curiositas: sed qualis illa sit, triplex ne, ut Archangelus asserit; an unica & simplex, ut Higmorus ad admita provocans desendit; an verò duplex sub judice lis est: quarum sententiarum postremam, ego quoque ad admita sed accuratam & diligentem provocans, assimmare non dubito: claudit enim hæc valvula intestinum non unica rotunda pellicula, prout sere ab omnibus depingitur: non triplici, ut ab Archangelo describitur, sed duplici, instar earum, quibus venæ occluduntur.

Sed alia erat novitas, ad quam præcipuè te vocabat, Lector, hæc nostra observatio. Notum enim jam tibi est, & dictum à multis in colo existere cellulas quasdam à corrugatione per vinculum quoddam externum factas, quæ celerem fæcum lapsum sistant, quæque rupto, aut laxato eodem illo vinculo relaxentur, atque dispareant. Sunt eæ quidem, nec te decepit eorum, qui hæc observarunt, diligentia: sed aliud præterea, quod illi te celaverunt, reperies; val-

vulas nimirum per jejunum & colon intestinum dispositas, quas ego, si verbis audacia detur, nominare non reformidem Valvulas conniventes. Quia non claudunt ita intestinum, ut totam ejus cavitatem oppilent, sed mediam circiter ejus capacitatem sic occludant, ut singulæ parte alterâ latiores, paulatim angustiores fiant, & rursus paulo inferius ab alia excipiantur, que latior ea parte, qua præcedens erat angustior, talem intestino dent constitutionem, ut fæces delabi quidem possint, sed non præcipitari unico quasi lapsu ad inferiora: quam valvularum conniventium (utamur enim eo nomine, quia commodius non occurrit) ex iis, quas domi asser-.vo, delineationem hîc spectandam exhibeo. Scriptum de his nihil quidpiam usquam vidi, nisi quod mentionem aliquam verbo de illis faciat * Fredericus Ruysch, dum ait in crassis intestinis non unam, aft plures observo valvalas. Quæ verba si is de hisce valvulis conniventibus interpretari velit, jam ridendum propinabit omnibus irriforem suum, qui petebat sibi ostendi plures illas in colo valvulas: sed de his ipsi viderint; ego quas descripsi, esse assirmo, & ostendo. Sunt eæ in colo, quam in jejuno majores, utrobique tamen hanc servant regulam, ut alteræ versus ileum, alteræ versus rectum intestinum descendentes, paulatim minuantur, & tandem evanescant. Dant etiam hæ valvulæ,

^{*} In tractatu dilucidationis valval. vafor. lymphaticor. pag. 32.

quæ ab interiore intestini tunica esformantur, clarum sui in parte exteriore permanens vestigium, ne quis dicat, eas tantum esse plicas in-

testini à corrugatione ejusdem ortas.

Dices: qui fit, ut res tam notabiles, & valvulæ tam magnæ, si essent, observatæ non suerint? cui objectioni primum respondeo, neminem teneri rationem reddere omissionis alienæ, satisesse, ut suam quisque adhibeat diligentiam, ut aliquid afferat ad augendam Medicinæ scientiam. Addo deinde arte quadam & cautione opus esse in tractandis intestinis, ut valvulas has reperias, & aliis oftendere possis: etenim si infles ea remissius, non apparent: si intensius, distenduntur intestina in eam latitudinem, ut valvulæ hæ conniventes vix videantur esse valvulæ, quia non aptè videntur, ut tantum occludant spatium : sed idem de valvulis venarum, quando vasa inflata & exsiccata sunt, ferri posset judicium; si hoc esset judicare, & non errare propter minus accuratam rei contemplationem.

FIGURA III

Tabula xiv. ad Observationem xxxix. valvulas conniventes ostendit.

FIGURA I.

Pars intestini jejuni valvulas conniventes exhibens.

A. Pars intestini jejuni. B. Interior facies intestini.

C. Pars quædam reflexa, ut facies interior apparere possit.

a. a. a. &c. Valvulæ conniventes.

b.b. &c. Vestigia valvularum conniventium exterius apparentia.

FIGURA II.

Pars intestini jejuni aliter delineata, ut clarius valvularum conniventium sigura conspici possit.

A. Exterior jejuni facies. B. Interior facies jejuni.

C. C. C. &c. Valvula conniventes.


FIGURA III.

Valvulam coli duplici pelliculà constantem, & valvulas conniventes cum cellulis proponens.

A. A. A. Superficies coli exterior.

B. B. B. B. Partes coli replicata, ut interius inspici possit.

OBSERV. ANATOMICA. 89



C. C. Pelliculæ binæ, quibus valvula coli constat » nonnihil à se invicem distractæ: ut ilei cavitas in medio videri posit: quamquam bæc aurolla in exsiccatis melius ostendat, quam ars chalcographica exprimere potuerit.

D. D. D. &c. Valvulæ conniventes.

E.E.E. Spatia inter valvulas conniventes aperta. F. F. F. &c. Cellulæ, quas externum ligamentum efformat, eoque abscisso collabuntur.

G. Intestinum cæcum, id est, appendicula instar

vermis oblonga:

H. Antiquorum intestinum cacum.

1. Intestinum ileum.

OBSERVATIO XL.

Matres pueros suos nimis alendo sape necant.

CCitur & ridetur ab omnibus illa simiæ, animalis aliàs sagacis, stoliditas, quæ catulos suos præ nimio affectu tam arcte pectori suo apprimit, ut exprimat animam : haud multo sapientiores pleræque matres, quæ filios suos nutriendo, necant, & lactando, mactant. Anatome illas, si sapere vellent, doceret, quam facto in uno, dum piæ volunt esse, sceleratæ existant. Oblatienim mihi sæpissime sunt ex iis, quibus lac nimia copiâ fueratexhibitum, febri continuâ brevi tempore extincti; quorum dum mortis immaturæ causam indagabam, omnes ita obesos & pinguedine obsessos inveni, ut vix scirem, quò cul-

cultrum anatomicum adigerem: qui pueri dum sugentes perpetuò vomerent, lætabantur stolidæ matres, vulgatum illud fuum identidem occinentes: pueri, qui vomunt, crescunt; verè illud quidem; lac enim, ut alimenti maximi est, ita facile quando majori copia suppeditatur, quam ut calor nativus illud convertere possit in perfectam carnis substantiam, in pinguedinem abit: quæ non minus periculosum infantibus dat statum, quam adultis athletica corporis habitudo, quæ dum eadem quotidie gravatur copià, necessariò in ea incidunt incommoda pueri, in quæ ex nimia crapula adulti; ita ut hîc vel maximè locum habeat illud sapientis: plures occidit gula, quam gladius, etiam Herodianus. Quis vitæ diuturnitatem promitteret ei, qui ita se ingurgitaret quotidie, ut ter quaterve singulis diebusremetiretur vomitu, quæ assumpsisset: quid? an in tenera ista ætate crapula hæc non est multo pestilentior? nec enim calor isti tam copioso alimento digerendo sufficiensest, nec retentrix facultas satis valida, nec expultrix accommoda. Nam ut etiam hoc ex anatomica curiofitate addam, pylorus puerorum tam arcto sigillo à natura munitur, ut si infles, eum siccare possis, quamvis infernè non occludas; que nature dispositio non videtur apta, ad tantum lactis per eum dimittendum, ideoque regurgitat & infantem enecat.

OB-

STOUG

OBSERVATIO XLI.

Mulier fati sui diem ab impio prædictum mendicabulo nimis apprehendens, eo ipso extincta.

Cum semel extra Anatomiæ oleas salierim, addam & alteram de viribus imaginationis observationem: quæ hoc simul adseret commodi, ut aliquos superstitione liberando, eorum non tantum saluti, sed vitæ consulet, dum advertent, quam facile hominibus illudatur, qui nimis religiosi pietati se indulgere putant; dum inanibus

& panicis agitantur pavoribus.

În pago quodam Hollandiæ Septentrionalis', quem Quadijck appellitant, Catharina Petri negabat eleemofynam cuidam ex ea hominum colluvie, qui per pagos cursitantes, fucorum instar, de fructibus laborum alienorum sibi partem in Dei, si Deo placet, honorem tribui esslagitant. Cum illa, ut genus illud projectum estad omnem non tantum impudentiam, sed etiam impietatem: quid, inquit, tu mihi negas eleemosynam nomine eam Dei petenti? at ego tibi ejusdem Dei nomine dico & prædico, te post sex menses hoc ipso die pænas daturam hujus tui criminis, funus enim eris, nec diutius in terris ages. Catharina primum ridere mulierculam: at postea secum ruminans, quam ferio, quam graviter esset interminata, diem illum fatalem sibi sæpius proponere, ad imaginem ejus cohorrescere cœpit, & tandem aucta

OBSERV. ANATOMICÆ.

aucta paulatim imaginatione, & inde orta infirmitate, eo ipfo die extincta est: non punitione aliqua divina, ut stolide quidam in simili eventu imaginantur. Quod enim tantum peccatum in se admiserat, non dando eleemosynam vagis istis nebulonibus; cum hac in patria potius virtutis genus sit, & obedientiæ mereatur præmium; cum a legitimis superioribus boni communis causa vetitum sit, porrigendo eleemosynas alere hominum istorum pigritiam.

OBSERVATIO XLII.

Iliaca passio ab ulceribus intestinorum cum inflammatione potius, quam eorum intorta convolutione oritur.

On eâ, quam hîc annoto observatione, istam consutare est in animo vulgi opinionem, quâ passionem iliacam, seu ileon, ideo volvulum dictum esse existimant; quod eâ intestina ita convolvantur & contorqueantur in nodum, ut propterea excrementis ad inferiora negetur descensus; quod vel tantillum in Anatomia versato sieri nullâ ratione posse, statim apparebit; cùm intestina omnia mesenterio ita alligata & illigata contemplabitur, ut vel hoc rumpi, vel ilia ab eo disrumpi debeant, ut imaginaria siat ista convolutio: Sed cùm mihi oblata suerit non vulgaris morbi hujus rarissimi causa, eam omnibus visendam dare, proposui.

M 3

XXIX.

ххіх. Septembris anni м. DC. LXVIII. Amstelodami vir quadragenarius moritur ejus fortunæ, ut pauper inter divites, inter pauperes dives haberetur. Hic ab aliquot jam annis, quasi tabe conficeretur, marcebat: & inter dubia vitæ mortisque vota miseram trahebat animam. Tandem sebri correptus fuit decimo quarto ante fatalem sibi diem: post decimum nihil excrementorum per inferiora dejecit, tertio fæces per os fædum in modum ejecit, quas triduo post anima sequebatur. Laborabat is omnium opinione volvulo; & revera is erat morbus, cui peritiores Medici, vel quòd æger victus doloribus se convolvat sæpius, vel quòd flatus in ventre quasi volvantur, etiam hoc no-men indi non abnuerunt. Nondum mihi hominem verè miserando hoc morbo extinctum secandi fuerat oblata occasio, hanc igitur non negligendam ratus, apud propinquos, ea in parte difficiles, eam mihi impetravi gratiam. Ego inter secandum convolutionem intestinorum nullam, sed ea circa coli principium arctius compressa, atque inflammata reperi; & ubi cautâ, lenique incisione ea aperueram, ulcus inveni, quod transitum ad inferiora fæcibus negabat, & hinc quæ deorsum vergebant vacua, quæ sursum excrementis plena; quin ipse ventriculus iis infectus, fædum visu, grave odoratu spectaculum erat. Post inventam morbi causam, dum causa causam indago, ecce tibi pancreas sese offert, quod ordimariam pancreatislongitudinem, media sui parte; latilatitudinem, tribus transversis digitis; crassitudinem, incredibili modo; pondus, quatuordecim unciis excedebat, pendebat enim uncias xv 1 1 1 1, cum hominis quinque, equi undecim plerumque pendeat: omni ex parte plenum erat scyrrosis glandulis ovum columbinum magnitudine exaquantibus. Hac pancreatis mole compressum ileon, primò instammatum, deinde exulceratum,

negaverat excrement is transitum.

Redeamus nunc ad imaginariam, quæ vulgo obtinet, de convolutione ilii opinionem, quæsi fieret, fieret necessariò cum ilii à mesenterio dilaceratione; ea autem, quæhinc sequeretur, in corpore catastrophe propter sanguinis, per cava ventris ruptis majoribus vasis, essusionem, cum à nemine observetur, sit, ut dubitem, an satis magna attentione scrutatus sit, *Lazarus Riverius, & alii, qui dicunt Anatomiam isti convolutioni patrocinari, neque enim detecta est unquam, quantum ego existimo, cultro anatomico ista convoluluta intestinorum contorsio. Quam opinionem meam, ne temerariam aut cuiquam injuriosamesse existimet quispiam, audi, quæso, quomodo Riveril errorem excusem. Aperto, inquit, cadavere inventum est intestinum ileon tribus complicationibus convolutum, & quasi compactum in unam massam circa finem illius: tota autem illa intestini portio complioata gangræna affecta erat, cum portione mesenterii sibi adjuncta. Aperto cadavere à Chirurgo scilicet aliquo, quantum arbitror, his enim vulgo datur

id à Medicis negotii. Inventum est, &c. non addit à se vel visum, vel accuratius examinatum: fœtor & cetera, quam commemorat partium internarum constitutio satis prohibebant hanc curiositatem. Ergo inventum est, referente, puta, Chirurgo obiter hæc inspiciente, ileon tribus complicationibus convolutum, & quasi compactum in unam massam circa finem illius. Compactum in unam massam apparuisse ex inflammatione, gangræna & ulcere facilè imaginor, inde Chirurgus vulgari præjudicio imbutus, hanc convolutionem esse pronuntiarit. Adeo, ut nihil hic aliud visum fuisse existimem, quantum quidem ad convolutionem (attinet, quam id, quod nos in subjecto nostro magna pertinacià contra tetros, qui afflabantur, spiritus depugnantes invenimus. Quod ut eò te magis oblectet, quò nobis fastidiosius suit, verbulum addam, ut interim diffletur, quæ jam afflare cœpit imaginationem tuam graveolentia.

Meministi, credo, Lector curiose, *Riolanum dicere se, dum aperiret Viri Illustrissimi D. Jacobi Augusti Thuani corpus, in eo pancreas undique scyrrosum invenisse, quod magnitudine hepar adæquaret. Conferatur cum eo hoc nostrum, & quemadmodum videbishoc illo multò admirabilius, ita sateberis latere sæpenumero in corpore morborum causas, quæ & ipsæ morbi sunt, quas ne suspicari quidem Medicus potest: frequentes autem ab Anatomicis, qui eas invenerunt, observationes in lucem datæ, id adserent generi huma-


OBSERV. ANATOMICÆ.

no commodi, ut dum medicamenta ordinaria ad speratam sanitatem parum conferent, Medicus mentem advertat ad hæc ludibria, dicam potius, quam ludos naturæ, quæ dum sic ludit, nobis illudit.

OBSERVATIO XLIII.

Vermis è naribus ejectus.

HIc sidem, quam alteri narranti vix darem, nisi rem ipse oculis usurpassem, peto à Lectoribus. Femina quædam Amstelodami in ea platea degens, quam Dominorum fossam ibi appellitant; cum jam dudum pectoris angustiis, tussi vehementi, quâ phlegmata crassiora sæpius exspuebat, & maximis capitis doloribus laboravisset, die xxI. Septembris anno M. DC LX VIII. capitis dolore præter morem, & nescio quâ angustia tum pectoris, tum narium incepit laborare, ita ut spiritum per nares difficillime aut emitteret, aut traheret, dumque ea in angustia posita, tussit, spuit, emungit, ecce tibi inter emungendum vermem è naribus educit, ita in se convolutum ut sordes quasdam crassiores esse autumaret; rei tamen insolentia permota, & maxime quòd angustiarum suarum levamentum quoddam sentiret, filiam advocat; quid illud sit, interrogat; ipfa enim, oculis ex vi conatûs stillantibus, non fatis distinguebat; filia vivere id exclamat, & ubi se evolvit, vermis rubri coloris is apparuit, quem



quem hîc depinximus, pedibus innumerabilibus, caudâ bifurcatâ, & prominentibus ad caput cornibus præditus; qui celerrimè se convolvebat; is cum ad me delatus esset, feminam ipsam adivi, quæ ante aliquot septimanas se similem quendam in fudario fuo reperisse ajebat, sed quia illudad latus juxta parietem sepositum suerat, se putasse vermem eum in sudarium ex terra irrepsisse, ideoque abjecisse: ego vermem nullo utentem alimento diu vivum servavi, eundemque tum familiaribus ostendens, tum quandoque curiositate impellente visitans, semper agilem reperi: at die Octobris tertià, dum capsulam ligneam, in qua eum reposueram, aperio, ipsum jam mortuum, sed ante mortem peperisse reperio; adjacebat enim vermiculus vivus, quem etiam hîc appinxi, & mortua genitrix, quæ tumorem circa ventrem manifestum viva ostenderat, jam parte ista detumuerat: justi dari feminæmedicamentum emeticum, quo ipsa materiam copiosam, l'entam, viscidam, herba viridiorem evomuit, in quo cum nonnihil se sublevatam sentiret, injustu meo eandem medicinam iteravit post duos dies, & iterum

men minus viridem ejecit, & capite se, ventreque inferiore non nihil sublevatam gaudet, sed tussis molestia, cum sputis lentis & crassis perseverat.

Vermem ex quo noster hic depictus esse videatur, nisi quod ille major sit, adsert Paræus in Operibus Chirurgicis, quem Christianissimæ Majestatis suæ Chirurgum Jacobum Guillelmeau ex apostemate semoris adolescenti cuidam exscidisse dicit. Varias autem ex variis historias, quibus vermes in capite reperti esse narrantur, adsert * Daniel Sennertus: sed ego, qui spicilegium sacio, aliorum me manipulis non onero, contentus id, quod mihi videre contigit, in medium attulisse, ut sic miranda mirandis adstruant sidem.

* Pract. lib. 1. part. 1. cap. 18. 100000 Briton sind om

OBSERVATIO XLIV.

Acus gutturi inhærens magnete extracta.

Undique discendi captat occasionem, quem semel incessit generosa cupido scientiæ; hanc vel à circumsoraneo oblatam arripui, arreptam tibi trado: Ideo maxime quod res ipsa quiddam habet notabile.

Dum aquis Spadanis hauriendis sanitatis caus sâ indulget Hera, Ancilla quædam imprudens acum deglutierat, quæ tali ratione infixa erat partibus internis gutturis, ut loquelam ei rederat

deret difficilem, illa ceterum innoxia descendit ad tonfillas, atque ibi novem omnino annis hæsit manisesta, quia tactu percipiebatur, nulla tamen inflammatione infesta: puella anxia nihilominus, ne tandem in malum atrocius erumperet loco non suo positum metallum, varios sollicitat Chirurgos, manum adhiberent exscindendæ acui: nemo audet majoris mali formidine. Jam vigesimum tertium annum ætatis agebat; cum supervenit homo, ex eo genere, qui cum nihil, vel parum de Medicina calleant, medicamenta tamen aliqua nacti, quæ cum adhibita, morbos aliquos sanent, illi omnia omnibus audent promittere, & dum omnibus manum adhibent, tandem quadam imbuuntur experimentali in multis scientia: is ergo, quem dixi, homo huic nostræ accedenti facilem promittit ab ea sive molestia, sive anxietate liberationem. Illa credit: hic incipit: & cultro levi facta incisione turundula pellem nonnihil deducit, & magnetis (non pulverem, ut vulgò fit) sed frustum vulneri apponit: res mira; post nonum diem lapidi adhæret acus, & puella liberatur.

tibistiado: Ideo maxime qued res ipla quid-

sound deglutioner, que tali ratione infixa en

thes interest guitaries un loquelem ci red-

OBSERVATIO XLV.

Aógowois Sanata.

PRoceræ staturæ vir quidam nobilis è Frisia quadraginta circiter annorum sic incurvabatur, ut silicernium potius nonagenarium, quam id ætatis homo occurrentibus videretur. Adiit ille varios, qui se vel dislocata membra restituere, vel malè conformata ad debitam figuram revocare profitentur; sed irrito omnium conatu. Ægre id habebat hominem, & dum malo suo remedia quærit curiofius; me quoque adiit. Visa est, non tam ex ossium, quam musculorum malis humoribus obsessorum vitio orta esse mala hæc conformatio. Præparandis igitur, & expurgandis humoribus dum operam do, eaque fomenta adhibeo, quæ isti morbo censebam idonea; cœpit ille non præter spem, sed opinione tamen meâ citius erigere se, & intra sex hebdomadarum spatium ita sanari; ut corpus illud procerum, rectum, sanumque circumferret.

Non tam anatomica est hæc observatio, quàm admonitio, ne Anatomia incautos decipiat, dum existimant omnem desormationem externam solum ab aliquò internè distorto osse originem sumere: quæ Operatoribus istis, ut vocant, non Medicis, id probè callentibus, data sit cautio.

withing.

N 3

OB-

OBSERVATIO XLVI.

Oves aliquot & puer cerebro carentes.

D'Um scrutor ea, quæ Anatomiam spectant, omnia diligentiùs, non tantum oculos in cadavera, quæcunque secanda offeruntur, immitto; sed aures etiam curiosas, ubicunque de his

talibus fermo, adhibeo.

Inter alia narravit mihi Lanius se oves aliquando habuisse adeo fatuas (estenim & sua bestiis sapientia, est sua fatuitas) ut neque edendi, neque bibendi à natura cunctis animalibus suggestos sentire viderentur stimulos; sed same periissent, nisi ore vi aperto, alimenta ingessisset. Incessit eum cupido examinandi, num quæ fatuitatis hujus in capite extarent indicia, diviso igitur ovis ejusmodi cranio, nihil in eo cerebri, aquæ solummodo tantillum reperisse, idque, curiositate una stimulante alteram, non semel sibi in ovibus oblatum esse ajebat: non ad vanitatem sictam sabellam, sed anatomicam historiam narrasse tunc mihi visus fuit, quando ipse puerum ex hydrocephalia mortuum accepi. Medio circiter & quinque mensibus vixerat: sutura capitis magno hiabant spatio, intus autem non cerebrum, sed cerebri loco aquam reperi mucosam, quod ideo commemoro, quod non meminerim fimile quid à tot diligentissimis Anatomicis observatum.

Quod enim de puero quinquenni adfert Amplissiplissimus Dominus Consul noster * Nicolaus Tulpius, qui aquæ quinque libras capiti inclusas gestabat; licet admirabile sit, & non tantum in stuporem traxerit, sed etiam distraxerit in varias sententias eos, qui tum aderant, Medicos: tamen ut ipse Vir Amplissimus fatetur, oculi acie illuc penitus directa, viderunt satis perspicuè cerebrum non defuisse, sed amissa sigura globosa induisse formam convexi fornicis, adeo, quamvis stupenda admodum sit ista historia, non tamen est eadem cum hac ovium, & pueri nostri, ubi nihil cerebri repertum suit.

* Lib. 1. Observ. 24.

OBSERVATIO XLVII.

Mors ex sordibus in aspera arteria congregatis.

Dicebat ille. Sed an non majore ratione ego admirabundus exclamem, ubique mortem esse; cum cultro anatomico causas ejus investigans, nusquam eam non latitantem invenerim: & nuper in vitulo morticino, ubi minime suspicabar. Habebat is asperam arteriam seno permixtisque aliis sordibus ita plenam, ut anima interclusus suerit exitus. Erat epiglottis ei parva adeo, ut vix medium trachea hiatum obtegeret. Hinc seno paulatim, ut ex substantia ejus semiputrida apparebat, obturanda arteria secerat copiam. Nec in brutis hoc tantum usuvenit: in

puero triennali aliàs tracheam corrupti alimenti fordibus oppletam reperi, cui & epiglottidem fuisse, que non esset opplendo arteriæ illius osculo, perspexi.

OBSERVATIO XLVIII.

Cartilago fontanellæ similis in ossibus parietalibus, & frontis.

FOntanellam in medio capitis longo postnati-vitatem tempore sæpe adhuc apertam, requirere magnam in obstetricibus & nutricibus prudentiam, & in tractandis infantibus circumspectionem, alibi à nobis dictum: sed quod hac observatione inculco, illudest; quod natura nullis, nisi suis, adstricta legibus, non ita præcisè (ut plerumque eam facere in Osteogenia annotabimus) semper observat sua tempora, quibus cartilagines in offa consolidet. Oblatæ enim mihi fuêre aliquot infantium calvariæ, in quibus longo post nativitatem tempore ossa parietalia mediam, fontanellæ instar, ostentabant cartilaginem: os frontis in alia, in alia item tam frontis, quam parietalia: unde constat nutrices, si temere nimis crudis manibus attrectent tenellula hæc corpuscula, magnorum incommodorum causas existere. Est mihi infantis caput, cui obstetrix in partu difficiliore manus per has parietalium cartilagines injiciens, ea à dura matre ipsa divulsit, quales errores sæpius contingunt, & velantur monstrosorum partuum prætextu.

OBSERV. ANATOMICÆ. 105

OBSERVATIO XLIX.

Ren fætus unica constans glandula.

IN renibus, tanquam in amplo quodam naturæ ludentis theatro, triumphare videntur Anatomici: dum alius desideratos eos quandoque fuisse, alius magnitudine supra modum excrevisse, alius ureterem ex postica eorum parte egressum fuisse, alius figura variasse, eos describit. Ego fœtuum sectioni frequenti dum indulgeo, quo eorum Osteogeniam perfectius adornarem, in quodam, qui octo jam mensibus arctas illas primi mortalium domicilii angustias inhabitaverat, renem inveni, quem etiam in scenam producendum putavi. Excedebat is quadruplo, & amplius fœtuum aliorum magnitudinem, constabatque ex uno continuato corpore, non ex glandulis in unam massam conspirantibus, uti & hic alter hujus, & semper omnium ordinarie fœtuum constant; & quod etiam præter aliorum morem in eo admirabar, venam habebat emulgentem duplici ramo jam inde à vena cava egredientem, uti figura ejus ostendit.


Tabula xv 1. ad Observationem xl 1x. Renem fœtus solito majorem, una continuata substantia constantem, & vena emulgente duplice præditum ostendit.

A. Ren solito major, una continuata substantia constans.

B. Venæ cavæ truncus.

C. C. Binæ venæ emulgentes.

D. Ureter. In the more and the must only did



OBSERVATIO L.

Varia observatione digna in puero.

Uam in puero nuper à me dissecto inveni par-tium quorundam constitutionem, quia mihi spectanti attulit ex curiositate voluptatem, spero non injucundum auditu fore lectoribus, si narravero. Intestina, ventrem inferiorem scrutanti (quia ingentibus ejus tormentis cruciatus obierat) omnia occurrerunt vacua, & ita vento distenta, tanquam si vi quapiam externâ, ut exsiccarentur, inflata fuissent: atque acquisità per distentionem hanc mole & duritie ita compresserant hepar, ut manifesta eorum sibi impressa gereret vestigia; ipsa autem vicissim tincta essent aurea flavedine ex bile, quam hepar coarctando è folli-culo expresserat. Pylorus tam exiguo foramine erat pervius, ut vix flatum transmitteret: utrobique in duodeno & in recto loca quædam trium transversorum digitorum magnitudine vento vacua, ita conciderant, ut parietes intestinorum sibi agglutinati viderentur, nec flatum transmitterent. Remotis jam intestinis, infra peritonæum renem dextrum lapide inveni infertum, amygdali minoris magnitudine, quod uti in puero tantillæ ætatis (necdum enim annum vivendo expleverat) mirum, ita mihi hoc admirandum visum est multo magis, quod ureter renem illum egressus statim folliculi fellis adultorum æquabat mo-

TOS TH. KERCKRINGII

molem: post quam sequebatur angustissima coarctatio; & hanc rursum excipiebat minor quidem priore multò, sed tamen extraordinaria inslatio; atque ita vicissim coarctatus, atque inslatus, quasi per globulos paulatim minores descendebat ureter. Lapidis magnitudinem, & ureteris siguram delineatam dedi, ut quisque ea possit curiosos pascere oculos, cui non contingit, ea penes me servata conspicere.

Tabula xvII. ad Observationem L. Renem pueri & ureterem monstrosum ostendit.

A. Ren pueri adhuc glandulis constans conglomeratis.

B. Ureter exaquans folliculi fellis molem, & deinde alternatim in maximas angustias coarstatus, & rursus in
nimias laxitates didustus.

C. Lapis amygdali minoris magnitudine in dextrorene inventus.



OBSERV. ANATOMICÆ. 109

OBSERVATIO LI.

Pulveres sternutatorii sæpe noxii.

On ex tetrico illo fum Medicorum ego genere, qui ita arte sua sibi blandiuntur, ut nolint quenquam quicquam conferre ad falutem, aut sanitatem proximi, nisi id in scholis didicerit, aut promotione, quod ajunt sua, licentiam acceperit bene merendi de proximo. Puto enim omnibus hanc à natura concessam veniam, ut, hominem si videant in aquam procidentem, submergendum nisi subvenerint, extendant manum, & quà possunt, consulant saluti proximi: si hoc, cur non & illud? ut si quid vel experientia proprià didicerim, vel auditione acceperim, vel studio mihi meo comparaverim scientiæ, id ipsum impendam aliis, ut eos à mortis periculo eximam. At enim multis incommodant, qui sic prodesse volunt. Utinam tam felix esset Medicinæ, quam profitemur, scientia, ut nunquam illud, nisi ab iis, quos imperitos vocamus, accideret! quis spopondit Academiis, ut ii, quos ipsæ promoverint, nunquam errent, vel obsint, dum prodesse student? Latent inter homines etiam gregarios innoxiæ quædam & falutares medicinæ, quas nullus contemneret, si nosceret; & si nostri, qui promotione suâ ita triumphant, non tantum ex scriptis, sed etiam ex istis traditionum libris vellent discere, næ isti sæpe melius samæ suæ, melius saluti ægrorum consulerent.

0 3

An

An ergo pessimo illi circumforaneorum turbæ patrocinamur, quorum quisque passim tanta temeritate & impudentia se Medicum jactat eum, cui parem nulla retrò ætas dederit, nulla dabit? Ne hoc in animum inducas tuum, audi, quam historiam tibi narrem, quidque de ca judicem.

Tempore quodam Harlemo petebam Amstelodamum, aderat in navi quidam de grege isto hominum, qui pulveres suos sternutatorios commendabat, ut medicinarum omnium compendium, & omnium Doctorum, utajebat, opprobrium; quippe qui subitò efficerent sine labore ægri, quod illi catapotiis, & purgationibus præstare nequirent. Inter hæc rusticus quidam, nescio, an scrupulis quibusdam, an omine adductus, interrogat, numnam nocere posset pulvis iste, audivisse se ad mortem usque procedere posse sternutationes istas; ingereret audacter, reponit circumforaneus, sternutationibus, credo, frequentibus, & quodam miseri incommodo; eum ridendum volens propinare circumstantibus. Haurit impigre rusticus, & sternuere ita vehementer incipit, ut sanguis sequeretur tanta copia, ut miser exanimus concideret, & Amstelodamum delatus, diu decumberet. Quis foveat aut defendat nebulones ejusmodi, qui sic ludunt de corio humano? pœnas publice dare oporteret tanta nequitia. Sed nolo hîc contra eos debacchari: illud tantum ex eventu observo, pulveres istos, quos ita temere quidam per nares trahunt, quibus hellebo-

rum album admixtum est, non sine evidenti assumi periculo; potius aquis sternutatoriis utendum; vel si pulveribus, helleborum omittendum est.

Sed quid agas? an propter similium hominum improbitatem non vis, ut finguli mortales ad Medicinam fuum conferant symbolon? fiat, quæso; sic ab incunabulis suis crevit Medicina, sic aucta, sic corroborata est. Qui diligens harum traditionum erit observator, non parum prosiciet, si quæ passim traduntur, ipse in penum suam reponat, & arte judicioque limet ea, quæ indigesta à vulgo offeruntur.

OBSERVATIO LII.

Monstrum informe.

Uod cernis errantis naturæ prodigium anno M. D.C. LXIV. in pago, qui Velsen, dicitur, editum est à muliere, quæ gravidationis tempore me consuluerat. Corpus enim versus sinistram partem vehementer intumuerat; pars dextra adeo conciderat, ut in ea nullum prolis appareret vestigium: unde & illa, num gravida esset, dubitabat. Conquerebatur autem de gravissimis doloribus, infomniis terrificis, & de constitutione totius corporis, quæ sibi se gravem, & molestam reddebat. Post varia, sed irrita dolori leniendo adhibita medicamenta, tandem hunc partum mortuum enixa est, manibus pedibusque informem; pectus uno, venter alio tumore allurgebat;

Tab . XVI



OBSERV. ANATOMICÆ. 113

caput quid referret, nemo facile dixerit, tam longè ab humana capitis forma recesserat: nihil in toto monstro visendum; nisi tanta & tam longè ab hominis sigura recedens monstrositas.

OBSERVATIO LIII.

Sarcoma totam uteri vaginam occupans, forasque propendens.

ITerum eorum sententiam, qui uterum soras prodire, & extra corpus ipsum propendere existimant, cultro anatomico impugnabo.

Coloniæ Agrippinæ mulier erat, quæhystericis passionibus mirum in modum cruciabatur; qui eam curabant, procidentiam uteri earum miseriarum causam esse, & scire se, & manu tangere opinabantur; propendebat enim extra corpus quidpiam, quod illi non aliud, quàm uterum esse, vel esse posse existimabant: hæc interim mulier omnia, quæ menses obstructi, & reliquus uteri furor excitare solet, miserrima symptomata perpessa, tandem anno m. DC. LXV. mense Augusti morte ab his liberata suit.

Excurreram eo tempore Coloniam, & curiositatem meam urbi visendæ, ut hæc microcosmi
cernerem miracula, subtrahebam: dum ergo
Chirurgis hoc cadaver secantibus adsum, causa
apparuit tantorum malorum prorsus alia, quam
opinati suerant: non enim prociderat uterus,
quod sieri non posse, jam sæpe monemus, sed
p

114 TH. KERCKRINGII

interno ejus orificio adnatum erat sarcoma, quod diductum per totam vaginæ longitudinem

extra corpus sese ostenderat.

Postea aliam ipse secans puellam, inveni similis sarcomatis rudimentum instar dactyli orisicio uteri interno adhærescens, quod si tempore adauctum fuisset, eadem ratione incautis Chirurgis, vel Medicis imposuisset, qui uterum semper immobiliter loco suo consistentem, tanquam vagantem per omnes partes ventris cum Laurentio, vel tanquam procidentem cum plerisque aliis accusassent.

OBSERVATIO LIV.

Varia uno in corpore morborum exorbitantia.

VII. die Februarii anni M. DC. LXVIII. varia & mirabilia in uno subjecto plurium nobiscum anatomizantium oculis oblata sunt spectacula, quæ, quia picturà difficilè esset exprimere universa,

hîc calamo, quà potero, depingam.

Vir erat, qui in Nosocomio Amstelodamensi paupertatem miseriasque vitæ multiplices unà cum vita deposuerat: dumque is in corona Medicorum secaretur, exhibuit pulmonem sinistrum exulceratum, pectus aquâ repletum, dextrum renem flaccidæ substantiæ duplo, quàm natura requirit, majorem; sinistrum, justa quidem magnitudine, sed plenum materia purulentà, cui immisti erant lapilli quidam nigri-

cantes, &, quod magis meruit stuporem omnium, infra scrotum sistula apparebat, quâ perforatâ etiam vesicâ multos jam annos urinam reddiderat; obturato prorsus meatu urinario. Ad has miserias etiam epiplocele accedebat, quæ epiploon testiculis sirmiter assixerat. Docebat hoc infelix spectaculum, quantæ pro una sanitate Deo agendæ sint gratiæ; cum in ea tot contineantur beneficia, quot unicum corpusculum tentari potest infirmitatibus.

OBSERVATIO LV.

Omentum tam in fætibus, quam in adultis reperitur.

Omentum in fœtu non reperiri, quia nondum est ventriculi & intestinorum concoctio, sunt, qui sentiant. Qui, si de se loquerentur, asserentque se in sœtibus omentum non reperisse, facilè iis sidem haberemus: ego verò, quia inter tot, quos secui sœtus, nullum inveni, qui omento careret; facilè adducor, ut credam sœtus omnes eo præditos esse, nisi quis sortè occurrat, qui inter monstra, aut extra ordinem inter naturæ miracula, sit recensendus.

batque medendo indies magis, 8c macie confu-

menda, doloribufgue enecanda videbatur : fu-

ius latere morbi caulam, omnia

-Etoj

OBSERVATIO LVI.

Substantia glandulosa pendens uncias septem inferne ejecta.

Perire: agens de iis ægrotis, qui ad desperationem laborant, & inter propemodum certos mortis timores, dubiam aliquam spei lucem ostentant, inquit latinus Hippocrates: & verè ita esse expertus sum in semina quadam habitante Heemstadii; pagus is est, juxta arte sua texendi nobilitatum Harlemense oppidum, non ignobilis. Laborabat jam quinque annis cum hectica sebre dolore ventris intolerabili, quibus, quod alterum accederet malum, paupertas, deserta est à Medicis, crescentibus autem quotidie, & augescentibus doloribus, ipsa ita evanescebat & minuebatur, ut tandem umbram sepulchralem potius reserret, quam hominem.

Degebam id temporis circa ea loca, fugitans urbis frequentiam propter contagionis periculum; accedentem ergo ad me hanc mulierem, iis aggressus medicari potionibus, quæ bilem, unde suspicabar inter cetera mali originem, corrigerent & depellerent: at illa inter purgandum intolerabilibus cruciabatur doloribus, ægrescebatque medendo indies magis, & macie consumenda, doloribusque enecanda videbatur: suspicans igitur altius latere morbi causam, omnia

tentanda ratus priusquam eam desererem; recordatusque superius allatorum verborum Celsi, vegetiore quodam emetico, quo fæpe in desperatis felici cum successu usus sum, morbum aggredior, cum apozematibus cholagogis, aliifque medicamentis me jam vel satis præparasse materiam, viasque, quâ pertinax malum educerem, disposuisse, vel plus, quam satis operam, si nihil effectum esset, lusisse existimarem. Sumit illa potionem, nihil evomit, sed post copiosas dolorisque plenas dejectiones, tandem prodit inferne corpus quoddam glandulosum tres palmas longitudine, latitudine binos adæquans digitos, quod septem pendebat uncias; sequitur id ingens copia sanguinis, &, mirum dictu, femina se recreatam sensit, & postmodum convenientibus secundum rei exigentiam medicamentis curata, prorsus convaluit. Tanti est ægros altero jam pede cymbam Charontis prementes, aliquando generosa manu revocare, & vitæ asserere.

OBSERVATIO LVII.

Sanguis & ossa fætus flavo colore ex ictero matris imbuta.

Sæpius transire in sætum matris morbos vulgatum adeo est, ut illud vel argumentis astruere, vel observationibus probare supervacaneum sit; quod tamen inter secandum tot cadavera se mihi xi Februarii anno M. DC. LXVIII. obtulit, nescio an non inter minus vulgaria sit recensendum.

Mater ictero laborans, octavo gravidationis mense puerum peperit mortuum quidem, quod isto mense non est mirandum: sed quod ego stupebam, ita slavum, ut è cera confectus puer, non partus humanus videretur. Eum potestatis meæ factum, seco, pro sanguine humorem fellis instar slavum reperio, eumque diligenter lagenâ exceptum servo; ad ossa ubi perventum, ea sic erant eodem humore, eodem colore flavo imbuta, ut, si non ipse secuissem corpusculum, illudi mihi, atque arte tincta fuisse putassem. Est penes me etiamnum plena sanguine isto lagena, est sceleton ipsius pueri non minus rarâ sui compositione, quam colore isto visendum. Vix credes fucum abesse, nisi synceritatem meam ex aliis, quæ hîc narro, & in museo fervata ostendo, comprobaveris.

OBSERVATIO LVIII.

Oleum Vitrioli imprudenter & infeliciter vulneri sanando adhibitum.

Mlles quidam juvenis, viginti circiter annis vixerat, cum ad bellum, quod Cæsar contra Gustavum Adolphum Sueciæ Regem in Germania id temporis gerebat, proficifcitur. Hic cui belli fortuna inter ignitos globos pepercerat, ab equo calce percutitur, & in tibia vulneratur, ita ut focile majus aliquid læsionis, quod postea patefactum est, accepisset. Medici castrenses id vulnus consolidant, & homo se probe sanatum existimans, nihilque fuspicans mali, ubi facramento militari solutus est in Hollandiam se confert, atque Harlemi ductà uxore liberis operam dat: post viginti annos, aut eo amplius, (quis credat tam diu sanationem posse dissimulari) post tantum, inquam, tempus sponte aperitur ibidem loci tibia, & sese egerit ossea quædam lamella à focili majore decisa; nec in seliciores hîc domi incidit Chirurgos, quam militiæ inciderat; iterum cicatrice obducunt persanatum, ut arbitrantur, vulnus:sed quis fallat omnisciam, ut sic loquar, naturam, illa non colludit nostris erroribus, & quod ignorantia celaverat, suo detegit tempore: post medium annum rurfum illa occultum molitur fub carne iter, & alterum officulum protrudit craffius multo, multoque majus. Jam amoverat im-

pedimenta omnia synceræ sanationis, optima, imò sola morborum medicatrix natura, & jam seriò in cam incumbens callum cœperat generare, uteo, quod deperditum eratex offibus, refarciret; sed, ô miserum hominem! jam pene sateri pudet artis communis causa; pejus etiam tertius erravit adhibitus vulneri Chirurgus, hic enim fungum arbitratus, quod callus erat, quia putabat ad perniciem succrescere, quod benigna mater ad fanitatis integritatem, jam dum tempus erat, suggerebat, oleo vitrioli callum aggreditur, dumque videt, quod uno die per imprudentiam exstirpaverat, altero prodigâ ad benefaciendum benignitate iterum restaurari, ita pertinaciter cum omnium parente decertat, ut dum ossium sieca substantia imbibit quotidie aliquid de vitriolato oleo, totum focile majus in talem abierit substantiam, qualis cespitum bituminosorum apud Hollandosest, quæ in nigra frusta paulatim solvebatur & excidebat. Dum ita per sesquiannum pugnatur iniquissimo certamine, æger infinitis excruciatus tormentis tandem miseram elucatur animam. Non hic subjungam admonitionem ad Chirurgos, ut cautius utantur oleo isto vitrioli, maximè circa partes osseas, quæ facilè eo corrumpuntur, ne videar paucorum imprudentià omnes incufare; historia hæc satis admonet juvenes & imprudentes; veteranis & artis suæ probè gnaris nihil admonitione est opus, quapropter ea lubens supersedeo.

OB-

OBSERVATIO LIX.

Vermis renum simul occupans totum ureterem.

INtelligentià & ratione solà ceteris præstatanimal illud, quod pro nobilissimo suo subjecto affumpsit Medicina. Mentem curare est Philosophi, ideoque cum angelicis eam mentibus comparat, hominis perfectiones ad earum præstantiam exigit & emendat, imò divinæ mentis attributa considerat, ut ex infinitis istis & supereminentibus perfectionibus aliquam ideam effingat, secundum quam corrigat defectus humanæ intelligentiæ. Ignoscendum ergo est Medicis, quòd cum & minora & majora corpora in rerum natura reperiant, quam id, quod illi conantur perficere, aliquando ab hoc ad illa respiciant, & brutorum partes, visceraque scrutentur, ut inde ad hominem suum redeant, quem vivere volunt vitam quam paucissimis infirmitatibus fatigatam. Præfandum hocerat, ut te bonâ tuâ veniâ, Lector, ad corporis canini quasi saburram deducerem, inde aliquid relaturus, quod tibi in curandis hominibus aliquando possit venire usui.

Canem venaticum vidi, qui tortus gravissimis doloribus, noctes diesque & se & Herum, Herilemque familiam lassabat clamoribus. Moritur tandem ille, & mihi tot dolorum causam perscrutanti apparuit in renum altero, qui corruptus erat, vermis ingens, facile ulnam quartamque

2 ulnæ

ulnæ partem longitudine exæquans, qui ex rene proreptans totum ureterem occupaverat, sic ut magnå sui parte adhuc reni inhæreret: substiterat, ut videtur, ad insertionem ureterum obliquam, qua vesicam ingrediuntur, si illam perfringere potuisset in vesicam prolapsurus, & fortè animal morte instante, & tot liberaturus doloribus, siquidem per meatum urinarium invenisset exitum: sed hoc conjectura, illud certa scientia, renis corrupti vicem in hoc cane ita supplevisse alterum, qui sanus erat, ut magnitudine præter morem adauctus, ureterem etiam exhiberet canali longè vulgaribus patentiore. Adeo natura ipsa sibi opitulatur, donec vi victa mali tandem cogatur succumbere.

OBSERVATIO LX. Caput monstrosum fatus.

SI observationum medicarum ornamenta & quasi gemmæ sint monstra; quod hoc capite

describo, adamantis instar splendebit in isto opusculo. Puer est, vel potius sœtus quinque mensium, in quo potentia conformatrix humani corporis nusquam



nifi

nisi in capite aberraverat, tam enim erat omnibus membris perfectus, quam imperfectus & inconcinnus capite. Dum adhuc carne & cute tegebatur, maxillà carebat inferiore, pro illa carneam quandam substantiam, cum ea superioris maxillæ parte, cujus hîc ossa depicta sunt, in ro-.stri porcini speciem protendens: oculi ad latera recesserant. Jam verò reliquam deformitatem, quis facile ex inordinata ossis figura collegerit, in quo os jugale nullum reperiebatur, nec inter os temporum & alia ulla apparebat distinctio. Fontanella præter morem propemodum clausa: occipitis os exiguum admodum: non figuram, quam oportet, non usum, quem solet osseæ isti ollæ, quæ caput in humanam efformat concinnitatem adferre poterat. Delineatio apposita id melius, quam scriptura exprimet. Hanc intuere, sodes, neque monstro huic in meras nascituro miserias æternas obortas esse tenebras, antequam lucem nostram aspexit, miserabere.

malum integrateit, St quem

OBSERVATIO LXI.

Claudicationis per instrumenta ferrea sape irrita, per alias chirurgias sape palliata est sanatio.

Quantum inter mortales valeat præconcepta de aliquo bona malave opinio, vel eorum docet fortuna, qui se vel membra distorta & luxata restituere, vel male conformata ferramentis, aliisque organis in debitam formam reducere profitentur. Ad hos enim, quia subinde succedit, quod promittunt, non secus atque ad Deos quosdam tutelares undique accurritur, & ab eorum ore, tanquam ab oraculo, pendetur, & quia aliquid subinde efficiunt, quidlibet præstare posse creduntur. Quantumvis autem sæpe eos arrogantia sua, & alios nimia credulitas fallat, tamen perseverat rude vulgus in ea opinione, quâ ejusmodi homines supra omnes Medicos sapere existimant. Hisce quam utilis estet Anatomiæ cognitio, ut minus sæpe errarent, unica docebit historiola.

Neptis quædam mea sex præter propter annos nata, quod pes alter altero contractior esset, claudicabat: primum ad Operatorem quendam, ut hic vocant, deducta facili operatione manuum corrigebatur vitium, levi tantum tractione, quod brevius erat crus reddebatur alteri æquale; sed vix erat è manibus dimissa magistri, ecce tibi malum integrascit, & quam le-

viter

OBSERV. ANATOMICÆ. 125 viter correcta erat, tam subitò redibat claudicatio. Convertuntur ergo parentes ad hos, de quibus agebam, membrorum distortorum, aut Iuxatorum Restitutores: itum est ad varios, qui variè suam prodebant imperitiam. Alius os innominatum sus deque moveri dicebat: alius incurabilem esse morbum severe pronuntiabat, cur tamen ita esset, non addebat. Non nego me diu admirabundum hæsisse in inquirendo causam hujus incurabilitatis; donec oblata est puella mortua, quæ eodem morbi genere viva laboraverat: perscrutanti enim regiones illas, occurrit offis innominati acetabulum debito largius multò & profundius; caput autem, quod ei inserebatur, non tantum ei non proportionatum, sed etiam præter morem exiguum: laxatis igitur nonnihil ligamentis furfum ac deorsum ferebatur caput ossis femoris: adhibità autem manu extrahebatur ad acetabuli anteriorem partem unde apparebat qualis qualis spes perfectæ aliquando sanationis : sed quis attingat medicamentis hæc relaxata vincula? aut quid juvent hîc adhibita ferramenta? quibus nonnulli ita miserè eos, quos curandos suscipiunt, cruciant, ut ferè præstet in equuleo distendi, quam in manus eorum incidere.

Q 3

OBSERVATIO LXII.

Puer variolis repletis pulmonibus subitò præfocatus.

GRassantibus Amstelodami, ut per temporum intervalla propemodum ubique locorum sieriamat, variolis; tanta illis adjuncta erat mortalitas sub initium anni m. d.c. lxix, ut de centum circiter & triginta funeribus, quæ singulis esferebantur hebdomadibus, centena essent puerorum, hac plaga puerili extinctorum. Inter alios unus, cui posteaquam cum ardentissima sebre natura variolas foras protrusisset, eæ subitò repercusse intrò recessere, nec procedebant ad requisitam hoc in morbo, si sanandus sit, maturitatem: hinc puer omni expectatione citiùs sussociatus, subitò interiit.

Quantumlibet ingrata videretur ejusmodi corpusculi contrectatio, tanti mihi tamen videbatur scire tam subitæ suffocationis causam, & viscerum interiorum tali in morbo constitutionem, quam nisi cultro suo Anatome revelaret, perpetuis tenebris involveret sepultura. Inveni ergo pulmones ita undique variolis intus & soris plenos, ut nihil prorsus in iis sani conspiceretur, erant autem variolæ istæ in vigore suo maturæ, & pure turgentes, quæ etiam slavæ cujusdam aquæ tantillum in cavitatem pectoris essuderant: ut mirum non esset, tam miserè assistum viscus non sufficere potuisse respirationis officio. Ubi

descendo ad inferiora scrutando, ecce tibi lien non minus, quàm pulmo infectus, tumidus & durus. Intestina hine inde tantummodo apparebant variolarum quasi gemmis distincta; sed

hepar intactum & sanum perstiterat.

Hîc illa me subiit cogitatio. Quid si puero huic in ipso morbi principio exhibitum fuisset medicamentum catharticum, an non imminuta fuisset. peccantium humorum copia? an tanto impetu intrò reflexæ variolæ viscus nobilissimum tam subitò pessum dedissent? certè sperandum erat mitius sæviturum fuisse morbum hunc, si tali remedio fuisset præventus: & si fortè e à ratione medicanti non cessisset fatalis necessitas ob restantes nimia adhuc copiâ humorum reliquias, an ideo (quod multi tam temerè faciunt) hîc accusanda Medici temeritas? an ideo utilissimum vel omittendum, vel culpandum remedium, quia licet id effectum suum ad sanandum ægrum convenientissimum produxerit, aliæ tamen causæ, quæ ab hoc nec originem, nec incrementum sumpsêre, ægrum de medio tollunt?

Potius ego diris prosequendum judicaverim eum Medicum, qui creditum sibi ægrotum, non audet convenientibus opitulari medicamentis panico illo territus timore, ne si quid præter spem acciderit, eum vel imperiti, vel invidi culpent, & invidiosè traducant ea, quæ sanitati recuperandæ aptissimè erant adhibita: nihil egregii præstabit in arte sua, parumque acquiret vel samæ,

vel

vel gloriæ quisquis ita reputationis, ut vocant, suæ reputat habendam esse rationem.

OBSERVATIO LXIII.

Varius circa suturam frontalem naturæ lusus.

NEscio an tam utilis ad praxin, quàm ad speculationem sit curiosa, quàm nunc adsero, observatio. Adsero tamen, quia & theoriam amas Lector, & exhac sape cum minime speratur, ad illam existit plurimum adjumenti. In quibus sutura per os frontis ad nasum usque producta visitur, ii non habent cavernam illam, quæ supra nasum medio quodam pariete in bina quasi cubicula dissecatur, aut si habent, ita habent exiguam, ut memoratu vix digna videatur. Ecce autem cranium digito ostenderem, si in museo adesses meo, amice Lector, quod & suturam illam insignem, & cavernulas illas ita notabiles habet, ut vix in quoquam majores reperiantur.

E converso vidiego in Nosocomio Amstelodamensi, sed quia sepulturæ mandatum est, ostendere
non possum, caput, quod tam sutura ista frontali,
quam caverna, de qua sermo, carebat: si quibus
Anatomicorum hæc talia oblata suerint, non dubito quin hisce naturæ exorbitantibus varietatibus, quæ ludum suum ludere est pertinax, mecum
admirabundi oblectentur; qui non viderunt, hinc
discere possunt, quanta sit ubique lascivientis ma-

tris nostræ communis petulantia.

OBSERVATIO LXIV.

Imaginationis prodigium.

Vires imaginationis, cum ab aliis, tum à Doctissimo Thoma Fieno libello super ea re edito, satis decantatæ jam suerunt: ne tamen anicularum sabulæ esse videantur posteris, quæ à majoribus nostris tam admirabilia referuntur, identidem quædam narranda sunt, quæ per singulas ætates accidunt, ut sides habeatur iis, quæ

alias fidem superare videntur.

-a0

Filia præterpropter tres annos nata, cujus mater jam septem menses & dimidium gestabat uterum, imprudens per valvas superne prolabitur in caput: advocatur Chirurgus, qui post artis suæ tentamina, os occipitis confractum esse pronuntiat; hoc quasi sulmine icta mater, ita percellitur, ut post octo dies infantem edat in lucem, vitâ, & toto occipitis osse carentem: loco ossis visebantur quædam pelliculæ dilaceratæ & divulsæ ab invicem.

Dic, Oedipe, os illud quâ vi sublatum, quem in locum translatum suit? nulla imaginatio vim hanc suam imaginari, nullus intellectus intelligere potest. Nos quod factum est narramus, qui fiat juxta cum omnibus ignorare nos satemur.

R

Tabula xx. ad Observationem Lxiv. cranium, quod loco occipitis pelliculas quasdam habebat, ostendens.

A. Cranium fætus abortivi à posteriori parte visendum.


B. B. Osfa parietaria.

C.C.C. Pelliculæ quasi dilaceratæ undique dependentes loco ossis occipitis.

entablished as outlibuted the

D. Fissura in ossa parietario.

Tab. XX



enon namence was copiant fant cuttiplemen mone

in desire cordis yentriculo, corde alias fano de

OBSERVATIO LXV.

Varia in puero duorum annorum observanda.

Ordi suos esse morbos, eosque tam similares organicos, quam communes, uti confessione omnium constat, ita certum est tres illos, qui syncope, palpitatione cordis, & virium debilitate censentur penè solos medicantis consilium admittere, ceteri enim citius extinguunt hominem, qu'am possit aut de morbo queri, aut medicaminis usum adhibere: nihilominus tamen ego, qui per Anatomiam non tantum quomodo ægri curentur vitâ superstite, sed etiam quid in vita jam defunctis præter morem reperiatur, perscrutor, ut materia suppeditetur curiosis considerandi, an forte quid ex iis, quæ facta fuisse vident, in jam mortuis, elici possit, quod ad viventium faciat salutem, hic commemorabo, quid in puero duorum annorum mihi 11 Decembris anni M. DC. LXVIII. oblato invenerim.

Erat is macie ita confectus, ut vix hæreret ossibus, ad latus sinistrum in musculo mastoidæo exulceratio erat, quæ usque ad ipsam jugularem venam penetraverat, eamque corrodendo sic extenuaverat, ut puris subtilior materia percolasse per eam videretur: non exiguam namque ejus copiam sanguini permistam in dextro cordis ventriculo, corde alias sano & inte-

integro inveni, quam, ut dixi, transcolatione eò pervenisse suspicatus sum, sed unde puris ejusdem crassiusculi benè cocti copia, item magna è regione in dextro latere ad eundem musculum, intus & foris sanum penétraverit, ego divinando assequi non potui : proinde aliis hoc considerandum relinquens, dicam quæ in hoc subjecto curioso cultro nostro anatomico præterea occurrerint. Lien induratus erat & magnus; pendebat enim uncias septem & tres unciæ quartas: hepar contra consumpto ferè parenchymate non nisi quinque uncias & quadrantem ponderabat: biliosa id plenum erat materia, quæ propter obstructionem ductûs communis in illud redundaverat; bilis interim drachmas undecim (magnum pro ea ætate pondus) exæquabat. Pancreas magnum erat & scyrrosum, quod in chronicis morbis sæpe contingere observavi. Succus ejus tam acidus, ut in duodeno bili admistus, tamen adhuc infigniter eum saporem retineret; hac aciditate sua ita ventriculum & intestina perederat, ut dum inslare ea vellem ad minimam distentionem rumperentur, non immeritò igitur Vir Clarissimus Franciscus de le Boe Sylvius in praxi sua plurimorum morborum causas refert ad hanc succi illius acidita-

silni.

OBSERVATIO LXVI.

Pueri præ pinguedine nimia extincti Anatomia.

MAcie confectum vidimus & examinavimus puerum biennalem; examinemus nunc pinguiculum & crassiusculum medio anno seniorem, qui oblatus fuit xxv. Novembris ejusdem anni, & nescio an alio morbo, quam nimia pinguedinis abundantia obierat. Vidi candelam non rarò nimia sua pinguedine extingui, præsertim dum flamma ellychnii exigua debilior erat, quam ut affluentis sevi absumeret copiam : idem hîc factum; si affirmem; omnes corporis partes sanæ & integræ, sed pinguedine undique obrutæ, meæ suffragabuntur sententiæ; si enim pueri exteriùs pellem tangeres, indicem usque ad primi articuli finem imprimebas: interius autem exiles musculos pinguedo copiosa circumdabat & abscondebat. Aperto thorace, cor abesse sacerdotum veterum quispiam, qui eâ ratione populo imponebant, exclamasset: latebat enim ita pinguedine obvolutum, ut non appareret, hodieque à me servatum sub eadem pinguedine delitescit, uti & pericardium, cujus membrana vix conspiciebatur. Inferior venter viscera omnia sana, sed omnia vix semestris pueri magnitudinem exæquantia dabat, ita erant omnia una pinguedo; omentum & mesenterium adeps pura. Cum cerebro autem flaccido ventriculis inclusa erat aqua infi-

insipida; plexus choroides obsessus hydatidibus, quarum una ad nucis avellanæ excreverat magnitudinem. Ossium tota compages nec forma, nec magnitudine usquam desciscit à pueri persectissime sani minimeque monstrosi ossibus.

OBSERVATIO LXVII.

Multiformis calculorum varietas.

CAlculo aut lapide laborare plurimos morta-les, etsi inter ceteras naturæ nostræ deplorandum sit miserias; attamen inter observatu digna, aut sanandorum morborum prodigia recensendum non est: inter quæ merito reponetur, quod Joanna quædam Nicolai, femina ætate adhuc vegeta, post ingentes dolores, tandem cruciatibus penè intolerabilibus enixa est hunc, quem appinxi, lapideum fœtum, substantia durissimum, æquantem pondere uncias tres, & totidem unciæ partes: longitudine, digiti minoris extensionem; latitudine, digitos transversos fere tres; duos autem crassitie: occupaverat ille longitudine sua vesicæ latitudinem, quod indicant binæ utrimque foveæ, quas urina decurrendo excavaverat; dumque casu, nescio quo, tempore quodam verteretur, ut longitudo ejus deorsum vergeret; stimulata natura tum pondere jam orificium vesicæ premente, tum aliunde propter virium integritatem, & urinæ retentæ abundantiam auxiliantibus aliis copiis, tandem fine Chirurgiæ fubfidia

oib

dio exclusithunc, quem describo, lapidem, feminaque sana & integra sine ullo circa vesicam, aut meatum urinarium incommodo etiamnum vivit, aliquot jam annis post stupendam hanc à

lapide tanto liberationem.

Non æquè feliciter cessit alteri, cui post mortem exscidi lapillum hunc nigrum ex ureteribus, quibus impactus, propter inæqualitatem substantiæ elabi non poterat, atque ita hominem misere interemit; præter magnitudinem (pendebat scrupulum cum dimidio) ea in parte stupendam, color ejus nigerrimus, & substantia ad tophi similitudinem accedens, eum fecerant dignum, quem hîc repræsentandum curarem.

Uti & tertium eâdem tophum referente substantia, scrupuli pondere, quem vir post aliquot hebdomadum vel dictu, vel cogitatu horrendos dolores tandem in lucem edidit. Cui qui adjacet, eum puer quadriennis peperit, obstetri-cante cultro chirurgico, qui penem disfinden-do viam ei laxiorem reddidit.

Per transennam hîc annotabo sæpe in ureteribus inventos à me esse, credo etiam ab aliis, lapillos minusculos quosdam parietibus adhærentes, qui viam aliis transeuntibus occludunt, & vehementer, ab iis tacti, augent hominis eo morbi genere afflicti cruciatus.

random that arms retentational antiques queillan-

tibus altis copfis, random fine Chirargie fublish Tabula

Tabula xx1. ad Observationem LxvII. varios exhibet lapides. infanabilium

FIGURA I.

Delineat lapidem magnitudinis stupendæ sponte emissum.

A. Lapis pendens tres uncias, & totidem unciæpartes. B.B. Foveæ ab urina decurrente excavatæ.

THOSE IN FIGURA II I Med at many


Lapis est niger, pendens scrupulum cum dimidio tophi formâ, ex ureteribus exsectus.

-LG 2001 BER FIGURAD III. SETONOLO

· Lapis scrupuli magnitudine à viro ejectus.

FIGURA IV.

Lapillus, qui hærens in pueri pene, cultro inde exfectus est.



OBSERVATIO LXVIII.

Ductus salivalis aberrans sistularum insanabilium sæpe causa.

Ous ductus falivales curiosa Doctissimi D. Nicolai Stenonis seculo nostro manifestavit industria, mihi in vitulo dierum quatuordecim perscrutanti, quod in eo sese animali clarius, quam in homine ostendant, quiddam occurrit, quod observasse non pigebit Chirurgos, dum aliquando circa tumorum expugnandorum contu-

maciam nequicquam fuam ludunt operam.

Desfexeratenim ductus ille, (cujus radices parotis conglomerata, quique ostium suum in buccis reperiens, ibi sese exonerat) versus laryngem, ibique humoris sui, qui ore excipi solet, exitum non inveniens, tumorem ingentem excitaverat lentâ materiâ redundantem. An non hæc fistularum, ad stuporem mortalium perpetuos usque humores suppeditantium ut causa dici, ita ex eadem posset inveniri via easdem facilius persanandi? Quisquis non ad otiosam naturæ cognitionem, sed ad fructuosam hominum curationem, vel lectionum anatomicarum fubis fastidia, vel sectionum exhauris labores, age sis speculare, experire, suppeditabit aliquid hac brevis observatio, quod ab aliis derelica sanando, gloriæ tibi multum, utilitatis non parum adferet. CRESCROI INVIEWE

OBSERVATIO LXIX.

Cor triplici ventriculo præditum.

Non nisi tribus mensibus communem mortalibus hauserat lucem, ut tum præmaturæ in illo mortis causam, tum certas conservandæ in aliis vitæ rationes indagarem, cultro nostro anatomico subjectus suit. Ac dum in alia intentus temere venam cavam, vicinaque ei & vasa & ductus discidissem, ecce tibi cor triplici distinctum ventriculo occurrit: ego rem miram admiratus, curiosos intendo oculos, & in duobus, quos ideo dexteros appello, invenio singulas arterias pulmonarias, quæ post egressum ex istis ventriculis coalescentes, uno canali sanguinem in pulmones, deinde variis ductibus per eos dispergendum, essundebant.

An per duplicatam venam cavam, an quo alio modo sanguis ad hos ventriculos deductus suerit, me latet; quod, uti dixi, non exspectans tantam rei novitatem, ea vasa jam corrupta, ad speculationem accuratam revocare non poteram: potui tamen, quod & seci, cor ipsum ad perpetuam rei memoriam perpetuò visendum, incorruptione, qua cetera musei mei cimelia,

donare.

-8 O .

140 TH. KERCKRINGII

Tabula xx 11. ad Observationem Lx 1x. cor triplici ventriculo præditum ostendit.


A. Cor triplici præditum ventriculo.

B.B. Duo dextri cordis ventriculi.

C. Sinister ventriculus.

Labula

D. Arteria pulmonaria ex utroque dextro ventriculo prodiens.



uprione a qua cetera mulei mer cime

OB-

OBSERVATIO LXX.

Capitis vulnera incertæ judicationis.

Non aliâ re magis deludi tum Medicos, tum Chirurgos, quam capitis vulneribus ita notum, ut nullus ignoret, inde exortum proverbium; capitis vulnera lenia sæpe videri cum sint periculosissima, & quæ fatalia apparent, omni subinde carere periculo. Confirmavit hoc mihi miserabile pueri novennis fatum. Is præceps in caput ceciderat, inde domum delatus maximis cœpit urgeri capitis doloribus: facies & caput totum paulatim intumescere, ipse febre continuâ laborare, postea excæcari, ac tandem debilitatis paulatim nervis omnibus torpere membris, ac postremò apoplexia enecari. Chirurgis interim nullam in osse fissuram animadvertentibus, ubi defunctijam doloribus, & vitâ caput aperio: accuratius licuit contemplari, quid intus latuerit mali. Detracta itaque cute ex capite statim plurimum effluxit aquæ, circa temporales arterias hydatides repertæ quamplurimæ, quarum pars incrassatis humoribus atheromata, pars steatomata, & quædam etiam melicerides referebant, varie secundum varias circumstantias inspissatis humoribus; quod mihi circa venas in hepate, ceterasque corporis partes sæpius contigisse visum est, sed circa arterias, præterquam in hoc puero, hactenus nunquam: prosequens autem curiosiùs indagationem, in dextro osse temporum sissuram inveni exiguam. Dissesso autem cranio nulla in meningibus sese obtulit inslammatio, sed aquæ tantillum in cerebro substantia plane slaccido: nervi autem optici maxime labesastati debito crassiorem induerant spissitudinem, & ita erant fragiles, ut ad manuum contactum dissolverentur. Atque ista narrasse, ut reperi, hoc loco sussecrit, Anatomia enim oculis, quæ gesta sunt repræsentat, curiosis indagatoribus suppeditans contemplationis, & porro variarum sententiarum materiam, quarum ego liberum omnibus & apertum campum relinquo.

OBSERVATIO LXXI. Epilepsia periodica.

I Atigavit majores nostros, quotquot labores suos hominum sanitati procurandæ consecraverunt, omnes, & etiamnum satigat ille sebrium proprietas, quod ita certis intervallis redeant, tanquam si ad condictum citatæ tempus mulctandam suam, vel absentiam, vel tarditatem vererentur. Invenit non pauca, quæ hactenus latebant conspirans in Medicinæ studium temporum nostrorum industria, qua in parte mirum in modum excellit Anglorum illud præstantissimum collegium: hujusce tamen rei rationem nemo, quod sciam, hactenus eam reddidit, cui mens humana acquiesceret. Quid ego? nescio, an minuam,

nuam, an augebo difficultatem, dum statos illos recursus non tantum in febribus, in mania, &, mirum! in dentium doloribus, sed etiam in epilepsia observatos esse à peccante natura observo. In puella id factum annos nata decem & septem, hæc subsistente menstruorum sluxu sussociationibus uteri gravissimis laborare primum, deinde augescente quotidie malo, episepsia corripi cœpit vehementissima, quæ tertid singulis diebus eam assiliebat, horâ nimirum septimâ matutinâ, & decimâ, atque iterum sub noctem horâ octavâ, quæ tempora integro anni vertentis spatio, ita servavitaccurate, ut nullæad horam certam conductæ operæ temporis sui rationem habere possint magis exactam. Sentiebat autem morbum per dextrum crus, uti ajebat, sursum ascendere, quod mitigato deinde malo adhibitis ligaturis, primum aliquamdiu retardari poterat, deinde etiam, nead caput ascenderet, prorsus impediri: jamque sanitati suæ pristinæ restituta valet & vivit, nam sic, utantea valere, vivere non erat, sed perpetuò cum mortis satellitibus conflictari.

peque tenticulă fillă, noque pirchioles (peqienta-

configure crime filled & pinguis confidence

expellence out the state feetied has prefer

OBSERVATIO LXXII.

Pulmones costis adharentes sine dyspnaa, aut phthiseos symptomatibus.

R Iolanus * de pulmonis ad costas adhæsione di-sputans, bæc colligatio, inquit, si ampla & arcta fuerit, ita ut pulmo costis immediate adhareat, molestam dyspnæam etiam in sanis hominibus adfert. Huic ex adverso occurrit Nicolaus Massa, & affirmat, istam coberentiam pulmonum cum pleura cordi utilem esse, ne pulmonum mole prematur, nec ullam spirandi difficultatem adferre. Non intervenio huic liti, ut arbiter, aut conciliator, multo cam minus intendo facere meam: sed historiam narro, quæ an parti alterutri faveat, Le-

ctor tu ipse dispice, & audi.

Quatuor annorum puella febre continuâ extincta erat. Hæc curiositati nostræ anatomicæ post mortem immolata, pulmones exhibuit costis & sterno sirmissime adhærentes, multis locis duros, multis pure fluentes, & utraque parte, quod rarius occurrit, pure repletos. Pericardium panni lanei crassitie nigricantem cordiscircumdabat substantiam. Interim hæc neque dyspnæå, neque tussicula ulla, neque phthiseos specie laboraverat; reliquo enim corporis habitu benè constituta carne solidà & pingui erat. Quid vis Riolane, quid tu Massa? ecquid hæc puella po-

terit tantas inter vos cernere lites? Ego addo plurimos me in hacce nostra Hollandia secuisse, qui pulmones altera parte habebant exulceratos; raros, qui utraque; qui tusti, aut dyspnæa laborant, non adeò multos.

OBSERVATIO LXXIII.

Pseudopolypi. To zimesone men

IGnoscent mihi, spero, Tulpius, Bartholinus; consecrata jam propter medicam scientiam immortalitati nomina, quod eos non venerer ut numina, audeamque clarissima doctus experientia adversari.

Polypum cordis, aortæ, & quarum non partium illi nobis proferunt, & porrò vidisse asserunt: viderunt ii viri, quod vidisse se dicunt, nec in eos cadit vanitatis, vel mendacii ulla suspicio; sed polypum id cordis, aut aliarum partium esse, quo vivi asslicti fuerint, in eo quam erraverint, non tantum dicere possum, sed etiam ostendere. Servo enim ejusmodi, quos ipsi vocant, polypos, ex variis partibus collectos: nihil enim aliud funt, quam sanguis, qui postanimalium mortem refrigeratus & grumosus, durusque redditus, ex corde, hepate, & ceteris partibus extrahitur, in varios ramos divifus, prout ibi in cavitatibus variis hæsit, qui polypo narium ita similis est, ut prima fronte prorsus idem appareat : sed cum ego similem polypum in

146 TH. KERCKRINGII

in animalibus formare possim, quoties libuerit:
non ægrè ferent viri isti, quos'ante laudavi, me
hîc admonere ceteros, ne propter authoritatem
eorum labantur in errorem, putentque id morbi
genus adfuisse vivis, cujus in mortuis orta est
aliqua similitudo ex concreto in variis cavernulis sanguine: is autem concrescit per admixtionem peccantis cujusdam acidi humoris; quod
experientia tuis ipsa exhibebit oculis, si cani vivo venam secueris, eique spiritum vitrioli insuderis; coagulabitur enim continuò sanguis, &
qualem in putatitiis illis polypis animadvertimus, concipiet duritiem.

Tabula xx 1 1 1. ab Observationem Lxx 1 1 1. pseudopolypos varios exhibet, & quidem.


FIGURA I.
Pseudopolypum arteriæ venosæ.

FIGURA II.

Hepatis.

Dexteri ventriculi cordis.

ded cum readinglyem polygum



· 0 0

Tab sxin

OBSERVATIO LXXIV.


Mulier bronchocele præfocata.

Ellia quædam earum, quæ religioso proposito ita matrimonium abominantur, ut nunquam se viro copulandas voto astringant, & eâ, quam inde sibi pariunt molestia, Deo se obsequium præstare arbitrantur, bronchocele laboraverat, quæ in parte colli anteriore enata, trium circiter mensium spatio ita excreverat, ut longè ante mentum promineret, miseramque tam præcipiti augmento enecaverat. Nobis quomodo id factum esset post mortem inquirentibus, tumor hic, substantia glandulosus, visus est ita asperam arteriam colli vertebris appressisse, ut inde præfocata fuerit: quod quia non mihi tantum, sed aliis etiam præsentibus rarum videbatur, hîc annotandum putavi, ne lenti nimis in similibus tumoribus, subitò increscentibus, naturæ arbitrium otiosi exspectent Medici; præstiterat hîc humores imminuisse, reliquias eorum aliò divertisse, & localibus ægræ adfuisse remediis, quam permittere, ut monialis misera ita miserè strangularetur; sed hæc Epimethei sunt dictata post feralem rei eventum, quod si Promethei essemus omnes Medici, quis periret antequam Nestoreos attigisset annos?

OBSERVATIO LXXV.

Ductus pancreaticus fætus parenchymate denudatus.

Quid, inquis, iterum oculis nostris rari subjicis, quid adfers auribus? nihil quicquam, nisi quod vides, paresto m & exile. Quid ergo est? nihil est, nisi exutus omni parenchymate suo ductus pancreaticus set sus cujusdam, qui novem jam mensibus in utero communem mortalibus auram haurire, lucem videre speraverat. Frustra: non vidit, non hausit. Denatus enim, antequam natus, ac cadaverculum ad me delatum cum esfet; non tantum curiositati meæ in tantillo persecrutando corpusculo satisfecit, sed etiam cupidinem ingessit, frustra quæsitum ab aliis, quod ipsi fatentur, ductum pancreaticum in setu reperiendi; reperi, parenchymate suo exui, servavi, & tibi, aliisque, quos horum talium capit



curiositas, depinxi. Nisialiquid esset, eum ostendere posse, bis operam perdidissent, qui se frustra quæsivisse ipsi consitentur.

1 3

OBSERVATIO LXXVI.

Testiculi canis in unum coaliti.

Duo in cane, quem, quia ægrotabat, examinandum cultro anatomico subjeceram, notavi; vel quia extraordinaria erant, vel quod nihil repugnet, ea in hominibus posse occurrere. Ei scrotum erat quadruplo majus, quam paris magnitudinis canibus solet natura concedere; atque in eo testiculus unicus naturalem magnitudinem longissimè excedens; videbatur quidem duplex fuisse, quod gemini epididymi, & vasa deferentia item geminata testabantur, sed jam in unam concreverant. Altera admirationis meæ, & fortasse morbi causa, erat, mesenterium ita glandulis conglobatis refertum, ut non nisi unum corpus glandulosum videretur.

Hæc vidi, sed quia nec mutum animal de doloribus suis conqueri potuit, nec mihi contigit symptomata morbi ejus antea contemplari, nihil prudenter potui ulterius super hisratiocinari, quod usui esse possit ad homines sanandos, quem finem spectat omnis hæc nostra in aliis ani-

malibus dissecandis diligentia.

OBSERV. ANATOMICÆ. 151

OBSERVATIO LXXVII.


Hepatis subita colliquatio.

D'Um in corona Medicorum Amstelodami secaretur femina, quæ in nosocomio miserias suas una cum mortalitate deposuerat, vidimus omentum ita sursum ascendisse, ut hepatiac folliculo fellis firmissime adhæreret, & utrumque fic obtegeret, ut folliculus nullo modo, illud vix appareret. Erat præterea hepar durum & albicans, quod scissum sanguinem nullum, sed ingentem emittebat fætorem; tota enim substantia ejus erat corruptissima: de qua hepatis corruptione, ne fortè ea imponat Medicis existimantibus, dum eam in cadavere inveniunt, hominem istum diuturna illius tabe laboravisse; addo me tertiò in equis aliis atque aliis, qui concitato nimis cursu, ut sæpe contigit, extincti erant, eodem quo conciderant die, hepar vidisse ita fætidum, itaque putrefactum, ut nec parenchymatis partes cohærerent, & naribus eam afflarent mephitim, quæ vel constantissimum exanimaret: atqui fuerant equi isti valetudine integrâ, fortes, bene pasti, bonam præ se ferentes corporishabitudinem; unde colligere licet, viscus hoc ita subitæ obnoxium esse colliquationi, ut brevissimo temporis spatio crasim omnem fuam possit amittere.

OBSERVATIO LXXVIII.

Lapis in corde repertus.

Puella undecim annos nata vehementer de anxietate & angustia quadam circa regionem cordis querebatur: ubi mors eam doloribus liberaverat, curiosè in causam horum & mortis inquirens, reperi in corde lapillum ejus, quem in figura notavi formæ & magnitudinis, ponderis granorum x 1 v; colore autem & reliquo habitu referentem perfectissimè eum lapidem, quem inter medicamenta rariora ex India asportant, & Bezoardicum dicunt. Notet Lector cu-



riosus, contra ac sentiebat Galenus, jam indefessa Anatomicorum indagatione in corde non
unum reperiri tumoris genus; imò glandulas
carnem, ossa, pinguedinem, & interdum ulcera; ut observat Civitatis nostræ & Medicinælumen Nicolaus * Tulpius, quo testimonio jam locus hujus calculi est probatus. De formæautem
similitudine cum Bezoardico lapide idem accuratissimus Observator † dicit viginti novem cal-

OBSERV. ANATOMICA. 153

culos in una Senatoris Amstelodamensis vesica repertos forma, glabritie ac levitate ita prope accedentes ad lapidem Bezoardicum, quem sert India orientalis, ut facile, vel oculatissimo imposuissent aromatario. Interim notetur & hoc, in omnibus sere corporis partibus reperiri lapides, rarissimos tamen repertos esse, in corde qui repererint.

OBSERVATIO LXXIX.

Vermes varii. o od 191819 21

IN unam massam hîc congeram varias, quæ occurrerunt circa vermes notatu dignæ observationes: inter quas mirandum satis, quod inter quatuor primos, quos unquam fecui canes, tres occurrerint, qui renum alterum habebant corruptum majoremque solito, quem dum aperio, parenchyma nullum, sed vermes binos, majorem alterum rubrum colore, qui ulnam nostratem longitudine excedebat, crassitudine æquabat pennam anserinam; alterum minorem minusque crassum, nec colore tam saturato præditum; uterque autem à capite ad usque caudam albam substantiam instar intestini recto filo deductam habebat, quæ manum extrahentem facilè sequebatur. Hi vermes in se convolutitotam renis capacitatem impleverant, de quibus plura non dico, quòd eos plurimis non dubitem Anatomicis occurrisse, cum ter illos in quatuor, ut dixi, sub-

154 TH. KERCKRINGII

jectis viderim; postea tamen inter tot, quos secui canes nunquam amplius occurrerunt. Sed occurrit in altero videre intestina à duodeno usque ad rectum ita oppleta vermibus digiti auricularis longitudine, ut excrementis nullus esset relictus locus, nec quicquam inesset præter mucosam substantiam iis permistam animalculis. Imò sœtus cujusdam humani intestina semel inveni vermibus exiguis, qui vix acus aciem magnitudine excedebant, ita scatentia, ut nihil in illis præter hos conspiceretur; manifesta tamen dabant in tanta parvitate vitæ indicia, quales sæpè apparent in caseo, dum ille ex siccitate verminat.

Alterum etiam, quod mirabile visum est, occurrit in sœtu sex mensium & medii, qui ventriculum habebat triplo majorem, quam solent alii, qui tanto tempore lucem vitalem, in uteri materni vitali carcere exspectaverunt. In hocautem tanta ventriculi capacitate membrana, & in illa vermes erant, iis, quibus pueri sæpe laborant, similes. Quis autem non stupeat, eam tam informi animali esse industriam, ut sentiens se per ductus intestinorum facile ejiciendum, ad intestinum cœcum, tanquam ad asylum, resugiat, unde sæpe in hominibus unus aliquis vermis ibi latitans reperitur.

cos quod cos prurimis non dabitem Anatomicis

couring, com ter illorin quatuor; at dixi, ino-

OBSERVATIO LXXX.

Mors ab incauta, nimiaque ciborum abstinentia.

DRoborum & peritorum Medicorum confilia si dobservarent mortales diligentius, ego profeetò affirmare ausim fore interdum, ut mitius inter eos sæviret mortalitas. Verum quod in religione fieri amat, ut eorum, qui non recte sana confilia accipiunt, in superstitionem erumpat pietas; idem hîc evenire posse, & inde nimia scrupulositate perniciem peti, unde, si moderata adfuisset prudentia, certa erat speranda salus,

quam subjungo, docebit historia.

Juxta Alemariam degens mulier quædam nobilis, cujus tum libenter nomen proderem, si tam ad familiæ splendorem; quam ad Medicorum aliorumque instructionem faceret, quod in actionibus ejus observandum propono. Ægrotaverat illa & gravi, & diuturnâ invaletudine, unde cum laudabili Medicorum solertià respirasset, ac penitus convaluisset, hoc ab iis accepit consilii, ut parciùs uteretur alimentis, debiliorem enim longâ ægritudine factum ventriculum, quam ut posset cibos difficilioris concoctionis facile digerere. Avide illa quidem auribushausit, sed, quod eventus docuit, mente non satis bene concoxit assumptum consilium. Nihilenim nisi liquida sumebat, pane, carne, omnibusque solidis cibis abstinebat. Unde factum, ut cum postea his debilitatum conaretur solidis confirmare stomachum, ille iis dissuetus gravi afficeretur incommodo, ingestumque omne statim regereret: quo eventu ipsa confirmatam putans, ex Medicorum, ut ajebat, consilio, assumptam suam consuetudinem, pergit cibo abstinere, & sorbere quotidie liquida, quæ dum tandem debilior quotidie ventriculus etiam respueret, minuit etiam flaccidi hujus alimenti quantitatem, necenim multum ferebat debilis potentia; tandem dum ne jus quidem patienter ferret, carne masticanda & jure, quod inde exfugebat per anni totius spatium, sustentavit vitam, si languor ille, & illam paulatim, confumens macies, quâ tandem exstincta est, non potius mors diuturna, quam vita dicenda est. ou nomon totner

Non tamen, quod notandum, ullo laborabat morbo, quem aliquo notares nomine, sed languescebat, & consumpto radicali humore, à vitæ slamma extinguebatur. Sed quid causæ, cur stomachus solidum cibum, & postea etiam juscula ipsa respueret atque regeretet? Si quid hic Anatomia posset suggerere: dicerem pylorum, dum solidiorum ciborum transitu non aperiretur unquam, paulatim concidisse & concrevisse, ut nisi angustissimo soramine liquida ista transmitteret, ac tandem ne liquida quidem, unde & illa ipsa revomebat. Tu si melius quid habes adser, vel nostræ conjecturæ save.

OBSERVATIO LXXXI.

Massa informis per dolores instar parturientis à vidua castissima in lucem edita?

CIqua ventre non nihil intumescat virguncula, continuò in partem deteriorem cadit suspicio; siqua vidua tantillum distendatur, vix pudori suo potest consulere apud homines. Habeo tamen, quo hasce defendam, historiolam; illæsibi, quantum quidem hinc licet, capiant patrocinium. Vidua quædam nomen fuum & famam, honeste vivendi egregiè tuita hactenus, posthumum ediderat: post partum diu adversa valetudine usa, tandem visa tumidiore pondus aliquod circumferre ventre; hinc conversi in eam oculi, & auditæ voces: hem, hæc illa estægritudo, hic morbus viduæ: & verò tumor adeo increvit, ut etiam prudentibus & amicis ejus admirantibus, nescio quid vel pudoris incuteret, vel doloris adferret; quæ augebantur omnia, cum ingruentibus quasi parturientis doloribus obstetrix accersitur: illa sibi optimè conscia, puerum proditurum negat, esse tamen quod se non secus ac puer, qui in lucem moliretur iter (pepereratenim, ut dixi) premeret: tandem post varia uteri luctamina prodit massa quædam informis, sive illa fuerit reliquum ex secundinis quippiam, cui aliæ immunditiæ adhæserant, sive nova quædam in utero congregatio. Illa certè ejecto onere optime valuit, & quod

158 TH. KERCKRINGII

quod nihil sequeretur eorum, quæ partum, aut abortum solent comitari samam apud suos integram retinuit. Posset in moralibus sæpe, in Politicis aliquando usui venire hæc observatio, Medicis certè & obstetricibus non erit prorsus inutilis, ideo non putavi prætereundam.

OBSERVATIO LXXXII.

Impedita bilis à sanguine separatio multorum malorum origo.

Uriositati nostræ, & verò superstitum utili-Vtati sæpius obest nimia quorundam circa vita defunctos reverentia dicam, an superstitio? Id mihi non sine aliqua molestia contigit, in femina quadam, quæ per septem vel octo, ut memora--bat annos, vix unquam sine medicamento fæces deposuerat, vel si quando sponte suà post ingentes conatus deponeret, albida illa erant; quibus verò medicina tulerat auxilium iisdem & coloris sui tincturam, & suspicionem dabat, non satis bilem à sanguine separari : augebant hanc pustulæ rubræ per totum corpus, sed maximè circa regionem hepatis, cum insigni dolore disfusæ: durities etiam hepatis se extrinsecus tactui objiciebat; tandem tabes cum febre hectica miserrimum tot miseriarum finem attulit.

Avebam ego more meo, tot morborum caufam penitius inspicere & scrutari, numquid in hoc emarcido, & tot morbis enecto corpore inve-

niretur, quod adhuc cum mortalitate sua confligentibus possit esse subsidio: sed nihil impetrare potui, quam ut obiter hepar inspicerem, quod contenderem ibi latêre totius mali originem; & latebat. Nam ipfum erat durum, & folliculum fellis exhibebat in sese collapsum, & fere totum consumptum; haud dubie causam tam dissicilium initio secessium, postea ex permistione bilis cum sanguine dolorificarum pustularum originem. Quid ulterius perniciosus hic fons noxiorum rivulorum per viscera diffuderit, ut dixi, inquirere per nimiam cognatorum misericordiam sum prohibitus; ajebant satis illam exhausisse miseriarum, veriti credo, ne innocens anatomes gladiolus aliquid adhuc inferret doloris : interim concludendum nobis reliquit, quandoquidem permixtio humorum importuna, tantum corporibus creet incommodi, diligentem Medicis adhibendam curam, ut commoda semper siat separatio, maxime bilis, cui separandæ, præter folliculum fellis, tot fabricata est natura sagax alia instrumenta. Omorip ettenta shrangat analas multis modis corrupte, durine potuerit qua-

tuor menfium vitalitis, prater id tempus, quo

Eabula T

OBSERVATIO LXXXIII.

Cor non uno morbo laborans.


Tiam calculo cor laborare jam vidimus, quod & morbis afficiatur aliis, jam confirmemus. Testabitur id puellæ quadrimestris à me xv11. Martii anni M. D.C. LXVIII. exsectum corculum: quod totâ substantia sua inveni præter morem flaccidum, in mucrone gravatum excrescentia quadam, quæ colore variegato carcinomatis naturam induisse videbatur : præterea circa eam partem ubi arteria magna exoritur, vesicula propendebat, duplici tunicâ instar ipsius arteriæ prædita, in qua succus continebatur amaritudinem aliquam resipiens: hanc inflatam una cum ipso corde asservo. Figura autem tum cordis, tum vesiculæ appendentis, atque ipsius excrescentiæ hîc datur oculis conspicua, ut opus non sit eam verbis depingere: hoc potius rogare lubet, cum * Plinius dicat, ceteris corruptis, vitalitas in corde durat, quomodo in corde, tam multis modis corrupto, durare potuerit quatuor mensium vitalitas, præter id tempus, quo vixit in utero.

^{*} Lib. 11. cap. 37.

OBSERV. ANATOMICÆ. 161

Tabula xxv1. ad Observationem Lxxx111. cor puellæ quadrimestris præternaturale exhibet.

- A. Cor.
- B. Dextra auricula cordis.
- C. Vena pulmonaria.
- D. Vena cava ascendens.
- E. Excrescentia circa mucronem.
- F. Vesicula propendens circa arteriæ magnæ exortum.



OBSERVATIO LXXXIV.

Pili floccique devorati maxime incommodant ventriculo.

VIsæ fortassis sunt multis, non tamen sat notæ omnibus pilæ istæ pilosæ, quæ subinde reperiuntur in vaccarum ventriculis. De quibus, quòd nos cautelæ cujusdam admoneant, ad tuendam sanitatem apprime necessariæ, & præterea superstitione quadam anili liberare possint homines, non satis in rerum natura versatos, & omnia, quæ non intelligunt, ad genios sive bonos, sive malos referentes; hîc utile judicavi

breviter mentionem facere.

Ut avibus rostrum productius, ita quadrupedibus promuscide carentibus linguam longiorem datam esse pro manibus, qui diceret, oratione uteretur non abhorrente ab eorum consuetudine. Videmus enim ea circumferentia caput toto corpore, fi quid pruriat, lambere; fi quid fordidum sit, purgare lingua: quod cum boum generi maxime sit samiliare, idemque villis sit præditum fluxis & caducis, fit, ut vaccæ sæpius lambendo linguâ suâ asperiore corpus, attrahant, & in ventriculum demittant crinium suorum, vel potius villorum copiam; qui cum digestivæ concoctricique facultati nullatenus obediant, fit fæpe, ut ventriculi lateribus adhærescant, ibique natura quantum potest sese superfluis & concoctio-

coctionem impedientibus exonerante, magna congregetur paulatim copia, que in pile conformetur rotunditatem, & in talem duritiem, ut vix cuneis diffindas, & ubi diffideris, invenias pilos ita inter sese arctè compactos, ut vix credas naturæ non intelligentis opus; quod rustici post vaccarum suarum interitum invenientes, uti pronum in superstitionem est illud hominum genus; arte magica ibi congestum clamant, atque à malo genio vexatas fuille suas putant pecudes, ipsi pecudibus hac in parte haud multo intelligentiores; cum enim facile ratiocinando assequi possint emacerationis & ceterarum miseriarum, quas in bestiis suis deplorarunt, causas, easque in pilam hanc, pilæ autem generationem in lambendi, de qua egi, possint referre consuetudinem; malunt illi, ad occultas quasdam geniorum potentias recurrere, iisque superstitionem fuam pascere, & novis incantationibus, sive precibus fatis interdum pretiofis incantamenta ea conari solvere; quam Physicam, & veram morborum causam agnoscere. Moneantur potiùs per hanc bestiarum miseriam mortales, ut sibi caveant à crinibus, villis, plumis, similibusque deglutiendis, que concocrici facultati non obediunt; etenim & ipsis, præsertim pueris non rarò contingit, ut iis in ventriculum attractis diu crucientur, & marcore, seu marasmo quodam consumantur; quod etiam multis incantamenti dat suspicionem; præsertim si tum, -8

164 TH. KERCKRINGII

cum hac superstitione sunt tacti, in lectulo inveniantur pilæ quædam ex plumis, aliaque materia compactæ, quod illis videtur certissimum superstitionis suæ fovendæ argumentum: cum pilæ illæ, ægris corporibus diu, ac sæpe super culcitris veteribus & tritis plumis repletis versando, (nam in novis & bonis plumis nunquam reperiuntur) paulatim sibi ita mirabili modo adhærescant, & filamenta, ceteraque, que in culcitris inveniuntur, ita sibi constringant, ut miraculum iis videatur, qui nesciunt tot alia naturæ admiranda opera. Sed redeamus ad ventriculum. Ego certè in cane quodam inveni ventriculum non uno loco obsessum crinibus, qui variis in locis ita adhæserant parietibus, ut vix potuerint avelli, nisi ipsam læderes substantiam.

Vitetur ergo superstitio, & major adhibeatur cautela, præsertim in pueris, ne illis dentur crustula, aut alia saccharata comedenda, quæ in vestibus stragulis, aut panno laneo suerunt posita; adhærent enim villi isti saccharo, & cum eo pueri deglutiunt, quæ illis in ventriculo postea mi-

tibil carried and but and office and and firm

ras excitant tragædias.

OBSERVATIO LXXXV.

Menstrua per verticem effluentia.

Ou dequitur inter therapeuticas fortè poterat referri observationes: & referam, quando quibus remediis curaverim, animus erit dicere, nunc quia viam inquirere, quâ natura se tam mirabiliter supersuo sanguine exoneravit, Anatomiam quodammodo spectare videtur, inter ea reposui, quæ corporis considerationem maximè sibi vendicant.

Anno M. DC. LXVI. mense Majo adduxit ad me filiam fuam quædam mater agentem ætatis annum decimum quintum. Ea nondum viâ ordinaria menstruis exonerata fuerat, sed statis temporibus, quæ singulis mensibus recurrebant, per capitis verticem, tam copiosum emittebat sanguinem, ut quater & sæpius innovata lintea eo madefierent. Ego præmissis generalibus, specisicis quibusdam ita feliciter usus sum remediis, ut trium mensium spatio ægra à morbo hoc mirabili, & tot eum comitantibus aliis molestis nausearum, contractionum, deliquiorumque symptomatibus liberata fuerit. Quanto mœrore eam mater ad me ægram adduxerat, tanto gaudio sanatam deduxit domum, nihil postea ab eo morbo sentientem incommodi.

OBSERVATIO LXXXVI.

Menstrua per manum dextram fluentia.

Rebus, quæ vulgi opinionem superare videntur, sæpe per ea conciliatur sides, quæ vel parem vel majorem concitant admirationem; nescio, an non hac ratione ejus, quod dixi, per hoc, quod dicam, an contra hujus, per id, quod præcessit impetrandus sit lectorum assensus.

Audistis menstrua puellæ per caput essluxisse, ecce alteram, quæ per manus purgata est. Ea mihi oblata estanno м. DC. LX IV. in pago juxta Harlemum, qui Blommendael dicitur, & linteorum ad solem dealbandorum laude per Belgium est celebris: hîc inter eas puellas, quæ lavandis, & Soli exponendis linteis dant operam, quædam, nescio quo infortunio, dexteram læserat in musculo pollicis: primum, ut inter mediocris fortunæ homines sieri amat, neglectis, deinde suggestis à vetulis remediis vulnus non curatur, sed quotidie abit in pejus: advocati deinde Chirurgi adhibent artis suæ tentamina, sed irrito conatu: dum inter remedia ingravescit malum, maturescit virgo, & fœcunditatis florem efferre molitur natura, & extulit, sed viâ non sua: nam cum subitò ex manus vulnere copiosus fluere inciperet sanguis, is in stuporem dedit Chirurgum vulneri medicando adhibitum, qui stupor auctus est, & sese dispersit in plures; quando alterum post

OBSERV. ANATOMICÆ. 167

post mensem idem rediit paroxysmus, & porro singulis mensibus stato menstruorum tempore sanguis è dextra fluere perseveravit, vulnere interim ad omnia remedia pervicace: cum illud grave videretur incommodum puellæ linteis mundandis victum quæritati: herus me alia de causa pagum istum adeuntem in consilium adhibet: rei novitas me facile permovit, ut miseræ adferre conarer auxilium. Igitur cum intrinsecis, tum extrinsecis remediis eò rem perduco, ut sanato propemodum vulnere, jam non pateret sanguini ea via tam facilis effluxus: cum illa in febrem gravissimam incidit, quæ cum nullis remediis cederet, & vitæ minaretur periculum, ego aliò vertens confilium, venam brachii pertundi justi, apertoque rursus majore hiatu vulnere, sanguis iterum per illud sluere incepit, & author fui puellæ ut, si vita ei esset dulcis, potiùs cum isto incommodo viveret, quam per periculofas fanationes extingueretur, remque naturæ commendaret, quæ, si honesto adjuvaretur matrimonio, forte aliò cursum slecteret.

wide elects addition are a percept community and

eravidacionis illoxus hic-arindecim concinuis

diebusideinde suppressi redierung post montens

OBSERVATIO LXXXVII.

Menstrua ab ipso nativitatis die fluentia.

OBservationes de menstruis ante statum natural ora ordinem fluentibus, alii alias adserunt, mirandas quidem omnes, sed illa, qua mox subjungetur, inter rarissimas reponenda est * Joannes Fernelius octavo vel nono anno. Joannes Schenckius & † Hercules à Saxonia quinto. ** Tulpius, quod ipsimet ferè superare sidem videtur, à quarto ad octavum atatis annum fluxisse menstrua observat. Ego autem à primo nativitatis die ea sluxisse non oculatus quidem, sed ex side dignissima narratione auritus testis affir-

mo, quod, ut contigerit, audi.

Anno M. D.C. LXVIII. XIV. die Octobris elata est Amstelodami puella, quindecim dies & tres omnino mensesnata. Mater (cujus simul & patris nomen, quia id prodi noluerunt, reticeo) gravidationis tempore irâ percita, ita commovebatur, ut menstrua ei fluere inciperent, & deinde mensibus singulis redirent, ita ut illa, num verè gravida esset, addubitaret: præcipuè cum sub sinem gravidationis fluxus hic quindecim continuis diebus perseveraret: eo nondum cessante, parit puellam; cui menses fluere incipiebant ipso nativitatis die, itaque sluxerunt quindecim omnino diebus: deinde suppressi, redierunt post mensem

^{*} Pathol. lib. 6. cap. 16. + Prad. lib. 6. cap. 23. ** Observ. lib. 3. cap. 36.

OBSERV. ANATOMICA. 169

exactum denuo: & post alterum iterum: post tertium autem, puella epilepsia correpta, interiit.

Hæc fidem meam superarent, nisi ab oculatis testibus, quæ hanc nutriverunt puellam, accepissem: parentes enim rem, quà poterant, celatam esse cupiebant. Tibi, Lector, cùm rerum talium vix aliter, quàm relatione aliorum scientia haberi possit, hîc non aliud possum, quàm mihi relatum esse referre: ipse autem novi puellam nobilem, cui ab anno ætatis nono sluxerunt, & stata etiamnum servant tempora, sed ipsa epilepsiæ vivit obnoxia.

OBSERVATIO LXXXVIII. Menstrua serotina.

A Ntequam abeamus ab hac muliebrium morborum officina, ubi tot cuduntur sexus debilioris miseriæ; ut narrem oportet aliam sluxus menstrui exorbitantiam. Vidimus jam è capite, è manibus sluxisse menstrua: in juventute ipsa ante tempus, & ab ipsa nativitate manasse ex sidissimo auditu retulimus: quid de senectute dicam? & hîc etiam variat, quæ omnia pro jure suo audet, natura. Novi feminam quandam, dum inter mortales versabatur, jam abiit ad plures, & ideo nomen prodo; Elsia Nicolai erat nomine, Germana natione, huic menstrua substiterant anno ætatis suæ quadragesimo tertio: nullo tamen inde vexata incommodo, sana vixit annum usque octogesimum: quo sebre tertiana, non gravi tamen,

men, cœpit laborare, & anno sequenti, id est octogesimo primo ætatis redière menstrua, eaque statis suis temporibus fluxerunt, sine ulla sanitatis læsione (nisi quòd antequam singulis mensibus redirent aliquo susfocationum uterinarum laboraret incommodo) usque ad annum octogesimum quintum, quando vivere desiit. Possem subjungere de altera, quæ septuagenaria major, quot mensibus vernat hisce juventutis sloribus, nisi, quia etiamnum vivit, & nostris utitur ad sanitatem tuendam consissis, judicarem & illam malle suo parci hac in parte nomini, & Medico putarem commendatissimum debere esse silentium; ne, qua erga ipsum ægroti utuntur considentia, illis possit unquam vel minimæ cedere infamiæ.

OBSERVATIO LXXXIX.

Respirandi dissicultas ex corpore sub diaphragmate succrescente.

NE semper eclegmatis, bechicis, aliisque ad asthma & pectoris morbos conducentibus remediis operam suam ludant juniores Medici, dum iis æger abutitur respirationis dissicultate, pectorisque angustiis laborans, narrandum videtur quod anno M. DC. LXIX. mense Junio mihi oblatum estrarius circa id morbi genus phænomenon. Obierat mortem post longas paulatimque auctas pectoris angustias respirandique molestias vir quidam annos quinque natus plusquam quadraginta. Tussis nulla, nullæ inslammationes adfue-

fuerant, omnis denique symptomatum caterva, quæ stipare solet pectorales illas ægritudines abfuerat, & tamen respirandi difficultas de medio fustulerat ægrum. Quis non stimularetur cupidine fati hujus causam investigandi artis suæ vel tantillum amans Medicus? Ecce autem eam tibi, Lector curiose, cultro detectam anatomico, cui fimul atque ventrem inferiorem dissecuisset, objecit se corpus quoddam ea constans tunicæ spissitudine, quæ solet esse eorum petasorum, quibus nostrates à capite arcent cæli injurias. Continebat autem aquæ insipidæ, nisi quatenus eam fætor corruperat, uncias circiter quadraginta: innatabant aquæ filamenta quædam oblonga, quæ digitis contrectata etiam in latitudinem quandam diduci poterant. Locus, unde corpus istud enascebatur erant eæ lumborum vertebræ, quibus bini diaphragmatis processus inplantantur; quod diaphragma tantò versus pulmones compellebatur vehementiùs, quantò indies capiebat incrementa majora corpus hoc tam importuno loco fuccrescens: unde respiratio reddebatur primò difficilis; deinde coarctatis nimium pulmonibus etiam impossibilis, ita ut mirum non sit hominem non alia vexatum ægritudine, præclusa respirandi facultate, reddidisse animam.

O si liceat sæpius! lubeatque multis examinare post mortem mortis insolitæ aut inopinatæ causas, reperirentur multa, quæ nunc terra per-

petuis sepelit tenebris.

OBSERVATIO XC.

Nimius Tabaci usus noxius.

INvaluit, heu! nimium illud in Europa Cacoëthes, fugendi fumum herbæ Tabaci, ut vocant, per tubos ad id folummodo confectos. Quanta inde morum perversitas, ii viderint, quibus il-Iud datum est negotii, vel Politici, vel Theologi. Quantum fanitati suæ noceant, quibus hic mos est, ut toties Vulcano, vel Charonti potius sacrificent, etiam non explicabo: fuffecerit oculis fubjicere hominem, quem in Medicorum corona secui: is supra modum hisce sumosis deliciis addictus, vix ullum obibat negotium, quin sibi, ut patuit, fatalem succum hauriret. Ubi enim crebris quasi pulsata ictibus, natura fatiscere, atque in morbum collabi cæpit; ille nigricantem materiam per anticum, per posticum, per utrumque gutturem tamdiu ejicere, donec suscam simul evomeret animam, quam Plutonia visentem regna comitari non lubet: suspicor enim nigros illos & vaporum Stygiorum globis fumigantes lacus potius ex consuetudine, quam lucida cælorum fydera adamasse, utpote fumis semper pastam & innutritam; hospitium certè, quod illa reliquerat, visitavi & peragravi, fultus cultro anatomico. Quid viderim, quæris? domum mihi intrare visus sum verè Plutoniam: ecce tibi in foribus atrato colore tincta, & quasi venenato succo imbuta

buta intumuerat lingua. Quid trachea? camino fimilis, nigra fuligine undique obducta. Pulmones aridi, exfucci, & penè friabiles: hepar, tanquam fi præ ceteris traxisset incendium, totum erat inslammatum; à cujus slammis ne bilis quidem in cystide sua immunis erat: colorem enim contraxerat ex purpureo virescentem. Ad intestina verò, ut sunt corporis saburra, confluxerant totius adustionis carbones; plena etenim erant nigricante materia, quæ non mitiorem ipso Averno spirabat odorem. Ecce frequentis hujus suctionis medicos fructus.

OBSERVATIO XCI.

Vasa lymphatica aquosorum tam interiorum, quam exteriorum morborum origines.

OBservaverint, credo, mecum plurimi, qui manum curandis vulneribus solent adhibere artifices; si quando sistula, aut sistulosum vulnus crus occupaverit, & vinculo quopiam infra vulnus caro astringatur, cessare quidem sluxum illum humoris per vulnus perpetuò stillantis; sed quicquid infra ligaturam est, continuò intumescere: at contra, si plaga vinculo sit inferior, perseverare humorum assurum, & medicamentorum vim assiduà istà emanatione eludi. Quà solà experientià jam satis constat, humorum per vasa lymphatica eandem esse, quæ sanguinis per venas est, à circumserentia ad centrum circumsyrationem.

Y 3

Quod

Quod satis deberet esse ad indicendum silentium authori cuidam, qui cum Romano nesciat, tantò magis patulo ore jactat, occultam quandam viam fibi foli notam inveniri, quâlympha à centro ad partes extimas deferatur, & cum jam per anatomicam aim flar convictusest, vasis lymphaticis inesse valvulas recursum à centro ad extrema impedientes, recurrit ad occulta illa, nescio, quæ vasa, quæ ipse, qui ea solus nevit, valvulis carere affirmat, cui nos tum fidem adhibebimus, cum ea nobis fine valvulis oftenderit; prout illi vafa lymphatica cum valvulis oftensa sunt. Sed mittamus hæc; hoc potiùs ex observatione hac animadvertamus, fistulositatem istam vulnerum externorum, & œdematosas hydropicasque plurimas internas constitutiones à vitio quodam lymphæ, lymphaticorumve vasorum capere originem.

OBSERVATIO XCII.

Mutationes in hominibus ab influentiis externis admirabiles.

DEriodicus ille febrium suo tempore recursus, nulli non estadmirationi, quia causa ejus omnes latet; sed non latet, eum principium sumere ab intrinseco, & certis humorum peccantium proprietatibus; an autem non admirabiliores ex periodi, qux ex altioribus causis dependent, & ab extrinseco ortx, etiam stata servant tempora. Narrabo quxdam, quorum ad me pervenit notitia, qux

tanquam episodia quædam interponam tædiosæ

huic mortuorum diffecandorum tragædiæ.

Novi puerum, qui jam inde à nativitate sua ita constitutus est, ut, incrementa sua sumente lunari sydere, brachium ejus dextrum de crassitie sua plurimum, de viribus verò tantum deperdat, ut jam annorum quatuordecim pondera ea nullatenus movere possit, quibus Luna decrescente, ut pilà ludit; non enim aliis sua atatis adolescentibus cedit viribus, nec quicquam patitur in brachio dextro incommodi, nisi quando Luna crescens, viribus ejus detrahere videtur, quod sibi assumit incrementi. Addam aliud non minus admirandum.

Non tantum nota, sed etiam cognata mihi est puella nobilis, qua alternis mensibus sapit, quantum aliæ sexus & ætatis suæ solent; alternis verò ita desipit, ut nulli rei sit utilis. In quo mundi angulo, aut Lunæ concavo latent istæ toto mense influentiæ? Sed non menstrua solum hæc est morborum periodus, semestrem tibi aliam, nisi jam harum pigeat, narrabo, de mentis sanitate transitionem ad insaniam.

Et mihi & plurimis hîc Amstelodami cognita fuit uxor prior Joachimi Bonzii; nam vidua ejus ex secundis nuptiis cordatissima semina adhuc superstesest; prior, inquam, mirabile sui præbebat spectaculum: sex enimanni circiter mensibus erat omnino prodiga in sumptibus faciendis, invitandisque amicis; etiam ipsa largiter potui indul-

dulgebat, nullam ferè rerum domesticarum gerebat curam, nihil nisi de amicis invisendis, ambulationibus, ac similibus rebus cogitabat: quidquid offerebatur empturiebat, ita ut vir, qui honori familiæ suæ cupiebat prospectum, rerum omnium, & maxime uxoris suæ curam gerere cogeretur: post illa, tempore aliquo, subitò ita mutabatur, ut nihil referret sui : primò quasi melancholià correpta desidebat domi, vasa domestica, vestes lineas & omnem suppellectilem excutiebat; si nummus in necessaria erat expendendus, non nisi cum gemitu, aut litigio eum porrigebat: nusquam domo egredi, vix quicquam bibere, nedum potui indulgere: modesta, ferè nullius sermonis, cum alias esset vehementer garrula, ita ut maritus apud familiares dicere soleret, se geminas in una habere uxores; & magis sibi intimos minus ea in parte credulos, aliquando invitaret, dum hæc accidebat mutatio.

De viro principe quodam solet mihi narrare unus ex meis intimis, cui eædem hæ passiones accidebant alternis diebus; sed præstat hujus

parcere nomini.

Et mirari alteram Lunæ influentiam in matronam quandam Gallam, quæ tempore plenilunii facie est prædita rotundâ, & sanè quam formosâ, sed eâ decrescente oculi, nasus, os & tota facies in unam partem vertitur; ita ut silente Lunâ sit desormis admodum, totaque facies in unam conversa partem cam sic desiguret, ut in publicum

OBSERV. ANATOMICÆ.

cam prodire non sustineat; donec crescente iterum Luna paulatim & ipsa redeat ad suum plenilunium, & formæ suæ venustatem.

OBSERVATIO XCIII.

Per Microscopia incertum in Anatomia judicium.

I Mdique auxilia vel arti illustrandæ, vel ægris adjuvandis idonea prudentes conquirunt Medici: hoc præcipuè seculum, quod an cælesti aliquâ influentiâ motum, an mutuo exemplo incitatum, an fato aliquo, cui nos divinam surrogamus providentiam, directum, jam solito magis Anatomiæ perficiendæ incumbit, non negligit microscopiorum auxilium, quorum etiam perfe-Etione nostra gaudent præ omni antiquitate tempora. Horum enim ope se quidam tam lynceos factos putant, utaffirmare audeant, totum hepar corpus esse glandulosum. Sed ne quid nimis, aut saltem ne præcipitanter nimis, quæso tantisper resiste. Scisne centrum istius visionis esse minutissimum? scis colores ita variare, ita rebus hac videndi ratione affundi, ut quis earum nativus & verus sit, dijudicari nequeat? scis denique ea, quæ sic interpolatis visionibus percipiuntur, sieri posse, ut discreta appareant, verè unita & continua quæ funt? non ut reprehendam, aut contrariam astruam sententiam te revoco; sed me hoc vel rogare, vel admonere puta: vereor enim, ne, quod glandularum ope jam multa explicentur, que antea sua obscuritate involuta latebant, nimis mis proni fiamus, ut omnia revocemus ad glandulas; Est & mihi microscopium præstantissimum à Benedicto illo Spinosa Mathematico & Philosopho nobili elaboratum, quo vasa lymphatica, dum glandulas suas intrant conglobatas, videntur in varia filamenta dispergi, & continuata dum egrediuntur rurfus in unum coalescere: non secus ac nervi circa lumbos præcipuè nodos quosdam ingrediuntur, in iisque se in varia filamenta dispertiuntur, ex quibus deinde continuata sua substantia, atque in unum coalescentia egrediuntur; sed de nervis, quia oculis percipitur, indubitantius affirmare ausim: de vasis lymphaticis, quia adhuc folà nititur microscopii authoritate sufpendere malo sententiam, quam quicquam temere, quia tantum videri visum est, statuere.

Hoc quod instrumenti mei admirabilis ope clare detexi, visum est admirabiliùs: intestina scilicet, hepar, ceteraque viscerum parenchymata infinitis scatere minutissimis animalculis, quæ an perpetuo suo motu ea corrumpant, an conservent, dubium esse posset ei, qui considerat domum dum incolitur, nitere & splendescere, eandem tamen atteri continuà inhabitantium culturà. Mirabilis in operibus suis natura, admirabiliorque naturæ Dominus, qui ut corpora produxit, ita in infinitum se invicem magnitudine excedentia, ut intellectus nullus assequi queat, an sit, qui ssit, vel ubi sit corum sinis magnitudinis; ita si minuendo descendas, nunquam invenies ubi sistere possis;

ut enim hîc animalia invenimus, quæ omnem effugiunt, non tantum oculorum aciem, sed etiam imaginationis potentiam, quis scit, an quemadmodum in animalculis istis concipere oportet partes, oculos verbi gratia, hepar, & ceteras, atque in iis suas venas, arterias, nervos; quis, inquam, scit, an iis non sint iterum sui vermes, in quibus rursus eadem oporteat intelligere. Admirabilis naturæ natura! sed hanc mittamus Philosophiæ palæstram: ascendant illi à minutissimis hisce per infinitos gradus ad Creatoris sui & omnium rerum magnitudinem, ut veri fiant Theologi. Medicus, credo, nunquam ad sananda hæc minutissima, nec ad ingentia alia, quæ forte in Luna, ceterisque astrorum immensis corporibus oberrant, animalium corpora advocabitur: ad eum tamen spectat, quia hominum sanitati præsectus est, nihil non considerare, unde morbus aliquis, aut causa morbi possit innotescere.

OBSERVATIO XCIV.

Foramen Ovale cordis clauditur valvula semper pellucente.

DE mirabili anastomosi vasorum in corde, que foramen ovale dicitur, & admirabiliore, ut * Jul. Cæsar Arantius ait, ejusdem paucos post dies ab ortu unione & coalitu, priùs aliorum adferam sententias, quam proferam, quid ipse de eo sentiam: † Spigelius causam alteram reddens, cur

* In trastatu de bumano fætu cap. 14. + In trastatu de fætu cap. 2.

foramen ovale valvula claudatur, deinde, inquit, ut edito jam in lucem fætu boc for amen facilius obturaretur; membrana tenui paulatim crassiore facta, & acquirente corpus arteriæ venalis. *Bartholinus, post partum, inquit, aliquantulo tempore coalescit boc foramen & exsiccatur, ut locus bic nunquam pertusus fuisse putetur. Idque à copia sanguinis in adultiore ex pulmonibus jam patulis & dilatatis continuò ad auriculam finistram propulsi, que parvam sanguinis quantitatem ex anastomosi effluere non finit, unde clausa concrescit. + Jul. Cæsar Arantius postquam admiratus est hanc vasorum anastomosin. Admirabilior tamen est, inquit, ejusdem anastomosis paucos post dies ab ortu unio & coalitus, quamvis interim in natu etiam grandioribus agglutinationis ejus vestigium aliquod semper relinguatur. Spigelio, membranam tenuem paulatim crassiorem fieri, & acquirere corpus arteriæ venalis, non affentior. Bartholinus quid per foraminis exficcationem intelligat, non intelligo, nisi hoc ex ** Riolano malè intellecto desumpserit. Ille enim de vasis duobus loquens, dicit hoc (scilicet ductum ex arteria pulmonaria in arteriam magnam) exficcari; illud (scilicet foramen) claudi. Deinde quod Bartholinus dicit, ita foramen hoc obturari, seu ut ipse loquitur coalescere, ut locus nunquam pertusus fuisse putetur, longe abit abeo, quod nos affirmamus, quia vidimus. Dico

^{*} In Anatom. Reform. lib. 2. cap. 8. † In tract. de humano fætu cap. 14.

enim foramen illud occludi non alia materia, quam suâ ipsius valvulâ, eamque homine jam nato & respirante, partim suctu sanguinis per arteriam pulmonariam majore impetu ascendentis, partim sanguine ad finistrum ventriculum ex vena pulmonaria magnâ copiâ descendente, statim ita trahi ac premi, ut aperiri amplius non possit, atque ita primum claudi, clausamque, ut bene inquit Spigelius, obturari, non tamen induere corpus arteriæ venalis: non ita ut locus nunquam pertusus fuisse putetur: non ut agglutinationis in natu grandioribus aliquod saltem vestigium relinquatur; sed ita, ut valvula semper maneat valvulæ corpore, valvulæ tenuitate, & valvulæ perspicuitate. Pro qua stabilienda sententia, non aliud, quàm ad ipsius auto Has infallibile provoco tribunal. Dices, an ergo tot præstantissimi Anatomici, quos tu & omnes tecum merito suo laudant, cacutierunt: nec in medialuce viderunt, quod tute vidisse affirmas? respondeo, & me, quod ipsi viderunt, vidisse, & quamdiu aliud non videram, in eodem cum illis errore fuisse: jam verò, non tantum me vidisse dico, at cuilibet ostendere posse, ut videathanc tralucentem valvulam, ita clarè à reliqua septi substantia distinctam, ut, opinione in contrariam conversa scientiam, non relinquatur ullus dubitandi locus.

Tabula xxv 1 1. ad Observationem xc 1v. valvulam foraminis ovalis semper pellucentem clarè in corde stupendæ magnitudinis conspicuam præcipuè ostendit.

A. Cor.

B. Arteria pulmonaria, cujus os patens medio Imperiali non poterat claudi.

C. C. C. Ora venæ cavæ, Imperiali argenteo non

occludenda.

D. Auricula dextra magnitudine sua cor hominis ordinarium adæquans, hic aperta, ut chordæ, seu funes clarius appareant.

E. E. E. Musculi exiles, quos funes seu chordas ap-

pellamus.

F. Membrana foraminis ovalis semper pellucens.

G. Cavitas ventriculi dextri.

H. Auricula sinistra in situ suo.

I.I. Bini ingressus venæ pulmonariæ in cordis sini-

stram auriculam.

K. Tertii ingressus venæ pulmonariæ convexitas: apertura ejus bîc simul cum aliis exprimi non poterat.

L. Locus apertura tertii ingressus, qui depingi


non potest.

M. Vena cava ascendens.

N. Arteria magna.

a. a. a. Funes seu chordæ auriculæ sinistræ.

OBSERV. ANATOMICÆ. 183



Teb XXVII

OBSERVATIO XCV.

Infans Molæ inclusus.

Uod superius scripsi, Observatione xxxv 1 11. jam scriptum & sculptum erat de monstris illis, quas sanguisugas aliqui Romano, nos nostro fermone Suygers vocamus: cum anno M. DC. LX IX. die 1x. Februarii obstetrix quædam mihi attulit, quam hic depinxi molam, seu placentam: & ec-ce, inquit, mi Domine; inspice, quod tibi adfero, & nega dari animalia, quæ Suygers vocamus: ego avidè accepi, curiosè aspexi, ut illa dicebat, animal, utego existimabam, informem placentam. Habebat tamen quo, quam prompte mihi nummos, tam facile unicuique opinionem elicere potuisset, quâ crederet este, pro quo illa venditabat, animal. Corporis forma cyprinum piscem referebat, nisi quòd in longiorem angustioremque, quam ille, ac tandem bifurcatam, ut ille, caudam desineret. Caput ei erat simillimum, & os, quod perforatum, stilum ad usque mediam molis, aut molæ partem admittebat: oculos etiam aut videbam, aut putabam me videre in capite. Diffindo ergo medium molæventrem: & ecce tibi in eo infantem perfecte efformatum, tantillum, quantus esse solet unius mensis fœtus; affirmabat tamen adhuc præsens obstetrix supra quatuor menses gravidam fuisse matrem; quamvis ergo multis modis hîc peccans hu-

humani corporis conformatrix, perducere non potuerat corpusculum hoc ad justam fœtus quadrimestris magnitudinem, aliquid tamen in membrorum perfectione molita erat, quo pro-

deret gravidationis diuturnitatem.

Condonet ergo mihi Lector curiofus, fi adhuc in eadem, quam superiùs citato capite affirmavi, maneam sententia: nec adhuc de animalibus similibus generandis negantem deseram opinionem. Video hîc quidem figuram pisci similem; caudam bifurcatam intueor; capitis formam, & in ea os perfectum, oculorum quandam similitudinem contemplor: sed animal illud esse, fuisse, aut unquam futurum fuisse, nondum mihi persuadeo. Quid enim? apertâ molâ nihil intestinorum, nihil viscerum in ea, sed infantem tantum reperio: non monstrosum quidem, nisi quod tanta post quatuor menses corporis exilitas, & placentæ, quæ sæpe variat, hæc forma admodum extraordinaria mihi monstrosa videbantur. Exspectabo ergo adhuc certiora hac super re argumenta, antequam in illam de sanguisugis descendam sententiam: quod non pertinaciæ, sed non nimis in incerta pronæ credulitatis, tibi sit, Lector, argumentum. In divinis sit chara sides: in ceteris quod opinor, opinor; quod scio, scio; sides autem in humanis, nunquam affirmantis in me suprat authoritatem, quæ hactenus non nisi femellarum est varie garrientium.

Tabula Aa

TH. KERCKRINGII 186

Tabula xxv 111. ad Observationem xcv. molam cyprini piscis formam referentem complectitur.

FIGURA I.

Pronam molæ figuram exhibet, dorfum ejus. oftentans.


A. Os cyprini piscis ori simile.

B. Cauda angustior, & longior cyprini cauda. C. C. Cauda bifurcatio.

FIGURA II.

Supinam molæ figuram, & in ea infantem oftendit.

A. Caput. B. Cauda.



OBSERV. ANATOMICÆ. 187

C.C. Cauda bifurcatio.

D. D. D. Venter mola in crucis formam disciffus. E.E. Infans boc situ decumbens.

OBSERVATIO XCVI.

Venarum portæ & cavæ bepatis parenchymate exutarum ramificationes.

HEpatis neque funus mortui, neque redivivi triumphum hîc damus, sed distinctam ramificationum in capillaribus anatomiam; prodesse enim malumus, quam pugnare. Cum igitur excarnandi vel artem vel modum ceteris, qui hactenus id conati sunt, multò accuratiorem habeamus, quod iis patebit, qui venas hasce, quarum apud nos copia est, oculis suis usurpaverint, non abs re esse duximus eas distinctis

figuris spectandas proponere.

Omnium, quod sciam, accuratissime easexhibuit Franciscus Glissonius, in quem satis laudum congessisse viderer, cum Collegii Londinensis socium nominarem, nisi hunc omnibus, qui eo titulo sanè magnifico gaudent, honorem ipse peculiari sua & excellenti vehementer auxisset doctrina: secit hoc, inquam, pro ea, quam ipse habebat, intentione, accurate satis, & ineo, ut in plerisque aliis, omnium antecessorum superavit industriam. Nos interim non tantum utilitati, sed etiam curiositati lectorum obsequemur, & venam portam primo separatim, dein-Slade T

Aa 2

de cavam cum venis suis capillaribus secundum protypon, quod apud nos est, depingemus. Anastomoses quibus vena venam tangit, scitè Glissonius exhibuit, & bene aliorum sententias confutavit: in ramificatione tamen capillarium delineanda aliquantò erimus diligentiores, quæ illi placuit rudi minervâ attingere; quam ejus omissionem hîc accuratâ utriusque delineatione supplere conabimur: ut posteri fundamentum habeant certum, cui, quæ supersunt circa hepar

speculationes, inædificentur.

Arteriæ hepaticæ & pori bilarii ramificationes, si quis est, qui à nobis requirat, is sciat ea portæ & cavæ vestigia ita presse sequi, ut hac in parte nihil ab iis differant. Lienis etiam venam & arteriam ne daremus, eadem ratio suasit. Nihil enim vel parum admodum capillares earum ramificationes ab hisce dissentiunt. Jam vasa lymphatica, & cetera ab aliis tradita, quid opus erat repetere, cum intentionis nostræ sit non cramben reponere, sed potius nova, aut noviter condita tradere: illud potius animadverte, portam multo densius venas capillares, quam cavam spargere, ideoque plus in hepate loci occupare.





Tabula xx1x. ad Observationem xcv1. venam portam & cavam puellæ viginti annorum parenchymate exutam, eâ, quâ in corpore reperta est, magnitudine exhibet.

FIGURA I.

Venæ portæ ramificationes oftendit.

A. Locus ubi vena porta hepar ingreditur, foramen ostendens suæ à reliqua parte abscissionis.

B. B. B. B. Quinque præcipui rami majores, in quos porta per hepar primum dividitur.

C. Vena umbilicalis in ligamentum conversa.

D. Canalis venosus etiam in ligamentum conversus. E. E. E. Extremitates venarum capillarium.

FIGURA II.

Venæ cavæ ramificationes exhibet.

A. Venæ cavæ descendentis truncus.

B. Portio diaphragmatis.

C.C.C. Tres rami primarii, qui deinde in varias disperguntur.

D.D. D. Extremitates venarum capillarium.

OBSERVATIO XCVII.

Arteriæ & venæ pulmonalis ramificationes.

Prout eas natura describit, hîc figurâ chalcographicâ expressimus, quia nemo hactenus ad vivum eas depinxit. Nathanaël enim * Higmorus quas dedit, in iis potiùs bronchialis arteriæ cursum ubique tracheam comitantis, quàm hujus pulmonalis labyrintheos slexus & reslexus contemplère: vel otium vel voluntas viro huic ceteroquin accuratissimo defuit, ut in hisce suam impenderet diligentiam. Animadvertere interea figuram inspicienti licebit, quanto plures ramos, quamque diversas à trachea divisiones hæc arteria & vena obtineat; quod meliùs inspectione tuâ, quàm meâ explicatione doceberis.

Ne tamen ita picturæ huic superstitiosè adhæreas, ut putes semper ramos eadem proportione, ordine, distantiaque à truncis majoribus propagari; est hîc naturæ lusus ita varius, ut vix in duobus sibi consentiat; sed quod te maximè hîc animadvertere volebam, est natura ramisicationum minorum, quam si cum venis hepatis conseras, videbis toto cælo à se invicem distingui, quod, ut antea monebam, oculis tuis potiùs ex picturis, quam verbis meis leges.

Obser-

^{*} In Corporis buman. difquifition. lib. 2. part. 2. tab. 12.

OBSERV. ANATOMICÆ. 191

Observa interim, quæso, Lector, hanc esse arteriam in qua sæpiuscule invenitur ille pseudo-polypus, de quo Observatione LxxIII. egimus. Fit enim dum propter nimiam essusionem acidi in dextero cordis ventriculo vitiatur esservescentia, ut sanguis post animalis interitum in hac arteria quam citissime congeletur, & in ramos divisus exhibeat illam polypi speciem, quæ multos in errorem induxit, assimantes id morbi genus & hîc, & in corde, & alibi reperiri.

Consule porro sodes experientiam, si verba penes te sidem non inveniant, & spiritum vitrioli assunde sanguini; videbis, quàm cito, quàm sirmiter coaguletur. Etiam hoc crebra animalium dissectione disces, sanguinem hunc coagulatum, sive pseudopolypum non semper eandem præ se ferre coloris tincturam, sed quandoque subalbidum esse, aut aliter immutatum.

A. Tradeus arrevia pulmonaria à corde defeissus.

Tabula xxx. ad Observationem xcv11. venam, & arteriam pulmonariam juvenis viginti quatuor annorum, eâ quâ reipsâ reperta est, magnitudine exhibet.

FIGURA I.

Venam pulmonariam parenchymate suo exutam proponit.

A. Truncus venæ pulmonariæ juxta auriculam sinistram cordis præcisus.


B.B. Gemini venæ rami majores in dextram & sinistram pulmonis partem sese insinuantes. C.C.C. Extremitates venæ hujus capillares.

FIGURA II.

Arteriam pulmonariam parenchymate suo nudam depingit.

A. Truncus arteriæ pulmonariæ à corde descissus. B. B. Gemini arteriæ rami majores dextram & sinistram pulmonis partem petentes.

C.C.C. Extremitates arteria bujus capillares.





OBSERVATIO XCVIII.


Schema venæ & arteriarum placentæ.


A Natomicis, per quod jurent, non aliud suâ illâ Autopsiâ videtur numen sanctius; hæc fidem astruit assertionibus eorum omnibus; hæc eam malè assertis derogat; hæc eorum est Logica, & totam explet fyllogismorum catervam; hæc diva est, quæ, quod Vatibus novem sunt Musæ, id sola est istis Medicinæ heroibus: ab ea namque omnis sententiarum certitudo & evidentia, omnis inventionum novitas & admiratio, omnis invenientium gloria & fama proficiscitur; quod quantò est verius, tantò me afficit ægrius eorum temeritas, qui eâ non advocatâ quicquam in lucem proferunt, quod vel in errorem inducat alios, vel certè falsa quadam imagine illudit posteris. Quale est omne illud schema venæ & arteriarum placentæ, quod hachenus ex imaginatione magis, vel analogia quadam cum perperam item depictis hepatis venis arteriaque, quam ex rei veritate & oculari inspectione æri incisum, & publice oculis expositum fuit: à quo quantum abeat placentæ ipsius constitutio, quia à diva nostra edocti sumus, hîc veram arteriarum & venæ placentæ ramificationem curiosis spectatorum oculis subjicimus.

Nolo hîc, quod exemplo aliorum, qui res anonymas accuratiùs distinxerunt, facere potuissem, ramis istis venæ & arteriarum majoribus sua indere nomina, ut de iis posthac loqui possemus distinctius; si eas diligentius contemplantibus, id vel ad praxeos, vel ad theoriæ usum aliquem sacere videatur; habent hic eas prout reipsa sunt, & ut omni parenchymate exutæ à me servantur, delineatas; ubi res habetur, sacilè est addere nomen rei.

Illud observatione dignum est venas hasce nullis præditas esse valvulis; adeo natura nihil uspiam molitur frustra; & licèt sinis nullus sit, qui eam ad operandum generatim moveat, nobis tamen singula considerantibus facilè est certos quasi sines rebus accommodare, quibus infinitam illam, quæ in omnibus operatur sapientiam, aliqua ratione nostris prudentiæ regulis metiamur.

Etiam varietas illa hîc prætereunda non est, quòd suniculus propagationis aliquando ad mediam usque penetret placentam, antequam sese in ramos dispertiat, aliquando statim à principio abeat in diversa. Quænam hujus diversitatis causa sit, aut quid inde vel commodi oriatur, vel incommodi, cum diva nostra Autopsia non dictitet, speculationi tuæ, Lector, aliorumque Physico-Medicorum relinquimus; nos in præsentiarum tantum Spicilegia Anatomica damus.





Tabula xxx1. ad Observationem xcv111. placentæ venam & arterias omni parenchymate denudatas ipså naturali suå magnitudine ostendit.

A. Funiculus vasorum umbilicalium.

B.B. Arteriæ umbilicales.

C. Vena umbilicalis.

D. Locus, ubi vena & arteriæ in diversa abeunt, & se per corpus placentæ dispergunt.

E. E. E. E. Ramificationes insigniores venæ.

F. F. F. F. Ramificationes insigniores arteriarum, quarum distinctio à vena initio quidem utcunque dignoscitur, sed postea ita cum ea conjunguntur & implicantur, ut eas ab invicem distinguere non sit facile.

G.G.G.G. Capillares tum venæ, tum arteriarum; passim ita inter se implicatæ, ut distingui nequeant.

196 TH. KERKRINGII

OBSERVATIO XCIX.

Arteriæ bronchialis officium non est nutrire pulmones, sed asperam arteriam.

D'Edimus hepatis, arteriæ & venæ pulmonariæ ac placentæ, seu hepatis uterini ramisicationes, accurate usque ad capillares, in quos desinunt, tubulos delineatas, quia id neglectum

ab aliis hactenus fuerat.

Asperæ vero arteriæ, cum bronchiali Ruyschiana eam ubique comitante non dedimus; quia licèt non ad capillares usque minutias eam alii depinxerint, satis tamen accurate servant eos in illa curfus & divisiones, quas natura observavit, quod minus diligenter factum erat in superioribus. Habeo tamen quod circa bronchialem observem, & breviter curiosos microcosmi scrutatores admoneam, ne illos in fraudem inducat reperta hæc recenter arteria; aut verba Professoris Clarissimi *Francisci de le Boe Sylvii, qui quanto candore agnoscithujus inventorem Ruyschium, tanto facilius falleret verbo, quod illi ibidem excidit, dum ait. Bronchialis hæc arteria sanguinem in ventriculo cordis sinistro elaboratum, atque perfectum ad pulmones deducit, eorundem nutritioni ab ipfo affignata. Verba inventoris hujus arteriæ sunt. † Existimo itaque, ut finem imponam, banc arteriam esse conditam, ut pulmonibus sanguinem nobiliorem, per-

In Praxi sua lib. 1. cap. XXIV. † In tractata dilucidationis valvularum in

fectiorem, imo magis exaltatum, communicaret. Nolo hîc morosum Criticum agere, & verba utriusque cribrare, aut viros mihi amicissimos inter se committere, tanquam si quicquam hunc dixisse, quod non dixerit, ille diceret, dum sanguinem quidem magis exaltatum ad pulmones deferri, fed ejus nutritioni affignatam diferte non addit bronchialem arteriam. Hoc tantum adverto bronchialem hanc arteriam videri foli arteriæ afperæ nutriendæ destinatam. Primò quia eam ubique comitatur, eique tantum incumbit. Secundò quia aspera arteria intus vacua, & spiritu aërio repleta, egere videbatur nutrimento peculiari, quod ei arteria pulmonalis non sat commodè suppeditaret. Tertiò quia tam parva est hæc bronchialis arteria, ut nulla ratione proportionata videatur pulmonibus nutriendis; in reliquis enim partibus, animadvertere est, majorem partium nutriendarum, & vasorum nutrientium proportionem. Cui & hoc pro quarta ratione posset adjungi, sanguinem hunc perfectiorem asperæ arteriæ, quam pulmonibus magis videri necessarium; quia durioris est & perfectioris substantiæ, quam pulmones, quibus nutriendis minus exaltatus sanguis, & in solo dextro ventriculo elaboratus videtur sufficere. Vis & hoc mantissæ loco adjiciamus, in fætibus arteriam pulmonalem expletam esse sanguine? hîc non aliunde, quam ex cordis dextro ventriculo eo pervenit, quid autem hîc obiret negotii, si non nutriret pulmones.

Bb 3

Ma-

198 TH. KERCKRINGII

Maneat ergo nondum prorsus improbabilis illa sententia, quod ad pulmones sœtuum nutriendos, etiam aliquid sanguinis ascendat per arteriam pulmonalem, quodque non omnis per soramen ovale ad sinistrum cordis ventriculum deferatur: cui sententiæ tanquam ei, quæ veritati sit propior, tamdiu adhærendum puto, donec fortiori ariete quassata, succumbat.

OBSERVATIO C.

Oculus crystallino ceterisque humoribus spoliatus visum recuperare potest.

Uod sama sit

Tam sicti pravique tenax, quam nuncia veri:
licet non cecinisset Poëtarum præstantissimus, &
verissimus vatum; tamen ex unico, qui spargitur rumore suam posset asserere veritatem. Audi, quæso, Lector, insignem, quæ à multis

spargitur, fabulam.

Legebat, inquiunt, Serenissimus Daniæ Rex, ut est non tantum populorum regendorum peritissimus, sed etiam multarum scientiarum, huic omnium reginæ administrarum curiosissimus libellum Antonii Nerii de Arte Vitraria nuper Latine per amicissimum mihi Virum Andream Frisium editum: cumque in epistola dedicatoria reperisset, ibi mentionem sieri artis oculum, cui crystallinus ceterique humores exscissi essent, perfecte restituendi. Adstantem Franciscum Josephum

phum Burrum (quem honoris adhuc caufa nomino, quia nihil mihi ab eo, quod sciam, profectum est mali) miranti Regi alium scire, quam ipse jactabat, artem, respondisse Kerckringium illum Theodorum unum esse, & quidem de minimis suis discipulis: cujus dicti vanitatem in eum cadere, tum ipsius viri causa, tum vel ideo maximè prohibeor credere; quòd mihi peccare viderer in eam, quam Majestati suæ debeo, & defero submissimam reverentiam, si vel suspicarer, Franciscum Josephum mendaciis aut velle, aut posse sustentare eam, quam apud Regem obtinet æstimationem: quâ ille felicitate, ut diutiùs gaudeat, exopto; superetque tandem eam vel calumniam, velinvidiam (nemesin enim cum multis dicere nec jurismei, nec voluntatis est) quæ illum jamdudum agitat, & omnibus penè Europæ Regnis expellit, totiefque cogit γιω τος γης ελαύ-M. J. Interim ut vindicem non tantum illum à vanitatis istius calumnia, sed etiam reliquos, qui fimilia spargi audiunt, à temeraria credulitate, & eos, qui spargunt à mendaci levitate; ipse in scenam hîc prodeo, & quid de tota ea re sit, publice profiteor, appellans ipsam Viri illius in Dania rursus Illustrissimi conscientiam.

Cùm Generosissimi atque Illustrissimi Viri Francisci Josephi Burri (his enim titulis, ringente quidem, sed coactà pati apud nos celebrabatur invidià) sama esset ingens, sateor me à Clarissimo Viro Francisco vanden Enden, Regis Christianis-

Bb 4

simi nunc Consiliario & Medico, qui me liberalibus & philosophicis disciplinis imbuerat (viro de cujus eximiis laudibus alibi mihi erit dicendilocus)adductum, ut familiaritatem Burri affectarem; imbuerat enim Vir ille animum meum inflammato, quo etiamnum ardet, sciendi desiderio: admirandâ autem in Medicis & Chymicis scientiâ excellere Excellentiam illam fama jactabat; itaque molles mihi ad eum aditus, etiam munusculis quibusdam aperui, solitisque humanitatis formulis acceptus, lætior aliquando, nunquam doctior ab illo recessi : nec enim ut de scientia quapiam misceremus sermones unquam fuit occasio. Tandem cum vel scientiam, vel saltem medicamentum, quo discissus restitueretur oculus, ut jam pro candore suo ipse Dominus Burrus in tractatu ea super re edito fatetur à Roberto Sothuel accepisset, atque aliquoties ejus rei experientiam fecisset, admissus sum inter familiares, ut cani discindi oculos, omnesque ei humores extrahi viderem, qui canis adhuc hîc Amstelodami vivit quidem, sed non videt illo, qui discissus fuit, oculo: fateor me tum & fama, & ipso, ut putabam, aspe-Au tantæ rei miro raptum fuisse desiderio, hanc mihi artem comparandi, etiam ingenti, si opus esset, numeratà pecunià; sed cum id gratis petere à Domino Burro nimiæ rusticitatis videretur, & pretium ei offerre propter magnam, quam præ se ferebat, & sæpe ostendebat generositatem, non auderem; cœpi pertinaci studio disquirere me-

cum, an aliquis id inveniendi relictus esset locus; quæsivi, inveni, & sæpe perfeci, quod autem à Domino Burro id non acceperim, ipsius, uti antea dixi, appello conscientiam, & res ipsa demonstrat. Nec enim aquâ Chelidoniæ cum tantillo camphoræ, quod mysterium, ait, sibi à Roberto Sothuel revelatum: nec eadem Che-Iidoniæ aquâ tam mysteriose cum simo ejusdem præparatæ, ut tradit lib. sui fol. 43. res illa à me perficitur, nec ab ullo meâ quidem sententià perficietur. De aqua vitrioli Martis, cujus præparationem sibi adhuc soli notam reservat D. Burrus, quid sit, ego juxta cum aliis nescio: hoc scio, & hîc profiteor me nullo horum modorum oculos restituere; restituere tamen alia prorsus ratione, aliisque à me solo inventis viis, quarum scientiam mortalium debeo nemini: addo nec facere me distinctionem inter albos & nigros, sed cuilibet oblato animali passim discindere oculos, exprimere omnes humores, eosque spectatoribus etiam auferendos tradere, atque exiguo tempore visum in integrum restituere: idque aliquando exercitationis causa ita effecisse, ut uni eidemque cani unum eundemque oculum tertiò discinderem, ac tertiò sanarem, quod hîc centesimæ observationis loco observet Lector meus, agatque mecum Deo Omnipotenti gratias, cujus unius ope, atque auxilio, nullo hominis alicujus adjumento, hanc qualem qualem nactus sum sci-Bb 5 enentiam; nec sese quisquam ingerat in laudis hujus, si qua inde petenda sit, societatem: illi soli sit honos & gloria, qui est benedictus in secula.

Petes quâ id ergo ratione fiat? hoc est, quod ego ab Illustrissimo Domino Burro, quem eadem imbutum suspicabar scientia, petere ausus non sui: ideoque me indagationi rei, uti admirandæ, ita inventu dissicillimæ, totum impendi, donec inveni, sumptibus nullis, nullis, saboribus parcens; experientiis crebris incumbens, nullis sinistris successibus defatigatus. Hæc est via, Lector benevole, & sciendi cupide, quâ hæc aliaque inveni; hanc si & tu insistas, & Deus propitius conatibus tuis aspiret, spes est, te, tanto me ingenio, ceterisque facultatibus præstantiorem, plura & majora inventurum.

Ego te iis, quæ centum hisce observationibus prodidi, jam ut contentus sis, & si nondum te harum cæpit tædium Osteogeniam etiam nostram inspicias, rogo; ubi si non tuo digna gustui, saltem ea, quæ nonnullam redoleant diligentiam nostram, reperies. Si sortè therapeuticis & chymicis observationibus edendis Deus voluntatem, & otium meum facultatem suggesserit, spero fore, ut te iis percurrendis tantillum impendisse otii non pæniteat. Vale, & si placet etiam talentum tibi ab Altissimo creditum, in artem medicam augendam impende, patet ingens industriæ tuæ, & omnium

OBSERV. ANATOMICÆ. 203

area: nusquam utiliùs quàm in tuenda mortalium salute, mortalium vita impenditur, nec aliunde certiora speranda immortalitatis sunt præmia.

FINIS.

OBSERWAN AND ALLOWED THE STREET OF SHARE CASE OF SHARE SHAREST THE STREET THE PERSON NAMED IN COLUMN TWO IS NOT THE OWNER. the water of the country of the second

THEODORI KERCKRINGII

DOCTORIS MEDICI,

OSTEOGENIA FOETUUM,

IN QUA

Quid cuique officulo singulis accedat mensibus, quidve decedat, & in eo per varia immutetur tempora, accuratissimè oculis subjicitur.



Apud Vid. & Fil. CORN. BOUTESTEYN.

M D CCXVII.

THEODORI KERCKRINGHI DOCTORIS MEDICI.

OSTEOGENIA FOETUUM.

IN QUA

Quid enique officulo finguis accedat menfibus, quidve decedat, & in eo per varia immutetur, tempora, accuratifime oculis subjicitur.



Aged Val. & El. CORN. BOUTESTEYN.
M D CCXVII.

PRÆFATIO.

Steogeniam fatûs damus, quod bæc Ana-tomiæ pars minime omnium ab aliis sit accurate pertractata, tum quod difficile sit ei rei necessaria obtinere fætuum corpuscula, tum vel maxime, quod ubi obtenta fuerint, eorum examen adeo sit obscurum, ut certi quid de iis pronuntiare sæpe sit periculosum, propterea quod multa quasi per nebulam vel videntur, vel videri putantur in quibus satius est enexus & judicium suspendere, quam temere, quæ dubia sunt, pro certis venditare. Ego certe, cui & subjectorum copia contigit (nam plusquam septuaginta fætus undique non exiguis sumptibus conquisitos dissecui, & labori neutiquam peperci, quo minus dies noctesque iis perscrutandis impenderem) nibil bîc affirmabo, quod non clara autolia mibi ostenderit, nec quicquam aliis referentibus fidei vel addam, vel etiam detrabam, nisi quando perspicue mibi constiterit eos vel aliorum relatione seductos, vel falsa apparentia in sententias minus veras inductos, ea litteris mandasse, que contraria evertit experientia; qua in re siea utar libertate, quam & veritas omnibus concessit, & nemo, nisi improbus cuiquam potest negare, peto, & jure naturali flagito, nequis boc in sinistram par-Cc 2

tem accipiat. Authores à quibus dissentire cogar, sine contumelia refutabo, & laudatos, si supersint, certiora docebo, vel si nos, quo omnes sequemur, præcesserint, eam ab illis inibo gratiam, ut nemo scriptis eorum in errorem inductus, post bac ea affirmet, que illi, si viverent, libentissime spongià delevent. Ipse autem non aliam à lectoribus meis postulo gratiam, quam ut, si quid bumani erroris post tantam, cujus mibi conscius sum, cautelam operinostro irrepserit, non illiberali scommate, sed humana instructione nos admoneant, duorum alterum à nobis impetraturi, ut vel sententiam nostram eadem humanitate contra objectiones tueamur, vel meliora docti corrigamus. Quamquam non existimem necessarium fore, ut scriptis multis sententiam meam defendam, cum plurima ad manum babeam subjecta, incorruptioni jam consecrata, in quibus ea; quæ dico, possum uniuscujusque oculis subjicere; servo, inquam, sceleta à mense secundo post conceptionem gradatim per ætatulæ illius incrementa adscendentia, ad mensem usque nonum jam exactum, quo plerumque solent, nisi quid eos aut præcipitet, aut præter morem retardet, in lucem prodire.

Non tamen exspectet bic quisquam diligentem totius Osteologiæ repetitionem, cum nihil sit in animo bic proponere, nisi rariora, in quibus sætus

ab

ab adultis corporibus, aut ego in fætuum ossibus ab aliis authoribus dissentio: aut que ab aliis non dicta, paulo observavi accuratius. Subinde etiam iis, que alii ante me observaverunt, sed propter rei raritatem nondum indubitatam invenerunt in animis legentium fidem, meum adjeci calculum, quando nimirum eadem occurrerunt, quæ illos in stuporem datos moverunt, ut ea scriptis proderent: atque ea ratione simul scriptorum istorum stabilitur authoritas, simul posterorum in credendo tolli-

tur scrupulositas.

Nam quod plurium diversis temporibus idem reperientium asseritur suffragiis, ei calculum suum jam adjecit veritas. Methodus à nobis observanda rei potius claritati, & lectorum curiositati inserviet, quam velisicabitur voluptati. Incrementa enim ossium per sua deducam temporum intervalla, dicamque quomodo duobus primis mensibus constituta sint, quibus vix aliquid apparet, quod ad offisicationem pertineat, distinctionis; deinde quid tertio, quid quarto, & ceteris deinceps in iis mutetur, quid accedat, quid decedat. Quæ res si forte tædii aliquid prima fronte allatura videatur, solabitur se lector spe quadam curiosæ novitatis, tum etiam ea cogitatione, quod libri anatomici non conscribantur, ut uno filo, sicut bistoriæ consequenter perlegantur, sed ut Cc 3 iden-

identidem, ubi vel necessitas requirit, vel curiositas suadet, inspiciantur; proptereaque semper babeantur ad manum.

Duo præterea sunt, quæ in limine operis consistens, Lector amice, pace tua præfabor. Quorum prius est, me, dum mensium spatia in tertium, quartum, & sic deinceps distinguo, non ita memet astringere temporum momentis, ut ne diem quidem ultra procedat, vel citra subfistat mea calculatio; sed quandam assumere, cum ex matrum relatione, tum ex divinatione facta per augmenta fætuum latitudinem: ut quando dico, mense, verbi gratia, quinto, non aliud indicem, quam paulo vel citra, vel ultra mensem quintum fœtum ita se babere, quemadmodum eum describo. Alterum est, ut ea, qua in fætibus contingere dico, intelligenda sint de naturæ cursu ordinario, quem iis rebus metimur, que sæpius & in plerisque invenimus. Amat enim natura sape evagari, & legem banc servare omnium maxime stabilem, ut nulla sit lex, quam sibi non liceat aliquando infringere, & liberius ludere cum in revum omnium, tum vel maxime in corporis humani conformatione. Quod si quem forte inter legendum ea subeat cogitatio, bic à nobis unius tantum climatis fœtus describi; fieri autem posse, ut cum fætibus aliis sub astris, alioque sub calo nascituris multo ali-

ter

ter agat natura in ossium fabricatione. Huic non habeo, quod respondeam, nisi eadem me sæpius agitavisse animo; nec tamen fuisse à perficiendo boc opere retardatum. Cum enim Maurorum, exempli gratia, corpora solidioribus, atque etiam aliter conformatis constent ossibus, vix dubium mibi est, quin in ipsa fætuum ossificatione magna sit à nostratibus diversitas: quam si nunc proponere non possumus, non ideo perit omnis operis nostri aut splendor aut utilitas: nostratibus enim profuisse, nostratium curiositati satisfecisse. exteros praterea docuisse, quem ordinem operi suo intenta apud nos servet hominum creatrix natura, non videtur adeo contemnendum, ut pænitere me debeat, tantillum isti rei impendisse vel operæ, vel industriæ. Quod si exemplo nostro incitati, aut proprià curiostate industi, alii aliorum climatum babitatores in inquirendo quomodo apud se procedat bæc firmamentorum nostri corporis stabilitio, suam vellent fatigare industriam, fieret tandem ex omnium laboribus in unum coalitis, ut appareret, quid alibi caloris vi pracipitetur, quid retardetur frigore, quid Orientis plaga conferat, quid Occidentis variet in confirmandis ossibus: atque ita conspirantibus variis hominum ingeniis; efficeretur tandem perfectissima Osteogenia universalis historia, que à singulis non nist regionis sue particula-215

ris potest concinnari. Nec enim verosimile est unum eundemque hominem per diversas mundi plagas hujus rei perficiendæ caus suscepturum iter, & si susciperet, reperturum ubique ea adjumenta, quæ quàm necessaria, tam acquisitu dissicilia sunt, ut quis opus istud perficiat.



THEO-

THEODORI KERCKRINGII

OSTEOGENIA FOETUUM,

CAPUT I.

De membranis & cartilagine.

Ntequam frontispicium hujus ædisicii anatomici ex osse frontis constituam, quòd tam illud, quàm omnia capitis offa in duorum mensium fætibus, imo totum corpus in embryonibus ex mera membrana videatur constare, id breviter hîc animadvertendum, quod * Laurentius de osse syncipitis dicit; in puerulis, inquit, anterior eorum pars primum membranea est, deinde cartilaginea, deinde in adultis osea evadit. Non hoc in solo syncipitis ose, sed in toto corpore nobis observatum est, plurimas partes, que passim cartilaginee dicuntur, primum membranosas esse, ac paulatim abire in cartilaginis consistentiam, antequam perveniant ad offium soliditatem : quod cum in aliis multis, tum vel maxime in fontanella, & in ea jun-Aura, quæ maxillæ inferioris ossa in mento conjungit, ita evidenter apparet, ut, qui contradixerit,

214 TH. KERKRINGII

xerit, adversus Solem loqui videatur. Hinc quandoquidem conformationem offium infantilium ab ipsis, quoad ejus sieri potest, principiis examinare, atque in lucem dare proposuerimus, partium nostrarum videretur esse tempora illa distinguere, quando fingulæ membranæ in cartilaginem commutentur, item scrupulosius authorum verba cribrare, qui illam, de qua locuti sumus, menti juncturam passim synchondrosin vocant, dicendum enim foret, si criticum agere vellemus, eam primum per ouwsolgwow fieri, ac deinde in σιωχόνδεωσιν commutari. Verum enim vero cum bæc membranæ in cartilaginem transmigratio ita tacitis à natura conficiatur passibus, ut ne lynceus quidem animadvertere possit, ubinam, nedum quando commutetur, ego malui rem eam totam præterire, & modos loquendi authorum, qui ea non distinxerunt, non tantum boni consulere, sed etiam constanter sequi in omni discursu sequenti; contentus hîc monuisse pleraque, quæ cartilaginis à nobis donantur vocabulo, & ante fuisse, & etiam tum magnam sæpe partem esse membranas, cum à nobis & aliis cartilagines vocantur. Atque hoc posito quasi fundamento, jam ad fabricæ humanæ frontispicium oculos convertamus, & quibus incrementis pudoris futura sedes frons hominis solidetur, examinemus.

CAPUT II.

Os frontis.

DEr tempora sua deducturus incrementa offium, I idgeneratim in omnibus observo, ut primos duos menses, quibus vix quidquam usquam apparet osseum, præteream, & incipiam à mense post conceptionem tertio; sicubi tamen maturiùs in osseam duritiem quid coxisse videbitur conformativæ facultatis præcocitas, id suis locis annotare non prætermittemus. In osse ergo frontis primis duobus mensibus omnia mera sunt vel membrana, vel cartilago, non enim, quod antea præfatus sum, hæc distinguam subtiliùs. Videtur autem fabricatrix organici corporis primò rudi quadam delineatione cartilaginea adumbrare ejus formam, quam in ista teneritudine adhuc variare, & paulatim possit perficere, & postea, uti per suos temporum gradus eam insequentes videbimus, inducere offium firmitatem; non omnia simul & semel consolidando, sed quasi timide & pedetentim ossificando, ut tandem perducat corpus ad perfectam & aptè inter se cohærentem soliditatem. Progrediamur ergo ad mensem tertium, quando in oculorum orbita quasi per nebulam apparent puncta quædam diversorum ossium in ea formandorum centra. At supra hanc orbitam se prodit semilunaris quædam ossea substantia, (quæ contra morem ceterorum ossium sese à centro ad Dd 2

circumferentiam dilatantium) se extendit per circumferentiam ad os syncipitis, medium relin-

quens cartilagineum.

Ita ut quarto mense jam magna ex parte in os formata sit tota hæc substantia, præterquam quòd paulò infra medium adhuc remaneat in centro cartilago notabilis, & alia item circa os sphenoides & temporum. Acerescit autem hæc ossisicatio, ut dictum est, versus os syncipitis, & seextendit versus fontanellam, quæ adhuc magnam cranii partem occupat. Hoc mense quarto etiam apparere incipiunt vestigia foveæ, per quæ transit tertium par nervorum supra oculos, quæ deinde plerumque in foramen efformatur. Etiam fupra nasum evidenter apparet junctura quædam harmonica versus fontanellam laxior. Puncta ossea in orbita oculorum, quæ tertio mense per nebulam videbantur, jam apparent clarius.

Quinto & sexto mense ossificatione accrescente, decrescit fontanella, & præterquam quòd orbita oculorum jam tota sit ossea, etiam penè evanuit illa centralis hujus ossis cartilaginositas, quæ septimo mense nullum sui signum relinquit in osses

fubstantia.

Octavo licet per fontanellam clarè conspicere finum longitudinalem ei adjunctum. Sutura autem offis hujus clauditur post nativitatem, nisi toto vitæ tempore perseveret, quod non tam rarò fieri, quam quidam arbtrantur, vel inde patet, quod plusquam decies mihi contigit eam videre permanentem usque in senium.

Nono mense omnia, & præcipuè os frontis & occipitis mollibus, latis, laxis, flaccidisque vinculis, sur latis, atque commissuris colligantur, ut ait Volchardus Coiterus, unde partus facilitatur, quod caput in angustum compressum facilitatur, quod caput in angustum compressum facilitatur, à se mutuò abscedant, & à partu iterum recolligantur & uniantur. Fontanellæ hiatus magis ex osse frontis, quàm syncipitis constituitur, quapropter Aristoteles id vocat de la servicio se sid est, ultimò genitum, finali scilicet perfectione; nam aliàs est inter prima cranii ossa numerandum.

* De formato fatu cap. 19.

CAPUT III. Ossa syncipitis.

Ossa syncipitis, quæ tribus primis mensibus nihil ostendebant, nisi puncta quædam sub-obscura, quod ossis referret naturam, quarto mense exacto jam tota sunt ossea, adeo properat natura munire facultatis animalis, eandemque sapientiæ sedem. Ad sagittalem tamen suturam, ossa sphenoides, & temporum, ac sontanellam hiant adhuc aperturæ amplæ cartilagineæ. Induerunt autem osseam substantiam initio ducto à centro, non à circumferentia, quemadmodum in frontis osse præter aliorum morem contingere jam diximus.

Quinto & fexto mense hæc insigniter augen-Dd 3 tur, tur, suturæque paulatim ita arctantur, ut septimo mense laxè per harmoniam jungantur, sed ab ossibus sphenoide & temporum adhuc media membrana satis notabili discedunt hiatu, qui mense octavo vix apparet, nono autem omnino evanuit. Fontanella tamen ex hisce partimossibus, sed magis ex frontis osse constituta, non nisi post novem vel decem à partu mensibus clauditur; imo non rarò in pueris ad quartum & quintum ætatis annum, & in viris quibusdam usque ad senium permanet.

Non videtur hîc prætereunda ea obstetricum experientia, quæ puerum vixisse pronuntiant, si fontanellæ pelliculam, quæ antea vitali cerebri motu & spiritu sustentabatur, concidisse com-

periant.

CAPUT IV. Os occipitis.

LX iis, quibus occipitis os constat, ossibus quatuor annotarunt Coiterus & * Spigelius; quæ hujus tibi verbis hîc admetiar. Primum est magnum illud triangulare, ubi, inquit, lambdoides sutura in adultis sines habet duorum veluti crurum, è additamenta incipiunt suturæ lambdoidis, rima quadam per transversum ab una cruris suturæ hujus extremitate ad alteram, eaque admodum laxa circumscribitur, è à reliquis tribus ossibus segregatur, quorum duo capitula occipitii continent, quæ xogāras Galenus appellavit, quibusque primæ cervicis vertete bræ segregatur.

bræ annectuntur. Tertia verò seu quarta pars occipitis, quæ veluti additamentum sphenoidi ossi annectitur. Optime quatuor hæc expressit, sed adverte quæso mecum, quem nemo hactenus, naturælusum in generatione magni illius triangularis, quod primo describit: hoc ipsum enim tertio à conceptione mense sæpe ex quatuor, sæpius ex tribus, aliquando duobus, aut unico tantum efformatum est ossibus, que post exactum illum mensem tertium omnia in unum illud à Spigelio descriptum coalescunt. Id quod illis, qui Osteologiam adultorum tantum describunt, bonâ nostrâ veniâ indictum esse poterat, nobis, qui Osteogeniam damus prætereundum non est; uti neque hoc, quod post hanc coalitionem perfectam succrescit huic triangulare novum officulum tricuspidale, in perfectum quoque efformatum triangulum. Tangit autem una cuspide os triangulare jam dictum, duas vero alias extendit versus xoporas, quas plerumque octavo mense tangit, & nono, nisi quandoque natura variare amet, cum iis, & offe triangulari jam fæpius nominato in unum coaluit. Quod infra coronas est ossiculum etiam tricuspidaliter crescit, cuspidum duarum singulis singulas coronas, & tertia os sphenoidis petens, sic tamen, ut cum sphenoide nunquam, cum aliis, quæ jam ad ternarium decreverunt numerum, tandem post nativitatem coalescat. Atque hæc de occipitis osse dicta sunto, in quo natura cursum nullum obtinere videtur ordinatum, nusquam enim enim magisludit, & variat, quam hîc. Habeo enim capita novem mensium, quæ curiosis oculis exhibenda servo, in quibus os illud magnum triangulare in quatuor inordinatas partes divisum est, atque aliàs sæpe in alias exorbitat irregularitates.

CAPVT V. Osa temporum.

Ossis temporum binas vulgo Anatomici assi-gnant partes, quarum unam os petrosum, alteram squamosum appellitant. Sed nobis, qui non facta & jam coalita in adultis ossa proponimus, sed quomodo fiant, & ex quot, quibusque ossibus in sœtu coalescat, contemplamur, alia est describenda historia, idque more nostro per gradus temporum. Aliud enim est arborem jam factam in partes suas dispertiri, aliud quomodo fiat, quomodo semen rumpat, quomodo primum in herbam surgat, deinde paulatim indurescat & lignescat, considerare: quod nos in humano corpore facimus, ubi nulla videtur nimia esse posse curiositas, quæ vel immediate jam, vel aliorum intermedià accuratione speculatione posthac conferre possit ad rationalis creaturæ vel tuendam, vel recuperandam fanitatem.

Igitur cum & hîc secundo mense nihil, quod quidem videri possit, nisi cartilago reperiatur, ad tertium nos transferimus. Jam tum enim processus, zygomaticus cum processu primi ossis ma-

xillæ

xillæ superioris constituit os jugale, sive zygoma totum osseum, licet in cetera cartilagine præter circulum istum in osse petroso, cui tympani membrana annectitur nihil appareat, quod offis naturam induerit, idque filo adeo tenui, ut vix pili subtilis expleat crassitiem. Quoniam autem meatus auditorius toto gravidationis tempore manet cartilagineus, admirari hîc licet fabricatricis naturæ providentiam, à nemine hactenus laudatam, quia observatam à nemine. Tympanum ejusque membranam maximè intererat hominis, utpote animalis disciplinæ capacis, quæ auditu præcipue acquiritur, conservari. Quid facit artifex nostra? tenuissimæ tympani membranæ aliam crassiusculam prætendit, quæ eam ab occurrentibus defendat incommodis, donec meatus auditorius corroboretur adversus occursantes injurias : crede id modo, Lector amice, & mecum tempore crescentem fœtum comitare, mox eam, quod jam frustra molireris à tympani membrana separare poteris; ego certe, quò fidem apud te inveniam, ita separatam servo, ut extremitatibus suis tympani membranæ adhuc adhæreat. Hoc etiam mense tertio evidenter apparet processus styloides, non quidem osseus, & instar spinæ, ut postea protensus, sed rubicundiore cartilagine in majusculam, efformatus longitudinem, atque incumbens circulo jam dicto osseo, ex quo ibidem loci exoritur, unde postea longo post nativitatem tempore, in os & ipse formatus sese erigit. QuarQuarto mense mirum visu, quàm citò, & quantà persectione os squamosum magnam partem factum sit osseum. Os petrosum jam rubicun la cartilagine signavit cavitatis suæ formam organorum auditus capacem, nihil tamen adhuc præ se sert osseum, præterquam unam in longitudinem protensam crassiusculam & inæquale n lineam annulo seu circulo, antea nominato, subjectam, & paulo longius protensam. Os itaque temporum hoc mense tribus constat ossiculis: annulo scilicet, osse squamoso, & illo jam commemorato.

Quinto mense os squamosum ita adauctum est, ut os syncipitis serè, os autem cuneiforme omnino attigerit. Ossis petrosi pars illa, quæ processum mamillarem constituit, terna de novo acquisivit ossicula: unum pyri formâ acutiore sui parte squamoso annectitur; alterum scutum ovale referens magnitudine, priori vix cedens, media cartilagine ab eo separatur; uti & tertium ab utroque, quamvis hoc magnitudine neutri sit æquiparandum, vix aciculæmajoris caput adæquans; sunt autem eo situ & ordine collocata, quem tabula fœtûs v. mensium, usurpata oculis facilius ad mentem, quam verba, transmittet. Hîc nobis non commemorandum tantum, sed etiam admirandum est, quod * Veslingius vel nono mense esse-Etum esle stupet, & tympanum, & labyrinthum, & cochleam ita mensis unius spatio accrevisse, ut

non osse sua substantia solum, sed etiam magnitudine & siguræ symmetria persectioni suæ proxima sint. Visitur tamen juxta soramen, quod nervo auditorio transitum præbet, soramen aliud rotundum, isto haud paulo majus, quod in adultis plerumque sui, sed in arctum compressum, & longiùs extensum relinquit vestigium; cujus usus adeo omnes latet, ut nullus, quod sciam, vel soraminis ipsius mentionem secerit. Addam & hoc, totum, de quo loquimur, os in sœtu, quam in adultis esse inæqualius, & scabrosum magis.

Jam etiam contemplanda se præbent auditûs ossicula, utpote jam cavitatem suam nacta, in qua subitò efformata sunt : malleus quippe jam osseus longiusculo suo processu adhuc cartilagineo tympani membranæ adhæret. Et incus formå sua jam prædita, nihil nisi processum sinalem habet cartilaginosum, stapedis basis, & utrumque crus ossea sunt, sed figura superne citius semicirculum refert, quam longum illud isosceles, quod postea efformat. Ossiculum illud quartum, quod * Bartholinus sibi à Francisco Sylvio ostensum esse, & etiam in hominibus reperiri affirmat, ego in vitulis manifestum satis inveni, in hominibus si sit, in fœtibus certè non reperi. Constatergo os temporum hoc quinto mense sex distinctis ofsiculis; osse videlicet squamoso, annulo, osse internam cavitatem efformante, & tribus notabilibus, quæ hoc mense exorta esse diximus.

Ee 2 Sexto

^{*} Libelli 4. Anatom. Reform. cap. 7.

224 TH. KERCKRINGII

Sexto mense pyriforme, & ovale scutiforme coaluerunt in unum; tertium nonnihil auctum est magnitudine: stapes formam suam nondum obtinuit: malleus & incus magnitudine nonnihil aucta sunt, substantiam non mutavêre suam.

Septimo mense jam tertium illud ossiculum duobus mense superiore inter se coalitis accessit. Jamque malleus, stapes & incus adeo persecta sunt, ut substantia, duritie, sigura, magnitudine vix quicquam disserant ab ipsis hisce auditus organis in natu grandioribus; vix addebam, quia processus ille longior mallei, quo tympani membranæ adhæret, etiamnum aliquid sub sinem ostentat cartilaginosum, quod mox etiam evanescit. Nihil ergo de mense octavo, nonoque addendum, nisi quòd ne tum quidem sætus ullum habeat processum mamillarem, & quod adhuc insigni cartilagine distet os petrosum ab occipitis & syncipitis ossibus.

CAPUT VI. Os sphenoides.

Eritò dives nominum Gracia os sphenoides communiter dictum, πολύμοςφον, hoc est multiforme appellavit; formas autem has omnes accuratius describere, atque ossis hujus pervia nervis foramina singula depingere, iis incumbit, qui Osteologiam professi, nihil sibi quod ad offa pertineat, omittendum putant. Ego, qui spicas ab aliis neglectas tantum colligo, in meslem eorum manum non immitto; sed tantum ea dicam, que in geneseos ossis hujus curiosiore perscrutatione sese oculis visenda obtulerunt, si quis propter aliorum authoritatem iis fidem tribuere addubitet, is nisi palam omnes prudentiæ regulas neglexerit, tamdiu suspendat judicium, donec ipse diligentior, quam ego, plu-res sœtus examinaverit, vel magis lynceus aliud, quam vidi, viderit.

Os ergo sphenoides, ut pleraque alia, ad secundum usque mensem totum est cartilagineum, ita ut ossis potius materia, quam os dici mereatur.

Nechîc, nec alibi abducat quemquam à vera Osteogeniæ cognitione, quam *Laurentius depingit, infantis triginta, ut ait, dierum delineatio, in quo ille & fontanellam, & omnia penè ossa ea magnitudine expressit, quæ est infantium sextum à conceptione mensem agentium: quæ si lle

ille non ex suspicione, aut relatione aliorum, sed ex autopsia descripsit, monstrosus suerit & præcox omnino ille sætus: sed ego crediderim potiùs virum, qui paucos sætus examinaverit, relatione matrum vel obstetricum in fraudem inductum, quæ illi sætum maturiorem, pro triginta dierum embryone obtulerint. Primò enim, & serè toto mense secundo nihil est, nisi mera cartilago universus sætus, in qua ossium formandorum quædam apparent rudia vestigia.

Tertio mense apparet exiguum quid alarum, quæ vulgò processus pterygoidei dicuntur infra os zygomaticum; cumque hoc tempore nihil aliud sit, quod ossis substantiam referat, tertio mense ossibus duobus constare dicendum est os

fphenoides.

Quarto mense ossibus octo, vel potius quatuor ossium paribus constat os, de quo loquimur, quæ dum ego enumero, tu ea sodes in tabula sætûs IV. mensium contemplare. Primum par sunt processus pterygoidei modò descripti, utrimque notati litterà AA, qui hoc mense mirum in modum sunt aucti. Secundum par, processus sunt bini, litterà BB insignes, qui quintum par maxillæ superioris tangentes, eam quasi sustentant, ibidemque interjacente vomere ab invicem separantur. Tertium par, ossa sunt bina CC. sellam equinam postea constitutura, quæ hoc mense prodeunt, caput majoris aciculæ magnitudine æquantia, & à se invicem, & ab omnibus aliis

distincta. Vix tamen quarti mensis sinem exspectant, quin simul per osseam materiam conjungantur, quæ eas in semilunulam esformat, quam mihi semel videre contigit duabus ante quartum mensem hebdomadis. Quartum par processus illi sunt DD. visoriis nervis recipiendis destinati, qui etiamnum soraminibus, quà nervi transituri funt carentes, tantum crassius cula sunt in lon-

girudinem extenfa officula.

Quinto mense (mirare tantam naturæ quasi pensum absolvere cupientis sestinationem) jam nunc ex uno tantum offe constat totum illud os sphenoides modo octifariam divisum; nec enim ullam dubitationis umbram facit dubia quædam inter processus pterygoideos, & inter ossa sellam equinam constituentia, intercurrens quasi lineo-It, quò minus putemus omnia jam coaluisse: habet quidem, fateor, sella equina in medio sui non exiguam cartilaginem, sed hæc non multiplicat ossium numerum, cum omnia undique ad cartilaginei hujus quafi lacus latera conjungantur & coalescant. Videsis & examina positas sub finem figuras, quicunque occasionem non habes rem ipsam in sætibus conspiciendi, ita rem inveni, prout hîc depingendam curavi, ita invenies, quisquis inquires; nec quemquam conje-Auræ aliorum abripiant, quas neque referre, neneque refut re hic est animus, quandoquidem avodia nec probetur, nec refutetur argumentis.

Sexto & reliquis ad nonum usque mensibus

augetur & corroboratur paulatim os istoc, cartilaginesque, quæ inter ramos ejus hinc inde intercedebant, & aliquam os hoc dividendi aliis ansam præbuerunt, tempore minuuntur, tandemque omnino oblitterantur, ut, nemine contradicente, in os unum coëant, quod, ut dixi, jam inde à mense sexto suit factum: quemadmodum autem sufficit, utarbor una dicatur, omnes ramos ejus in uno trunco conjungi, quamvis inde in diversa abeant : ita sexto mense os sphenoides unicum esse os dicendum est, cum nulla ejus pars sit ab aliis prorsus separata, sed omnes fibi invicem quamvis in ramos mediis cartilaginibus divisæ, in toto cohæreant.

Caute igitur legendus * Spigelius, qui ait. Praclara quoque est ea observatio, quam Fallopius de Sphenoide offe fætus scribit, que ab aliis Anatomicis omissaest. Constare namque disit boc os ex quatuor partibus, atque eas sensim brevi ita connasci, ut post septimum ab ortu mensem vix distinct a appareant. Imò quarto ante ortum mense vix distin-Axapparent. Deinde partes quatuor à Fallopio assignatas enumerat, ipsique consentit, sicut & † Coiterus, his verbis. Basilare sive cuneiforme os quatuor in puerilis consequitur partes, quarum duas constituunt alares processus; tertiam sella glandulam pituitariam excipiens; quartam pars visoriis nervis destinata, que non longe post nativitatem coalescunt. Adstipulatur, quantum ad numerum

partium * Riolanus, sed quandoquidem cum Eyssonio alas & sellam unum os essicere contendat: ut quaternarium retineat partium offis sphenoidis numerum, inquit † Eyssonius, quartam eam esse statuit, que infra sellam equinam protenditur ad coronas occipitis. Quæ pars, eodem affirmante Eyssonio, ad occipitis os spectat. Quæ quidem ille recte; sed ut videamus an rectius ipse sentiat; audiamus tanquam ex oraculo fuam pandentem fententiam. Quis ergo, inquit, partium offis cuneiformis ineundus erit calculus ac computus? Sanè si nostrismet arrogare sidem debeamus oculis ac manibus, nec fallaci nobis imponat natura lusu aut lapsu; existimamus ossis sphenoidis partes ad ternarium reducendas esse numerum; ut videlicet ea pars, quæ basin non tantum ossis cuneiformis, sed etiam totius quasi cranii constituit, ac tum processibus suis parvis, sursum protuberantibus, sellam equinam format, tum aliis latioribus, antrorsum & versus latera aliquousque expansis, duas quasi alas emittit, sub quibus optici alique transeunt nervi, prima statuatur & primaria; secundam verò & tertiam exbibeant processus vulgo dicti pterygoidei, qui in lateribus, tum dextro, tum sinistro siti, per interjectam partem primam, manifeste in duas dividuntur partes. Et bæ duæ partes constituunt duas illas vespertilionum alas, que non tantum post palati planitiem retrorsum, sed & sub zygomatibus ad anteriora ossium temporum latera sursum expandintur, usque ad ipsa

^{*} Encbr. Anatom. Path. lib. 1. cap. 27. † De offibus infantis cap. 3.

frontisosa, post processum eorundem zygomaticum. Nescio quid viros hosce omnes à veritate abduxerit, octo enim sunt sphenoidis ossicula, quarto mense clare apparentia, ut dixi, in quatuor paria distinctissime distincta, que postmodum in unum diu ante nativitatem coalescunt : non distinxerunt, credo, satisaccurate tempora, hinc unus ætatis fœtum aspiciens, alter alterius, quæ aliter quisque se habere vidit, protulit, & simul authoritate priorum nitens, sua cum illis conciliare voluit, & ita confusa est tota sphenoidishistoria, quam tibi, Lector, clare distinxi, & exsculptam ex iis, quæ etiamnum servo ossibus, exhibui. Tubonilaborem nostrum, quem in hoc præcipuè ose collocavi, consule, nam plurimorum fœtuum capita, quæ avebam servare integra, ideo perfringenda fuerunt, uthoc in medio situm officulum accurate per fingulos menses examinarem; nec sine frequenti autopsia à tot virorum fententiis discederem.

CAPVT VII.

Os ethmoides.

Os ethmoides sive cribriforme neque totum est cartilaginosum in sœtibus, multò minus in pueris quod * Coiterus & † Riolanus putarunt; neque tribus constat partibus osseis, ut ** Eyssonius assirmat; nam septum narium cavitatem discri-

^{*} De offib.infantis cap. 3. † Ench.anatom.lib, I.cap. 27. ** De offib.infantis cap. 3.

criminans nunquam in fœtibus est osseum, uti nec crista galli, nec tabula cribri instar perforata, unde nomen inditum est toti huic ossiculo: sed tota ossistatio, quæ in fœtu circa hoc os visitur, spongiosis septo utrimque adhærentibus ossiculis quinto mense, & squamulis duabus ad oculorum orbitam constitendam concurrentibus sexto circiter mense absolvitur, reliquæ ossis hujus partes cùm sint, maneantque in sœtibus cartilaginosæ, etiam multò post nativitatem tempore, non est quod iis lectorem detineamus, satis enim magna est sœtuum in hoc osse ab adultis distantia, quod neque cristam galli, neque septum transversum narium, neque immediatum odoratûs instrumentum habeant ossea.

CAPUT VIII.

Maxilla Superior.

Ractaturo de maxilla superiore non absurdum fuerit undecim ejus ossa, quinque nimirum paria, unà cum osse vomerisormi assignare, non quò lectorem Osteologiam doceam, quam suppono eum accurate didicisse, antequam in librum hunc de sœtuum Osteogenia eum sua miserit curiositas; sed ut facilius quid in unoquoque per singula mensium intervalla ossiscatum sit intelligatur, dum id breviter ossa suis numeris tantum designando manisestabo.

Primo igitur pari accensebo illa, quæ ad trian-Ff 2 gugularem formam accedentia partem orbitæ oculi inferiorem; canthum minorem. partemque offis jugalis & malæ constituunt. Secundo, quæ canthum majorem efficient, ac foramen habent in nares pervium, ipsaque tenuia & pellucida, & omnium maxillæ offium minima funt. Tertio, maxima illa omnium palati regionem, & orbitæ partem inferiorem constituentia, dentesque in se continentia. Quarto ea, quæ nasi faciunt protuberantiam, quibus anne cuntur nasi cartilagines. Quinto, ea, quæ in postrema parte nasi sita sunt, ubi narium foramina ad fauces tendunt. His quinque paribus undecimum additur aratro simile, seu vomeriforme partem unam narium instar septi discludens. Jam numeris suis par primum, secundum, & cetera deinceps designando lectorem quafi domi fux, & in re sua versantem de rebus notissimis alloquar.

Atque ut qu'am remotissimé exordiamur. Menfe secundo nihil adhuc vel cartilagineam exuit, vel osseam induit naturam, præterquam tertium

par.

Tertio mense; id primi paris, quod ad zygoma constituendum cum processu transverso ossis temporum concurrit, jam est osseum. Aliquid etiam in oculi orbita in eodem pari conspicitur quod jam ossiscari videtur. Tertium par quantum est, osseum quidem est, sed quam longe absit ab ea sigura, quam postea acquirit, non longa eaque necessario obscura oratione depingam, sed exi-

exiguâ potius & apertâ delineatione ostendam; hanc videsis Lector, in figura fœtûs trium mensium & agnosces illa * Eystonii verba, Maxillæ Superioris in infantibus offa nutlam aut saltem exiguam ab adultis agnoscunt discrepantiam, ad id saltem ætatis fœtus non esse extendenda. Quintum par subtilissimam ostentat lineam jam ofseam. Vomer ossificatur ea parte, qua sphenoidi conjungitur, & reliquis mensibus sua paulatim

capit incrementa.

Quarto mense primum par ab osse frontis magno adhuc abest hiatu, ceterum totum est ofseum. Secundum par, seu os lacrymale jam quasi in dubia luce apparet. Tertium nondum ad figuram adultorum accedit. Quartum exhibet ossa nasi in forma & proportione sua, non eadem tamen in omnibus, quod postea magis apparet in adultis, in quibus tam varium conspicitur hoc humanæ faciei quasi frontispicium. Quintum par etiam suam nunc habet formam, & proportionis magnitudinem. Atque hæc reliquis ad nonum usque mensibus augentur, & perficiuntur paulatim eum in modum, ut nono mense totum hoc os satis persectè referat eam, quæ in adultis visitur figuram, ut recte annotavit + Eyssonius, cujus rei, quas ille adfert rationes, ideo non repetimus, quia morales potiùs quædam sunt congruentiæ, quam, quæ ad Medicum spectent, observationes.

Ff 3 CA-

[#] De offib, infantis cap. 3. † De offib, infant, cap. 3.

CAPUT IX.

Maxilla inferior.

Inter ossa capitis præcocia maxillam inferiorem numeramus; induit enim jam inde à secundo mense substantiam osseam. Figura autem ejus tum temporis est mirabilis, quam cui æquiparem, non satis intelligo. Ex duobus enim ossiculis formata, desinit infra nasum in acutum apicem, qui tam longè extra os maxillæ superioris prominet, ut nihil minus promittat, quam inde efformandam esse menti humani figuram. Fit tamen ut augescente capite, divaricantibusque se paulatim magis magisque ossibus temporum, quibus ossa, per alterum cornuum, quod xordunádos dicitur, inhæret, cuspidalis hæc protensio minuatur, donec vix longiùs, quàm os maxillæ superioris promineat. Alterum cornu (bina namque utrimque reperiuntur) 2006m dictum, cui musculi temporalis tendo implantatur, ad tertium usque mensem ossiculum est, suturâ suâ à reliqua maxilla separatum, quod inde ad dentium usque alveolos descendens, in acutam cuspidem desinit.

Animadvertat hîc quisquis vel mea, vel alia cujuslibet alterius sceleta oculo curiosiore inspecturus est, subtiliores hasce distinctiones clarius sub aspectum cadere, dum primum sceleta componuntur, postquam autem aliquot mensibus servata sunt, eas vel obscurari, vel plane evanesce-

re, quod media sive cartilago, sive membrana (quis enim distinxerit?) aëri exposita duritiem contrahat, & quasi in osseam abeat substantiam.

Constat ergo maxilla inferior, ut eò redeamus, ad mensem usque tertium quatuor ossibus, duobus nimirum, quæ in medio menti per synchondrosin, ut communiter loquimur, conjunguntur: & duobus jam assignatis, quæ transparente quadam nectuntur materià, quam ego neque cartilaginem, neque nervosam substantiam, sed membranam esse censeo. Nequis autem existimet, hanc offis, quam modò adduximus divisionem, eandem illam esse, quam * Eyssonius adfert, operæ pretium putavi ejus hîc adscribere verba. Prater banc, inquit, vulgarem in omnibus puerulis divisionem, in boc nostro infantis sceleto nova, nec à quoquam descripta se obtulit nobis scissura in utroque maxillæ inferioris ose, nempe in medio fere uniuscujusque ossis loco, qua parte crassiorem sortitur protuberantiam, ac jam jamque in latiorem assurgere nititur planitiem, fissura quædam ac divulsio comparuit, que partim per modum harmonice, partim per modum squamos a sutura adeò laxè cobarebat, ut leviinter mundandum contactu à se discederent ipsa ofsa, in sinistro maxillæ latere; unde primo intuitu existimabam fractam à me tenerioris osis substantiam. At verò cum aptarem iterum alterum alterios, insuperque in eodem oppositi lateris loco similem obfervarem cobæsionem, separatu baud dissicilem, non tamen bactenus separatam; indubitato credidi argumento, non fracturam violentam, sed scissuram esse peculiarem: Hæc ibi vir ille in fætu, qui unicus ci contigit examinando diligentissimus, sed ex uno generalem generaliter de omnibus fententiam pronuntiare, scimus quantis obnoxium sit errandi periculis. Damus viro studiosissimo, cujusmodi divisionem ille describit, posse reperiri, & ego, sicubi sit usus, ostendere possum caput fœtus novem mensium, in quo ferè similis visitur maxillæ divisio, sed inter tam multa unum, idque fœtûs in aliis plurimis monstrosi, in quo præter illa ossicula utrimque præter morem naturæ vul-garem adnata, etiam reperiebatur illa, de qua agimus, 200 parn, quam nos in omnibus contendimus naturaliter primis tribus mensibus à reliquo maxillæ offe sejunctam esse, quia in nullo non plurimorum, quæ dissecuimus, ita esse inventum fuit. Apparent præterea tam in hoc, quam in ofse maxillæ superioris mense septimo, octavo, & nono tumores quidam, multo quam in adultis evidentius, qui videntur alveoli esse dentium initiò extrinsecus magis protuberantes, qui postea osse ceteris in partibus majorem acquirente crassitiem, non ita prominent, proindeque minus apparent. De quatuor autem foraminibus, per quæ hoc os admittit, & emittit venam, arteriam, & nervum quarti paris, quid dicam? In fœtu certè etiam noni mensis ita dubiè apparent, ut qui nesciretea in adultisesse, ne locum quidem, unde solent emergere, reperiret.

CAPVIX.

E dentibus nihil dicam aliud, quam nihil esse, quod hîc peculialiter sit commemorandum: tantà enim iis efformandis natura ludit varietate, ut si minutias persequamur, nullus futurus sit sinis. In fœtu certe nihil occurrit, quod vel novitate sua, vel differentia, ab adultis, curiofitatem lectoris, ad alia festinantis, moretur. Nam omnes fœtus dentibus carere, eoque differre ab adultis non mage dicendum est, quam eosdem neque magnitudine cum viris posse certare, & quod nihilominus dentati quinam nascantur Romana prodit historia, & quanto ante nativitatem tempore in fœtu dentes aliquando nostra invenerit experientia, in prima, quam edidi Observationum centuria observatione xxiv. dictum, hîc repetendum non existimo. Neque hoc dicendum, quod in fœtu non omnes omnium dentium efformati funt alveoli, cum in adultis adhuc post tot annos succrescant, quos vocant sapientiz dentes, qui ante non erant inchoati. Proinde totam de dentibushistoriam lubens prætereo, & ne diutius caputtibi, Lector, capitis perscrutando ossicula obtundam, ad corporis truncum descendo; ubi tamen inter ossa majora non decrunt sux, quæ diligentiam tuam requirant, minutiæ, quæ sæpius meam in exiguis sætuum corpusculis exercuere patientiam.

Gg

CA-

CAPUT XI. Os hyoides.

Os hyoides, seu ypsiloides, non quia Galenus illud in libello de ossibus præteriit, sed quia in sætibus nequidem cartilago ejus apparet, nos hîc bonâ lectoris veniâ omittemus. Quòd enim nullam habeat cum aliis ossibus articulationem, eò magis nobis de eo loquendum foret, qui ea maxime conquirimus, quæ minus sunt ordinaria, sed nolumus vel ideo extra oleas & terminos semel præsixos Osteogeniæ sætuum evagari.

CAPUT XII. Spina dorsi.

SPinam dorsi sub qua ipsum etiam os sacrum comprehendimus, quòd in sætu non minùs distinctis, atque à se invicem separatis constet osfibus, quàm cetera vertebrarum compages, inspecturi, primum in quo tota hæc vertebrarum syntaxis ab adultorum ossibus disferat; deinde peculiaria cuique ossi proferam, ac tum demum lectorem, ut mecum spectet, quomodo hæc hu mani corporis quasi carina primum inchoetur, quomodo augeatur, & quomodo usque ad partus maturitatem persiciatur, invitabo.

Hippocrates lib. de articulis, de adultorum spina es χες, inquit, χςι μῆκω εθυσκέλεω επ. Spina se-

fœtu locum non habet: incurvatur enim tota fœtuum spina per modum arcûs leniter inflexi, cujus convexitas extrorsum vergat, quam siguram spinæ nemo non dicet sætui necessariò contingere, qui situm ejus in utero materno in se ipsum conglobatum considerat: at dum postea homo erecto corpore incedit, mutatur hæc sigura, & in recticurvam Hippocraticam consortament.

Altera reperitur ab adultorum spina in sætibus disserentia, quòd spinoso careat processu, quasi naturæ quadam prudentia, quæ nihil ante tempus molitur, quo ipsa sibi incommodet; quantum enim tum involucris, tum utero ex conglobato sætus situ, quantum ex affrictu & transitu esset periculum, si acuminibus hisce protuberantibus dorsi armaretur spina. Cavit hoc natura, contenta tertio à conceptione mense rubicundioribus in cartilagine media lineis assignasse horum processuum locum, quæ quidem augentur paulatim, sed quamdiu latet in utero puer, non protuberant.

Non adfuntetiam in fœtu transversorum processuum ossex laterales protuberantiæ; adest tamen cartilago, unde eæ sunt formandæ, quæ in collo omnis transeuntibus perforatur vasis: omnium enim, quæ postea in ossibus clariùs apparent, curioso indagatori rudimenta spectantur in sœtu. Nescio itaque quid scrupulositate sua sibi Gg 2 velit

velit * Eyssonius, qui prima cervicis vertebra insculpi vult suum osseum foramen; ne vasa, versus caput illac traducta, in vario capitis instabilis motu acjactatione, contorquerentur, comprimerentur, vel attererentur; sicque sanguinis impediretur motus; quod alioquin per capitis, buic prima colli vertebra, tanguam atlanti, impositi viciniam, suo non careret periculo. Non enim ulla invenitur quantum ad processuum foramina in prima vertebra prærogativa præ aliis: omnes enim præditæ funt cartilagine perforatà, incipiente ab una parte osseam olere duritiem; quæ cartilago simulatque à corpore separata est, quia citò exsiccatur, claudit minutissima illa foramina: ideoque hæc visa ei fuerunt non exstitisse. An vir ille concepit vasa, quorum compressioni, & attritione tam prolixè timet, postea foramina in cartilagine, aut ossibus facere, vel ossa illis admirabili quodam modo circumdari?

Quartum, quo omnis fœtuum spina dissert ab adultis, est ossium triplicitas, quæ in vertebris omnibus reperitur; natura enim cavitatem, quâ medulla spinalis transeat fabricatura, à tribus ossissicationem aggreditur partibus, quæ postea in unum coalescentia, vertebram quidem unam constituunt, tribus tamen, quæ ante coalitionem

indita sunt nominibus, insignitam.

Prima pars interior crassa, & in rotunditatem quandam compressa, vertebræ corpus dicitur, aliæ duæ ad externam dorsi partem vergentes, alæ seu

officula lateralia dici possunt, & hæc quidem latiore in medio dorsi cartilagine à se invicem distant, à corpore autem etiam cartilagine media, fed angustiore. Hæc funt, inquam, terna vertebrarum officula, caveat autem à Fallopio quisquam in errorem inductus, plura quærere. Dicit enim ille in Observationibus anatomicis primam vertebram colli fibi in pueris visam esse quinque constare partibus, sed cum hoc tantum sibi ita videri, non clare à se visum esse affirmet, voluimus lectorem isto liberare præjudicio, quantocunque enim examine, & quotiescunque, & illam, & alias perscrutatus sum vertebras, nunquam plura, quam tria supra allata ossa reperi. Excepto osse facro, in quo miram quandam fabricatrix nostra servat præ ceteris methodum; sexto enim à conceptione mense ea parte, qua hoc ossi innominato per cartilaginem annectitur, in superioribus duabus vertebris producit officula bina, fingulis fingula dispertiens, quâ liberalitate pergens tribus inferioribus ita providet, ut nono mense in nullo desideretur hæc prærogativa, ut quinque constet offibus, quod & * Eyssonium, & + Coiterum latuifse videtur, quorum hic de osse sacro agens; be vertebra, inquit, ut cetera, etiam tres consequentur partes:ille verò. Atque ita tripartitæ sunt omnes vertebræ, quæ inter secundam colli & os coccygis collocantur. De epistropheo autem, qui nec ipse hoc ternario numero contentus est, loquemur postea. Gg 3 manois Qui-

* De offib. infantis cap. 4. † De offib. infantis cap. 6.

Quibus prælibatis, perge, quæso, Lector, mecum, & naturam intentam vertebrarum fabricæ contemplemur, & quid quoque tempore effecerit, inspiciamus, id quod à nemine eâ curiositate fachum esse intelligo. Videsne, ut tertio mense jam molita sit interius in sexta dorsi vertebra notabile offificationis punctum? atque inde versus caput paulatim minuendo ascendat usque ad quintam colli vertebram, ibique mensis hujus pensum abfolvat, ita ut quatuor superiores nihil adhuc ofseum in corpore suo ostendant. Descende jam mecum, sodes, à sexta dorsi vertebra inferius, & eadem proportione videbis' decrescentia singularum vertebrarum puncta ad tertiam ossis sacri vertebram. Atque hîc sistitur opus tertii mensis in corpore. Vertamus jam oculos ad externas duas vertebrarum partes laterales; hîc alio prorsus opus suum perficit ordine: nam ordiendo à summa colli vertebra in ea maxima ostentat ossisicationis infignia, atque ita descendendo perpetuò minuit, & antequam ad os sacrum perveniatur, in puncto terminatur, vix oculis perceptibili, osse sacro adhuc ab hac parte omnino cartilaginoso. Tertio igitur mense, ut distincte rem percipiamus, quatuor superiores colli vertebræ duobus tantum constant ossiculis, quòd eo osse, quem corpus vocavimus, adhuc careant : offis autem facri tres superiores vertebræ uno adhuc constant osse, corpore scilicet, quia laterales partes nondum quicquam offex induerunt substantia.

Quarto

Quarto mense, jam ossis sacri partes laterales usque ad coccygem osseam præse ferunt substantiam, sed interius ossea puncta, quæ consiciunt, magnitudine quidem aucta sunt, sed nihil accessit numero. Superius autem tertia & quarta colli vertebra jam corpore gaudent, atlante & epistropheo adhuc carentibus corpore.

Quinto & sexto mense os sacrum jam omnia habet ossistationis puncta; epistropheus item jam corpus habet osseum, sed processus ejus dentisormis adhuc est cartilago. Atlas adhuc ante-

rius corpore caret.

Septimo mense tandem epistrophei dens ossificatur, & Atlas punctum corporis sui ostendit osseum, ita ut hic jam tribus constet, ille dici

posset quatuor constare ossibus.

Octavo & nono mense hæc omnia crescunt & augescunt, os tamen coccygis etiamnum totum est, manetque cartilaginosum, nisi quòd nono mense internà eà parte, quæ corpus dicitur, exoriatur unum, vel quandoque duo puncta ossera, caput majoris aciculæ non excedentia.

Atque hæc est naturæ vertebras, & ex iis totam spinæ compagem consicientis historia; ex
qua jam de aliorum circa hanc rem scriptis &
dubitationibus facilè formabit judicium, qui
hæc legerit, & vel suo sibi labore spinæ sceleta
consecerit, aut ea, quæ à me consecta sunt inspexerit. Non itaque est operæ pretium te aliorum sententiis adserendis, aut resutandis diutiùs

tiùs detinere, Lector benevole, satis superque jam hoc per singula discursu desatigatum; nec verò falsitatis redargutione indiget veritas, à cujus lateribus spontè cadunt omnes dubitationum & opinionum catervæ.

CAPUT XIII.

Os innominatum.

Non phantastica est ossis innominati, 'ut qui-busdam videtur, qui adultorum tantum ossa consideraverunt, in tres partes nominibus suis distinctas divisio. Fuerunt enim in fœtu re verâ tria divisa, & cartilaginibus mediantibus sibi invicem annexa ossa: quorum primum, quod in adultis superiorem posterioremque ossis innominati partem constituit, osque tunc adhuc ilium nominatur, quia ante, cum separatum erat, eo nomine donatum fuit, offis facri vertebris per medias cartilagines annexum, furfumque excurrens, flexo in semilunæ formam, cartilaginoso circumdatur limbo; antrorfum autem porrectum magnam acetabuli partem constituit: ac deinde descendens maximi foraminis margini attenditur. Alterum verò os pubis dictum, à parte ossis ilii anteriore, atque cartilagine acetabuli superiore ad cartilaginosam commissuram breviore tenuioreque corpore protenditur. Os verò coxendicis, vel ischii non exiguam acetabuli esformans particulam, crassiore pauloque latiore corpore oblique descendescendit, & una cum pubis osse jam dicto, & anteriore cartilagine foramen osseæ pelvis circumdat. Hæc ita descripta, & verè distincta ossa in fætibus jam quomodo enascantur, & augescant, habe.

Secundo mense, quod postea unum fietos, jam non nisi unica & indistincta est cartilago, in osse tamen illi speciatim dicto, circa acetabulum apparet punctum jam offisicatum, quantum caputest vulgaris & mediocris magnitudinis aciculæ.

Tertio mense punctum istud osseum os factum est, & formam, quam supra ei dedimus, semilunarem suâ circumdatam cartilagine exhibet satis perfecte, sed socia duo ossa adhuc sub sua delitescunt cartilagine, nihil præ se ferente osseum.

Horum autem os coxendicis quarto menfe profert caput album circa acetabulum, fed caput non majus, quam aciculis vulgaribus apponitur. Quod mense quinto os pubis æmulatur etiam circa acetabulum, aucto jam infigniter offe coxendicis, & osse ilii jam perfecte formam suam notabili magnitudine ostentante. Itaque tria hæc ossa concurrunt simul ad constituendum acetabulum, quæ usque ad nonum mensem suis augescunt incrementis, ita tamen, ut nono adhuc mense laxis inter se cartilaginibus mediis connectantur. Faciunt enim hæc cartilaginosa vincula vehementer tam ad facilitandum globiformem infantis in utero situm, quam pueri ex utero egressum, dum contrahuntur ossis ilii protuberantiæ, quò inoffense magis infans prolabatur ex utero.

Hh CA-

CAPUT XIV.

endrotai alo aball Cofta.

IN costarum infantilium bistoria vix quicquam oc-currit, quod ab adultorum costis magnopere distet, Salva interim proportione, inquit * Eyssonius. Nos autem non tantum, quid ab adultis fœtuum costæ differant, sed etiam quænam fætibus ipsis inter se diverso tempore consideratis intercedat inæqualitas, accurato libramus examine: ut lector quasi intersit admirabili isti corporis humani fabricæ, & ossa quid de mense in mensem varient

percipere, atque inter se comparare possit.

Si ergo fœtum mense secundo cultro anatomico subjicias, invenies costarum summam & imam adhuc teneras esse cartilagines, cum ceteræ omnes induerint jam tum osseam naturam, colorem, & firmitatem adeo perfecte, ut alveolus ille per quem nervus, arteria, & vena intercostales transeunt, jam clare se visendum præbeat. Facitautem præmatura hæc durities, cum illa, quam in clavicula etiam præcocem adeo annotabimus, ut cor & pulmones sub ea, quam simul efficiunt cavitate, & quasi fornice, tuta ab omni compressione conquiescant, crescant, & actiones, quibus tum opus est, vitales exerceant. In costarum interim extremitatibus nulla prorsus adhuc comparet articulatio, sed rudi isti cartilagini, unde postea

postea spina cum toto suo choragio est efforman-

da, quasi negligenter assiguntur.

Tertio mense veluti segnitiei suæ pænitens natura tantâ festinatione summam costam, quæ secundo mense adhuc mera erat cartilago, in ofseam induit substantiam, ut jam neque latitudine, neque soliditate ulli cedat earum, quæ mense jam toto ante eam fuerunt osseæ; ima jam etiam exiguum ossificationis suæ dat signum, quamquam aliquando (quod non ordinarium est) ad

quintum mensem maneat cartilaginosa.

A quarto ad nonum mensem non alia re variant, quam magnitudine, & soliditate, qua paulatim augentur & firmantur, capitulis, quibus uniendæerant cum vertebris, usque ad ipsam nativitatem in sua substantia cartilaginosa sine ullis ossificationis indiciis delitescentibus. De numero costarum, quem rarò duodecimum excedere, rarius infra subsistere, Anatomici affirmant, hoc eorum suffragatur sententiæ, quod inter tot fætus tantum unum invenerim, qui non nisi undecim ab utroque latere exhibebat costas, quod, quia tam rarò occurrit, servandum mihi illud sceleton putavi, quò possim hanc etiam curiosis oculis ostendere varietatem.

Figura costarum ita in arcum slexa, ut fornicem, de qua supra, pectoralem essiciat, satis nota & descripta est aliis, sed altera costarum incurvatio, quâ sex superiores extremitatibus suis sursum, medio sui deorsum vergunt, sex alix contra con-

Hh 2

convexitate media sursum, extremitatibus deorsum tendunt, nescio quomodo aliorum sugerit diligentiam; nobis certe accurata fœtuum suggessit indagatio: nam in his, quam in adultis hæc arcuositatis diversitas multo est notabilior; imò paulatim cum ætate ita minuitur, ut in quibusdam vix appareat. Si qui hanc incurvationem in sceletis suis non animadvertant, sciant eam se costas coquendo, & à spina dorsi solvendo immutasse. Quisquis enim eas in naturali suo situ reliquerit, eam poterit liquidò animadvertere. Lile non meniem menon be orreup A

CAPUT XV.

uniendie enangem. munnel ufquead ipfam na-

Cum in sterniossificatione nusquam natura ipsa sibi constet, non mirum est autores ita variare, ut nemo non alteri contradicat. Cum enim cuique eorum unus tantum alterve fœtus, quòd ex scriptis eorum patet, obtigerit, & aliter hic, alter ille subjectum suum constitutum repererit, quisque ordinarie putavit fieri, quod in suo factum esse comperiebat: ego prius quod in meis omnibus constanter reperi dicam, tum recensebo, quam vario natura ludo aliis illuserit.

Nullus mihi unquam oblatus est fœtus, qui mense quarto ostenderit ullum in sterno ossiculum, quod, quamvis tempus non ita definiat, tamen indicasse videtur Eustachius, dum ait,

Puerorum sternum in prima generatione totum cartilagineum est, & prorsus continuum, nullaque

linea distinctum.

Reliquo ad nativitatem tempore ordinarie dicuntur officula esse septem: Fallopius & Bartholinus octo statuunt: ego in quinque pueris novem mensium, quorum sceleta penes mesunt, non inveni, nisi quatuor, ad summum sex, nunquam plura, sed pauciora sæpe. Aliquando mense quinto duo inveni. Sexto jam quatuor, jam quinque; aliquando unum (quod forte etiam * Bartholino occurrit, qui de sterno ita pronunciatin infantibus totum cartilagineum est, præter os illius primum) fuit etiam, quòd nullum reperim. Octavo mense major adhucest varietas, à ternario enim numero usque ad sextum, etiam medios suit videre in variis fætibus, ut nihil liceat certi nobis statuere, cum natura nullam hîc fervet regulam. În magnitudine autem, ordine, & situ tam diversimode evagatur rerum illa creatrix, ut hîc ostentare videatur libertatis suæ nullis astrictæ legibus privilegium. Nec enim semper à summo capit initium, sed interdum in medio primum emicat ossiculum: nec quæ superiora majora sunt semper, vidi quippe, ubi magnitudine inferiora excederent. În situ verò ne quidem hanc accipit legem, ut sub altero ponatur alterum, & rectam perpendicularemque horizonti constituant inter se lineam, sed sæpiuscule quædam evagantur ad latera tam ex-Hh 3

^{*} In Anat. reform. libello 4, cap. 18.

traordinarie, ut lineam quandam inter se faciant

horizonti parallelam.

Non est itaque, cur in eo se torqueant Anatomici, ut certam pronuntient sententiam, nisi eam, nihil hîc esse certâ lege definitum, nisi forte fallere velint, ut & ipsi falsi fuerunt, putantes, ut dixi, id, quod quisque in oblatis sibi sætibus invenit, esse legem naturæ stabilem. Laudo hîc *Eyssonii prudentiam, qui cùm in unico sætu suo forte nullum invenisset ossiculum, maluit aliorum laudare sententias, quam astruere suam.

* De ossibus Infant. cap. 4.

C A P U T XVI.

Theologi loquuntur, prudentia; ita mirari eam maximè licet in geminis illis ossibus, quæ claviculæ nominantur. Nullum enim os citius, quàm hoc toto corpore perficitur, adeo ut sex primis à conceptione hebdomadibus, tota sint ossea, ut meritò hæc ego vocare possim ossa agrappeda. Intererat autem hominis quamprimum hæc persici; cùm enim supremo ossi sterno per arthrodiam synathroseos, & acetabulo humeri eadem articulatione conjungantur, sintque scapulæ, & sternum initio prorsus cartilaginea, opus erat forti aliquo sulcimento, ne hæc collapsa corculum

culum opprimerent, quam eandem etiam ob causam usque ad mensem tertium crassiora sunt omnibus ossibus, neque incipiunt ante mensem quartum ab artuum ossibus superari. Id etiam in iis consideratione dignum, quod à principio formam & siguram tam perfecte referant, quam cernere est in ætate provectis.

C A P U T XVII. Scapula.

SCapulæ partes, quod omnibus constat, sunt basis, spina, cervix, processus coracoides, seu anchoriformis, & processus summus humerus dictus. De singulis quomodo in sœtu se habeant dicendum, ac primum de tota scapulæ massa, quæ secundo mense adhuc informis quædam ac rotunda cartilago est, puncto albo in medio notata, quod indicat ossificationis principium, desinit hæc cartilago sine ullo distinctionis indicio in partem angustiorem, longiusculam albam lineam in medio ostentantem, quæ postea in os humeri à scapula distinctum efformatur. Tertio mense jam formam habet suam, & spinam, ita perfecte osseam, ut exiguâ cartilagine circumdetur superius, cui adhæret summus humerus, qui adhuc est omnino cartilagineus, uti & processus coracoides, & cervix, imò & basis adhuc plus medià sui parte cartilaginea est. Quæ'vel ideo mihi annotanda videntur accuratius, ut dirimi

possit lis, quam * Eyssonius intentat Riolano & Coitero: dum eos coarguit erroris, quòd cervicem dixerint cartilagineam. Facilè enim virorum istorum partes agam, si dixero Eyssonii fætum, quem unicum secandum habuit, trimestri fuisse majorem. Mirum autem dictu, & citra fidem videatur, quam cito, quantisque progressibus natura in fœtuum ossibus augendis & perficiendis, post tertium præcipuè mensem, procedat. Quarto enim mense cervix, quæ tertio tota, & basis, quæ plus media sui parte erat cartilago, jam hæc ita est ossificata, ut tantum angusto limbo cingatur cartilaginoso, & cervix media sit ossea. Riolanus ergo & Coiterus verè de cervice pronuntiarunt, eam totam esse cartilaginem, ante quartum nimirum mensem; Eyssonius autem etiam verè dixit se eam invenisse ossea substantia præditam, sed non recte tamen eos de anteriore tempore loquentes reprehendit, aut corrigit; nec enim recte infertur ex uno tempore ad aliud consequentia, in fœtu præsertim, ubi omnia mutantur ferè in horas. Ut autem ad bafim redeam, limbus ille cartilaginosus angustior, qui cam adhuc quarto mense cingit, quinto ac reliquis deinceps paulatim minuitur; inferius tamen ubi in acumen desinit, multo tardius acquirit ossis sirmitatem, quòd ea pars longiùs abestà centro circuli, quem ossissicando natura conficit. Jam processus gemini quid? sunt ii ad nonum

usque mensem adhuc magnam partem cartilaginei, uti acetabulum, & ei insertum capitulum ossis humeri, quæ ne nativitate quidem firmitatem ossis acquirunt; hinc recenter nato in attolendo brachio difficultas. De fissura autem illa, seu interstitio hiante inter coracoidem, & basis partem quæ ei subjacet, quid dicam? de qua, nescio, an quis loquatur; ego verò non aliud habeo dicere, nisi quòd ante mensem quintum non apparet ejus vestigium, postea paulatim magis magisque excavatur, ut nono mense semilunarem figuram exhibeat, quæ deinde istam, quam in adultis videmus, acquirit formerus ; inferiore autem bine juxea fe in mem

collocate confpiciuntiir, quibus culticus & radius in os formari incipiunt. Hoc loco, quod non paucis offibus commune off, quia in hifce infignirer apparet, admonebo; es nimirum dum crefcunt & himaniur in media fui parte, ubi prima fe produnt subalbida ofificacionis vestigia, elle interius cava quidem, sed cavitatem bus firmis, hoc elt offen findfantia hac in parte. quam in ceteris duriore; extremitates autems

ubi parietes minus funt firmi, spongiosa quadam replentai materia, que potins diel pollit offeam imitari fuofiantiam, quam ipfa offis vel

Carpus, metacarpus, & digitorum, at loquantur, phalanges una funt cartilago, quas

CAPUT XVIII.

Artus Superiores.

Quod in scapulæ descriptione annotavimus, eam secundo mense nulla adhuc articulatione ab osse humeri distingui, hic animadvertendum multo etiam magis in offibus artuum fuperiorum, necdum enim tum ab humero cubitus, neque ab hoc radius vel articulatione, vel separatione per medium distinguitur, sed una eademque omnium cartilago est, in cujus parte superiore longiuscula alba linea unica, quâ humerus; inferiore autem binæ juxta se invicem collocatæ conspiciuntur, quibus cubitus & radius in os formari incipiunt. Hoc loco, quod non paucis ossibus commune est, quia in hisce insigniter apparet, admonebo; ea nimirum dum crescunt & sirmantur in media sui parte, ubi prima se produnt subalbida ossificationis vestigia, esse interius cava quidem, sed cavitatem illam repleri medullà, & circumdari parietibus firmis, hoc est ossea substantia hac in parte, quam in ceteris duriore; extremitates autem, ubi parietes minus funt firmi, spongiosa quadam replentur materià, quæ potius dici possit osseam imitari substantiam, quam ipsa ossis vel induisse naturam, vel habere consistentiam.

Carpus, metacarpus, & digitorum, ut loquuntur, phalanges una sunt cartilago, quæ

con-

contra ac de cubito & radio dicebamus, quinquefariam in totidem digitos fissa est, in quorum extremitate, si quis conspicillo, aut lynceis utatur oculis, puncta quædam alba possit conspicere, unde substantia ossea suæ sumet sir-

mitatis principia.

Tertio mense artuum superiorum cartilago, uti dicebam unica, ostendit quasi dubio sigillo sibi impressam articulationem. Cubitus & radius ita discessionem secerunt ab invicem, ut non amplius uni inhæreant cartilagini, sed quodque sua circumdetur, & distinguatur superficie. In carpo se produnt puncta quædam subrubra singula centrum suæ ossisicationis indicantia. Metacarpus, & digitorum ordines jam tum ostentant distincta sua ossicula in longitudinem extensa.

Mensibus tribus sequentibus nihil variat sed tantum auget paulatim, quæ jam inchoata sunt,

natura parens.

Septimo & octavo mense apparent obscure quidem, sed apparent, nono autem clare & perspicue videntur omnes sinus, tubercula, trochleares appendices utriusque epiphyses, humeri, cubiti, item & radii, octo cartilaginum carpi, articulationum metacarpi, & digitorum æque distincte jam in cartilaginibus sætuum, quam in ossibus pestea seniorum. Unde caute legendus * Coiterus, & qui ex eo descripsit † Riolanus, ubi dicit. Carpi osa, dum sætus nascitur, ex una

De offibus infantis cap. 10. † Enchir. lib. 1. cap. 29.

cartilagine conflantur, postea siunt ossea, & à se mutuo distinguuntur: si namque verbis his indicare velit confusam unam cartilaginem, quæ nondum præbeat rerum, quas jam attulimus, conformationem, fallitur, uti etiam * Eyssonius dum ait, Inferior verò cubiti cartilago nullum procesûs styloidis, aliorumque præbet indicium. Nos enim, ut verbis ejus utar, operoso hæc indagavimus molimine, & asserimus, jam tum à mense quarto apparere vestigia earum distinctionum, quæ ipse nono mense vel esse negat, vel an sint dubitat. Quare ea omnia, quæ isto capite vel oblique, vel directe in dubium vocare videntur hanc in cartilagine distinctionem, una omnia delemus spongià, quòd nihil tam minutum sit eorum, que postea in ossibus formatis existunt, quod septimo mense se non prodat, & nono clare videatur in cartilaginibus. Ea potius animadvertenda diversitas, quod os humeri in fœtibus, & recenter natis sit rectum & teres, in senioribus autem fiat, contortum, & curvum. * De offit. infantis cap. 4. 2111111 20111110 AUTHODIV OHOLQ

enbire, item & radii, otto carrilagiaum carpi, arricular commo meracarrii . & digitorum seque

diffinds an in carcifegialous foculum, quamin

offibus patten fentorum. Unde caut? legendus

* Conterus, & quiex co deferiplie + Riolanus,

ubi dicie. Carn uka saam farus gakurur, exuna

insolite Color Picus Titolicari

Artus inferiores.

S femoris duobus primis mensibus cum osse tibiæ media cartilagine continuatur, nullo adhuc apparente in ea articulationis vestigio. Circa os tibiæ verò non tantum admiratus sum, sed ferè obstupui, quòd in duobus istius ætatis, quæ, quantâ potui, examinavi diligentià, nullum invenerim focilis minoris, five furæ vestigium: non esse, mihi religio est asserere, quòd non facile in animum inducam meum naturam tantæ & tam notabilis partis nullum jam duobus mensibus fabricatam esse rudimentum. Sed quid faciam? mordicus adhuc illi adhæreo propofito nihil affirmandi, nisi quod clare oculis ipse meis perspexerim: si quis posthac me vel diligentior, vel felicior partem invenerit, & ostendere possit, debebimus illi cum gratiarum actione hujus dubii nostri solutionem; non sine aliquo gnavæ industriæ ejus encomio.) sag sasabni muron

In pedum tarso, metatarso, & digitis cum eandem natura servet rationem, quam in carpo, metacarpo, & manuum digitis, nec nos orationem variabimus, toti enim sunt cartilaginei, apparentibus tantum hinc inde quibusdam punctulis, quæ ossisicationis rudia sunt exordia.

Tertio mense, unde unde prodierit, jam apparet sura, sive socile minus, osseum quidem æquè ac tibia, hac tamen tenuius aliquantò & brevius. Metatarsus autem ita obscurè ossificari incipit, ut satearis videre te quippiam, quod tu nec osseam induisse, nec cartilagineam exuisse substantiam dicere audeas. Neque de patella sit ne hoc tempore, an non, patet, si autem sit, est uti.

Quarto mense apparet, & etiam longo post nativitatem tempore permanet tota cartilaginea. Quid tarsus, quid metatarsus? hujus ossicula mirum in modum aucta sunt, illius verò punctula dubia, jam se rubore quodam produnt, & ossicationis variæ centra (ut & alii ante nos locuti suêre) ostendunt. At in digitorum pedis fabricatione singulare quoddam, & prorsus diversum ab eo, quem in manuum digitis secuta est, ordine, videtur naturæ eos essigiantis machinamentum. Hoc enim mense de quo agimus quarto, singulorum articuli inferiores jam punctis distinguuntur, quemadmodum & summi, mediis adhuc nihil, quod ossificationis minimam notam indicet, præ se ferentibus.

Quinto & sexto mense primus à pollice jam gaudet puncto articuli medii, & tanquam si dignitatis quendam in eo servent ordinem septimo & octavo etiam secundus, tertiusque, nono denique minimus minimum tandem ostendere audet in medio suo articulo ossissicationis indicium.

Ungues, quòd ossa non sint, sed peculiaris quadam substantia, & ad excrementa referan-

tur ut plurimum, nullo jure hîc sui mentionem postulent, quamvis jam inde à mense tertio formati apparent: atque hæc de articulorum in digitis successiva ossificatione dicta sint: ut autem redeamus, unde nos hæc contemplatio abduxit.

Quinto, sexto, septimo, & octavo mense augescunt gradatim omnia, quæ quarto comparuêre: septimus ossis calcanei principiis, octavus ossisticatione astragali, & calcanei insignis est, nec non articulationibus quibusdam apparentibus in cartilagine; quibusdam, inquam, non enim articulatio in omni cartilagine perfecte ante nonum mensem delineata est.

FINIS.

quo mente Offeogenia loquatur, inspiciarque

cabulam, que issius mensis depirgir færum, ibique reperiet talem obs depisan considerionem; qualem Osloogeria describit.

A tecrum, quod viochatur opera pretium admonuisse; quòd coin toquamur aliquando de
minuculis ostis alicums pertibus, non permist
figura, ur licueras malices ipto, quo res extibetur, todo adicriberemus, quippe totam rem
demonthandam obumbraturas: lineam itaque

extra figuram protravinus, cujus apici littera

ADMONITIO.

Quò tabulis majore cum fructu utatur Lector, dum earum inter legendum fieri desiderat spectator, hoc ante omnia animadvertat. In Offeogenia nos capitibus singulis, de uno aliquo osse, vel ossiculis aliquot ad id pertinentibus agere, atque examinare quomodo sese per singulos menses habeant; has autem tabulas anatomicas singulas ossendere omnia ossa, quemadmodum uno aliquo mense constituta sunt. Dum ergo inter legendum quis avet haurire aliquam ex tabularum inspectione claritatem, notet de quo mense Osseogenia loquatur, inspiciatque tabulam, qua issus mensis depingit sætum, ibique reperiet talem ossis depictam constitutionem, qualem Osseogenia describit.

Alterum, quod videbatur operæ pretium admonuisse; quòd cum loquamur aliquando de minutulis ossis alicujus partibus, non permisit sigura, ut litteras indices ipso, quo res exhibetur, loco adscriberemus, quippe totam rem demonstrandam obumbraturas: lineam itaque extra siguram protraximus, cujus apici littera appicta est, quæque exortu suo locum petitum

denotet.

Tabula xxxII. fœtum duorum mensium, & prima in eo ossificationis principia ostendit; quem sigura expressimus paulo, quam natura ipsum dat, majore; quamvis enim distinctissime omnia apparent in eo, quod servo, ad sidem extorquendam, sceleto; non potuissent tamen in pictura ita clare videri, nisi nonnihil magnitudini indulsissem.

A. Tota capitis moles cartilaginea.

b. Par tertium maxillæ superioris ossificationis rude præbens principium.

B. Maxilla inferior tota ossea, in medio jam nunc distinctissime distincta.



262 TH. KERCKRINGII

C.C. Clavicula bina, ossum ominum primogenita.

d. d. d. d. Summa & ima costa cartilaginea, cum reliqua omnes jam sunt ossea.

E.E. Manus totæ cartilagineæ, fissæ in quinque digitorum ordines, in quibus apparent quasi pun-Eta quædam ossificationis principia.

F.F. Cartilago ossis innominati, in qua apparent puncta ossissicationis bina ossis ilii stricte dicti.

G.G. Focile majus: cui nullum adest, neque cartilaginis, neque osseum focilis minoris indicium.

H.H. Pedes toti cartilaginei: uti dictum est de manibus.

Tabula xxxIII. fœtum trium mensium exhibet.

FIGURA I.

Totius est fœtus delineatio.

A. Capitis tota capacitas adhuc maxima ex parte cartilaginosa.

b. b. Ossificationis initium supra orbitam oculorum.

B. Maxilla superior magna ex parte jam ossea.
C. Divisio maxilla inferioris admenti medium.

D.D.&c. Articulationes omnes majores cartilagineæ: minores in manibus & pedibus ipsæ suå nigredine sunt conspicuæ.


E. Sternum totum cartilaginosum.

F.F. Metacarpi, & digitorum distincta ossicula in longitudinem extensa.

G.G.

OSTEOGENIA FOETUUM.

G.G. Osis innominati cartilago, in qua nibil adbuc osseum præter h. h. ossis ilii stricte dicti principia, jam nunc ossea.



I.I. Duo for amina in cartilagine osis innominati circa locum ubi ossa pubis & coxendicis formabuntur.

K.K. Articulationes pedum ut quarto mense apparent, sed obscurius.

FIGURA II. III. IV. V.

Ostendunt ossis magni triangularis in osse occipitis varietatem. Quandoque enim constat
osse unico, ut sig. 111. litt. A. Quandoque
Kk 2 duo-

264 TH. KERKRINGII

duobus, ut sig. 1v. litt. B. B. Quandoque tribus, ut sig. 11. lit. C. C. C. Quandoque quatuor, ut sig. v. litt. D. D. D. D. Ceterum in omnibus e. e. e. &c. ostendunt ossicula ab hoc triangulari distincta, quæ postea cum eo coalescunt. F. &c. foramen pro transitu medullæ spinalis denotat.

FIGURA VI.

Maxillam inferiorem quadripartitam ostendit.

A. Divisio in menti medio.

B.B. Cornua noponalista, quibus musculi temporalis tendo implantatur, quæ usque ad tertium mensem ossium suturà suà à reliqua maxilla separatorum sunt capita. Ossa autem bæc, quo melius conspici possint, non nibil extra situm naturalem sunt distorta.

FIGURA VII.

Scapula.

Scapulæ summus humerus a. Processus coracoides b. Cervix c. toticartilaginei. Basis item D. multum adhuc habet cartilaginis.

FIGURA VIII.

Vertebrarum partem internam exhibet.

A. Sextæ dorsi vertebræ notabile osificationis punetum: unde sur sum ver sum minuendo paulatim ascenb. Tertia ossis sacri vertebra; quò usque ossiscatio boc mense minuendo descendit.

FIGURA IX.

Vertebrarum partem externam ostendit.

A. Summa colli vertebra, à qua semper minuendo osificationem boc mense descendit natura usque ad os sacrum.

Tabula xxxiv. fœtum quatuor mensium exhibet.

FIGURA I.

Totius est fœtus delineatio.

A. Fontanella.

B. Sutura os frontis dividens.

C.C. Cartilaginositas in centro ossis frontis.

D. Maxillæ inferioris divisio.

E.E.&c. Articulationes omnes majores cartilagineæ: minores in manibus & pedibus ipsæ sua nigredine sunt conspicuæ.

F. Sternum adhuc totum cartilaginosum.


G. G. Cartilago circumdans os ilii.

H. H. Os ilii stricte dictum, ab osse coxendicis (pubis enim adbuc nullum est) distinctum.

I. Os coxendicis à parte sinistra; dextrum enim ut ostendatur, delineatio non permittit.

Kk 3

k. k. Fo-



k. k. Foramina magna in offe pubis & cartilagine coxendicis.

L.L. Patella cartilagine a obscure à cetera articula-

tionis cartilagine distincta.

M.M. Articulationes digitorum pedis; mediæ nullum adhuc apparet indicium.

FIGURA II.

Os temporum.

A. Os squamofum.

B. Processus zygomaticus.

C. Tympani membrana in situ naturali.

D. Circulus offeus tympani membranam ambiens.

E. Ossis petrosi exigua lineola jam ossea.

F. Processus styloides adhuc cartilaginosus, distintus tamen à reliqua cartilagine, in situ suo naturali.

G.G. Cartilaginositas magna ossis petrosi.

FIGURA III.

Os sphenoides à parte interiore, ut octo ejus ossicula appareant.

A. A. Primum par : processus pterygoidei.

B.B. Secundum par: principia eorum processuum, qui deinde maxillam superiorem tangunt.

C.C. Tertium par: principia ossis, que sellam equinam postea constituent, nunc ossicula distincta, caput

268 TH. KERCKRINGII

caput majoris aciculæ æquantia. Quæ celerrime in formam figuræ appositæ K. coalescunt.

D.D. Quartum par: principia ossis, qua nervi visorii transmittentur, nunc ossiscatæ binæ lineolæ.

Ceterum os sphenoides boc mense nihilest, nisi continua cartilago, que octo jam assignatis punctis diversis in locis ossificatur.

FIGURA IV.

Os sphenoides parte exteriore.

A. A. Par primum.

B.B. Par secundum.

C. C. Par tertium.

Par quartum nervis visoriis destinatum, bîc non apparet.

Tabula xxxv. fœtum quinque mensium exhibet.

FIGURA I.

Totius est fœtus delineatio.

A. Fontanella.


B. Sutura os frontis dividens.

C.C. Cartilaginositas in centro partium ossis fron-

D. Maxilla inferioris divisio.

d. d. d. &c. Alveoli dentium.

E. E. &c. Articulationes majores omnes cartilaginea:





OSTEOGENIA FOETUUM.

neæ: minores in manibus & pedibus nigredine ipsæ suä sunt conspicuæ.

F. Ossicula sterni.

G. G. Cartilago circumdans os ilii.

H.H. Os ilium stricte dictum, à duobus aliis ossis innominati ossibus distinctum.

i. i. Os pubis distinctum à duobus aliis.

k. k. Os coxendicis distinctum ab osse pubis & ilii.

L.L. Foramina magna in osse pubis & coxendicis.

M. M. Patella cartilaginea.

n.n. Punctum in primi à pollice pedis digiti medio articulo apparens.

FIGURA II.

Os sphenoides exhibet sœtus quinque mensium, jam in unum coalitum.

A. Cartilago major circa cellam equinam.

b.b. Foramina pro transitu nervorum opticorum.

c.c.c.c. Foramina pro transitu nervorum.

FIGURA III.

Tria in osse petroso ossicula ostendit.

A. Os squamosum.

B. Processus zygomaticus.

C. Membrana tympani.

D. Circulus osseus tympano circumdatus.

e. e. e. Tria petrosi ossis distincta ossicula.

E. Religuum osis petrosi cartilagineum.

FIGURA IV.

Officula auditûs oftendit.

A. Malleus processu suo longiusculo a, cui tympani membrana adhæret, adhuc cartilaginosus.

B. Incus processu suo b. adhuc cartilaginosus.

C. Stapes nondum suam isoscelis figuram adeptus.

FIGURA V.

Epistropheus.

A. A. Gemini processus laterales epistrophei osei.

B. Corpus, jam apparens offeum.

C. Foramen pro transitu spinalis medulæ.

FIGURA VI.

Atlas.


A. A. Gemini processus laterales atlantis offei.


B. Ubicorpus formabitur adbuc mera est cartilago.

I ria in olle petrolo officula offendit.

Religaum ofis verrol cartelaginesum.

C. Foramen pro transitu spinalis medulla.





Tabula xxxvi. fœtum sex mensium exhibet, nec præcedentem vincit, nec à sequentibus vincitur tantis incrementis, quantis minores sese invicem gradatim superaverunt.

FIGURA I. Fœtûs totius est delineatio.

A. Os syncipitis.

B. Fontanella.

C. Sutura os frontis dividens.

D.D. Cartilaginositas in centro partium ossis frontis adhuc apparens.

E. Maxillæ inferioris divisio.

F.F. F. &c. Articulationes majores omnes cartilagineæ: minores in manibus & pedibus sua ipsæ nigredine satis sunt conspicuæ.

G. Officula sterni.

sludaT

H.H. Cartilago circumdans os ilii.

I.I. Os ilii stricte dictum, à duobus aliis ossis innominati ossibus distinctum.

K.K. Os pubis distinctum à duobus aliis.

L.L. Os coxendicis distinctum ab osse pubis & ilii. M.M. Foramina magna in osse pubis & coxendicis.

N.N. Patella cartilaginea.

o.o. Punctum osseum in primi à pollice pedis digiti articulo medio apparens.

Labula XXXVI.II TIA R W Bri To exhibet, nec os occipitis. v metaebeserq

A. Prima pars osis occipitis, magnum scilicet os triangulare, bîc quatuor suturis irregularibus b. b. b. b. præditum.

B.B. Cartilago circumdans os occipitis.

C. Secunda pars offis occipitis.

D. Tertia pars ossis occipitis. E. Quarta pars osis occipitis.

F. Ossiculum triangulare, quod jam inde à quarto mense prodire incepit.

G. Foramen, per quod transit medulla spinalis.

FIGURA III.

Bina in offe petroso officula offendit.

A. Os squamosum.

B. Os primum maxilla superioris.

C. Processûs pterygoidei portio.

D. Ossis petrosi pars, que jam ex duabus coaluit.

e. Tertium offis petrofi officulum.

E. Ossis petrosi circumferentia cartilaginea.

Pansam odeam in primi a police peais degite

e III

Tabula xxxvII. fœtum septem mensium exhibet, paulo quam eo tempore solent esse majorem, prodierat enim cum fratre suo gemello vivus in lucem.

FIGURA I.

Totius est fœtus delineatio.

D. Offes petrofs vircumferensia a

A. Os Syncipitis.

B. Fontanella.

C. Sutura, os frontis dividens.

D. Os temporum.

E. Maxillæ inferioris divisio.

F.F.&c. Articulationes majores omnes cartilagineæ, minores in manibus & pedibus sua ipsæ nigredine satis conspicuæ.

G. Osicula sterni.

H.H. Cartilago circumdans os ilii.

I.I. Os ilium stricte dictum. à duobus aliis ossis innominati ossibus distinctum.

K. K. Os pubis distinctum à duobus aliis.

L.L. Os coxendicis distinctum ab osse pubis & ilii.

M. M. Foramina magna in offe pubis & coxendicis.

N.N. Patella cartilaginea.

O.O. Os astragali.

P. Os calcanei, quod in dextro videri non potest.

q. q. q. Puncta in primi, secundi & tertii à pollice digiti medio articulo apparentia.

Tabula xxxvi.IIfcana U pela Thenfum exhi-

Quæ primò tria, deinde bina fuerunt in petroso ossicula, jam in unum coaluisse, ostendit.

A. Os squamosum.

B. Processus zygomaticus.

C. Ossis petrosi sabstantia, ex tribus jam sæpe di-Etis in unum coalita.

D. Ossis petrosi circumferentia adbuc cartilaginea.

FIGURA III. Officula auditûs proponit.

A. Malleus.

a. Mallei processus major adbuc cartilaginis quippiam in fine ostentans.

B. Incus.

b. Incudis processus in fine carlaginosus.

C. Stapes.

FIGURA IV.

Or covendicis distast an offe paper or ili

A. A. Gemini processus laterales atlantis offei.

B. Punctum offeum boc mense apparens, unde corpus paulatim formabitur.

digiti'medio articulo apparentia.

C. Foramen pro transitu spinalis medulla.

Epistropheus.

A. A. Gemini processus laterales epistrophei ossei.

B. Corpus. Companion autorillo auto

C. Principium offisicationis in dente.

D. Foramen pro transitu spinalis medulla.

FIGURA VI.

suspensib source Scapula. Scapula.

A. A. Gemini processus summus humerus & coracoides adhuc pluvima sui parte sunt, & usque ad nonum mensem manent cartilaginei.

B. Limbus cartilagino sus angustus basin circumdans.

C. Fissura quædam semilunaris inter coracoidem & basin, quæ mense quinto se incipit ostendere.

N. Os coxendicis distinctum ab offe pubis & ilii.

O. O. Corremine magnarine the pubis & coxendicis

Q. Os afragali car ilagine undique cinclum.

digiri medio untigità apparentia.

innominati ostibus distinctum.

P. P. Parella tora cartiloginea.

M. M. Os pubis diffindum ab aliis duobus.

TH. KERCKRINGII 276

Tabula xxxviu. fœtum octo mensium ostendit.

FIGURA I.

Totius est fœtus delineatio.

C. Principium oshificationis in

De Forance pro transfen spine

A. Os Syncipitis.

B. Fontanella.

C. Sinus longitudinalis per dur am matrem conspicuus.

D. Sutura, os frontis in duas partes dividens.

E. Os temporum.

F. Maxilla inferiorioris divisio.

H. H. H. &c. Articulationes majores adbuc omnes cartilaginea: minores in manibus & pedibus sua ipsa nigredine satis sunt conspicua.

I. Osicula sterni.

C. Filura quadam semilunari K.L. Cartilago circumdans os ilii.

L.L. Os ilium stricte dictum, à duobus alis ossis innominati osibus distinctum.

M. M. Os pubis distinctum ab aliis duobus.

N. N. Os coxendicis distinctum ab osse pubis & ilii.

O.O. Foramina magna in offe pubis & coxendicis.

P. P. Patella tota cartilaginea.

Q. Os astragali cartilagine undique cinctum.

R. Os calcanei.

cludeT

1. s. f. Puncta in primi, secundi, & tertii à pollice digiti medio articulo apparentia.






FIGURA II.

Membranam tympani membranæ obtensam, & processum styloideum cartilagineum ostendit.

A. Os squamosum in fætu à petroso distinctum.

B. Os petrofum.

C. Cartilago bæc offa distinguens.

D. Processus zygomaticus.

E. Membrana, quæ tympano incubuerat, reflexa, & loco suo mota, ut melius conspici possit.

F. Tympanum in suo situ.

G. Processus malleoli osseus per tympanum, cui adbæret, conspicuus.

H. Circulus cui tympani membrana annectitur offeus.

I. Processus styloides cartilagineus, qui circulo naturaliter incumbit, à loco suo nonnibil remotus, ut appareat. Tabula xxxix. fœtum novemmensium delineat.

FIGURA I.

Totius est fœtûs delineatio.

A. Os Syncipitis.

B. Fontanella.

C. Sinus longitudinalis per ipsas membranas conspi-

D. Sutura, os frontis in duas partes dividens.

E. Os temporum.

F.F. F. Extuberantiæ in maxilla superiore.

G. Divisio maxilla inferioris.

H.H.&c. Articulationes majores adhuc omnes cartilagineæ, minores in manibus & pedibus sua ipsæ nigredine satis sunt conspicuæ.

k. k. k. k. k. k. &c. Sex costa sursum reflexa.

1.1.1.1.1. 1. &c. Sex costa deorsum reslexa.


M. M. Cartilago circumdans os ilii.

N.N. Os ilii à nobis passim dictum, quod Bartholino ilion, aliis aliter, vulgò plurativo numero os ilium ab ilibus nominatur, etiamnum à duobus aliis ossis innominati ossibus distinctum.

O.O. Os pubis in fætu distinctum ab aliis duobus. P.P. Os coxendicis in fætu ab aliis duobus distinctum.

Q. Foraminum magnorum in osse pubis & coxendicis alterum, alterum enim, ut pingeretur, non permittebat perspectivæ ratio.

R.R. Patella, adbuc tota cartilaginea.





S. Os aftragali.

T. Os calcanei, cartilagine undique cinctum.

v.v.v.v. Puncta ossificata in medio articulo, quæ etiam in dextro pede sunt conspicua,

FIGURA II.

Os occipitis fœtus novem mensium exhibet.

H. Prima pars ossis occipitis, magnum scilicet os triangulare, hic in quatuor partes b. b. b. divisum.

B.B. Cartilago circumdans os occipitis.

C. Secunda pars ossis occipitis.

D. Tertia pars ossis occipitis.
E. Quarta pars ossis occipitis.

F. Foramen, per quod transit medulla spinalis.

FIGURA III.

Os sphenoides exhibet sætûs novem mensium, jam in os unum coalitum.

H. A. Partes ad sellam equinam adhuc cartilagine a.

B.B. Foramina nervis opticis transitum præbentia.

C.C. Foramina pro ramo quarti paris nervorum.

FIGURA IV.

Os temporum interiore sua parte conspicuum dat.

A. Os squamosum in fætu à petroso distinctum.

B. Os petrofum.

Mm 2

C. Fo-

280 TH. KERKRINGII

C. Foramen pro nervo auditorio.

D. Foramen juxta id, quod nervum auditorium transmittit.

E. Processus zygomaticus.

FIGURA V.

Vertebram in fœtu novem mensium tribus ossibus constantem depingit.

A. Prima pars corpus dista. B.B. Bini processus laterales.

C. Foramen, per quod spinalis medulla transit.

FINIS.

FIGURA III.

contileos munu co ai mer-

HA Partes ad fellam equinam adbus carrileginea.

B. R. Foruming nervis opicis reanth un prebentia.

C. C. Perawina pres amo and rivaris aeroprum.

Os temporum interiore full parte confpi-

THEODORI KERCKRINGII

DOCTORIS MEDICI

ANTHROPOGENIÆ ICHNOGRAPHIA.


SIVE

Conformatio fœtus ab ovo usque ad ossificationis principia, in supplementum Osteogeniæ fœtuum.



Apud Vid. & Fil. CORN. BOUTESTEYN.

M D C C X VII.



LECTOREM.

Ec propter te cœpi, nec propter te desinam, exclamat vir quidam sanctitatis studioflus, dum inter frequentia onorum operum exercitia sti-

mulos subrepere sentiebat vanæ cujusdam, ut illi vocant, gloriolæ. Fieri vix poterit, ut dum ego scriptis meis speculativis docere quosdam, practicis prodesse pluribus conor, me non impetant hinc inde ex obscuris antris stimulis invidiæ hominum nigro isto veneno infectorum catervæ. Quod jam infrunitum quendam anonymum factitasse inaudio, qui saris magnas nequitiæ suæ dat pœnas, quod cum plures viros probos lacessiverit, ipse se prodere non audeat,

Nn 2

284 AD LECTOREM.

deat, nec gloriari de malitia sua, qui maximus istiusmodi farinæ hominibus solet existere nequitiæ suæ fructus. Is ergo à me hoc responsi habeat : nec propter gloriolam cœpi, nec propter invidiam desinam; sciatque me ea generositate animi semper contempturum eum, & ei similes, ut nunquam à me sit habiturus responfum, ringatur, & crepet hac miserâ passione sua, quam ego nunquam in eo imminutam velim, & in me semper objectum ejus accrescere: & accrevit Zoile post ultimam Osteogeniæ editionem hoc auctario; quod nec tu aliunde sumptum, nec ullus fibi unquam visum poterit affirmare. Edo hoc eodem tempore breves quosdam in Basilii Valentini Currum Triumphalem Antimonii commentarios, quibus eos visum fuit legere, si iisdem Chymiæ dedelectentur studiis, non inutiles: multum enim in iis declaro aures habentibus. Sed de his non est jam dicendi locus, ideo tantum adfero

- rumpantur ut ilia Codro,

vel Zoilo, quisquis ille sit, volupe enim mihi est, illi suggerere materiam, jn quam theoninos suos dentes confringat. Satis hoc verborum est cum nigris istis animabus: tu candide Lector, cui & hanc appendicem dedicatam volo, eam, fi in præcedentibus placui, perlege, eaque fruere: si displicui, ignosce, & cognosce, an pauca hæc propter nunquam auditam novitatem suam possint detergere, quod ex illis cepisti fastidium. Osteogeniam dederam: hic ea habes, quæ Osteoge-Nn 3 niam

niam præcedunt, id est, humani sætus sormationem ab ipso ovo. Ex ovo enim, ut mox videbis, prodiit hoc divinæ mentis, & rationis capax animal, quod hominem vocamus. Tu ovo mecum prognatus eodem, & propterea fraterno amore dilecte Lector vale, & nostra benignê interpretando, mutuum amorem ostende.

PROOEMIVM.

On diu te morabor, Lector, nec opusculo buic, quod oculis magis paratur, quam auribus, ambitiose addam verborum pompam. Paucis ergo hac habe.

Osteogeniam dederam anno superiore, in qua formationem ossium humani corporis à mense circiter secundo post conceptionem, usque ad tempus, quo in lucem editur infans, accuratius, puto, declaravi, quam ullus antehac id facere conatus est. Duo videbantur restare ad omnimodam scientiæ ossificationis perfectionem: quæ forma sit bumani corporis, antequam ossium induere occipiat firmitatem: tum etiam quomodo post nativitatem ea, que nondum ad debitum corpori nostro robur pervenerant, paulatim duritiem suam, & magnitudinem acquirant. Quorum posterius, cum per varias atatis humana flexiones circumducere debeat sermonem, justi tractatus videtur impleturum magnitudinem; quod, an aliquando sim aggressurus, nondum adducor, ut certo constituam.

Alterum vero, quod in corporis nostri quasi prima elementa inquirit, quodque brevius quidem tractatu, sed à cognitione nostra remotius est, bic appendicis ad Osteogeniam nomine subjungo. In tenui, ut vides, labor est, sed quam arduus ille fuefuerit in hoc tenui, frustra dixerim apud non expertos. Si cui libuerit eadem, que bic propono in subjecto aliquo examinare, atque suis usurpare, aliorum oculis exhibere conetur: tum sciet, quantæ mihi fuerit molestiæ, qui non per aliena vestigia incesserim, sed primus banc sciderim glaciem, indagando in hominis formationem ab ipso, imo ante ipsum conceptionis, tempus, in quo eadem utar methodo, quâ in Osteogenia sum usus; ut nempe res à me oculis usurpatas exponam, illasque calo exsculpt as unicuique contemplandas proponam, &, si quis scire magis, quam credere desiderat, easdam ipsas, quas descripsi, quas cultro anatomico detexi, immortalitate donatas domi servem, ut eas, cum usus fuerit, oculis Philanatomicorum subjiciam. Brevem enim esse oportet Anatomiam, que monstret, non disputet. Sit ergo appendicis

THEODORI KERCKRINGII ANTHROPOGENIÆ ICHNOGRAPHIA.

CAPUT I.

Ovum humanum.

A est hominum curiositas, ut in rerum admirabilium prima principia studio quodam naturali diligentius inquirant: nihil autem, quod sciam, sub sole animali isto, quod rationis est particeps,

quod præteritorum meminit, præsentia dijudicat, sutura prospicit, omnibus vel angitur, & cruciatur, vel gaudet, atque exultat, magis est admirandum: sequitur ergo jucundissimam fore in ejus principia inquisitionem. Quis autem crederet, nisi culter anatomicus id detexisset, in ovo hominum non minus, quam avium prima reperiri incunabula? ex ovo enim homo producitur. Non credis? ecce tibi illa figura prima, prout nobis sæpius oblata suerunt, expressa. Reperiuntur autem ea in testiculis seminarum, non tantum earum, quæ per conjugii usum sæcundæ sunt; sed etiam virginum, non secus ac sit in gallinis, quæ ova ponunt, etiam-

si galli ignorent consuetudinem. Sunt autem ova hæc pisi viridis magnitudine, intra istam latitudinem, quæ pisorum determinat quantitatem, variantia. Intus latet humor, qui, sicut aliorum ovorum albumen & vitellus, dum coquitur, indurescit: sapore prædita sunt peregrino & ingrato: pelliculà, vel pelliculis extrinsecus circumdantur, quæ postquam in uterum prolapsa sunt, brevi tempore extenduntur, & in amnion, chorionque commutantur. Atque ideo dubitabam, pelliculâne, an pelliculis circumdaretur ovum humanum, quod geminas inde efformari intelligam, & tamen geminas efse ob tenuitatem non videam : nihil enim hîc affirmare decrevi, quod culter arte directus non detexerit. Ante me hæc ova animadvertifse videtur Fallopii sedulitas, qui in observationibus suis anatomicis dicit. Vidi quidem in ipsis, testibus nimirum mulierum, de his enim est sermo, quasdam veluti vesicas aquà, vel humore aqueo, alias luteo, alias verò limpido turgentes. Cui autem ova hæc in generatione sint usui, ex modo, quo conceptio fit, & à doctissimo illo Anatomico Thoma Wartono in Adenographia cap. xxxIII. describitur, facile intelligetur. Semen enim virile per tubas cæcas Fallopianas circumductum, pervenit ad testes, & ibi cum ovo, eodem modo, ac in ceteris oviparis, mirâ quidem, & hactenus non explicatâ, sed verâ tamen ratione conjungitur; atque ovum ita fcefœcundatum per vas ejaculatorium ad uterum transit, & intra spatium duorum vel trium dierum ad magnitudinem cerasi nigri majoris excrescit; contra atque existimat, non ideo minoris à me æstimatus Harvæus, qui in libro de generatione putat, in cavitate uteri post coitum proliferum per aliquot dies nihil deprehendi. Tam conjugatæ autem, quam virgines hæc ova sæpissimè excernunt, insensibiliter quidem, quia non advertunt, nec quicquam de iis suspi-cantur: sed, quod mihi ex relatione quarun-dam constat, sentiunt, dum reslectunt: cum autem excreta sunt, paulò, quam hîc depinximus, sunt majora, nec, quia mollia sunt, & laxa, rotunditatem suam servant, & si manu tractentur ac diducantur, membrana manum sequitur: unde patet ea non semen, aut quid simile esse, sed ipsa hæc, de quibus loquimur, ova: & hæc excretio potissimum instante purgatione menstruâ, aut aliàs stimulante libidine accidit.

C A P. II.

Fætus trium, aut summum quatuor dierum.

UT in cognitionem venirem sætus triduani, aut summum quatriduani, qui sigura secundä exprimitur, eventus quidem occasionem dedit, qui multorum annorum spatio vix cuiquam etiam maxime cupienti obtingeret. Femina 00 2

quædam tertio, aut quarto à menstrua purgatione die subitò extinguitur. Ego ad dissectionem ejus, ut de causa mortis inquirerem, magis admissus, quam vocatus, inter secandum reperio in utero molem rotundam, magnitudine eâ, quæ est cerasi nigri acidi majoris. Rogo virum, an postquam stiterat purgatio, uxorem cognoverit: illo annuente rem meam ago, & rogo, ut domum auferre mecum liceat globulum illum in utero repertum; corpus uxoris non ideo minus integrum sepulturæ mandandum. Itaque statim fœtum tantillum Anatomiæ cultro subjicio, ac invenio jam tum sedulam, ac nunquam otiosam naturam spatio illo exiguo trium, aut quatuor dierum formam aliquam in rudimentum hominis effinxisse, in quo caput clare à corporis mole distinctum, in capite quasi per nebulam annotata organorum puncta conspiceres; corporis autem reliqui rudis adhuc indigestaque erat moles, uti eam vides hic eâdem, qua est magnitudine, depictam. Esse autem hunc tam paucorum dierum fœtum, præter ipsum rei, quam narravi, eventum, probat secundus, & tertius, & ceteri, qui deinceps ordine suo subsequuntur, singuli præ se ferentes temporis, à quo concepti sunt, magnitudine sua notam expressam. Videsis ergo capite sequenti ad quantam dierum quindecim spacio humanum corpusculum excrescat molem.

C A P. III.

Quindecim dierum fætus.

CRedi vix potest, quam celeri passu natura, quando incepit, pergat ad distinctam membrorum conformationem. Vix quindecim diebus conceptus erat fœtus, quem figura tertia habes depictum, & jam in capite apparent oculorum, nasi, oris & aurium distinctiones: corpus in brachia, pedesque divisum est. quæ hîc, sicuti oblata mihi fuerunt, exhibeo. Nullam ausus fui tentare carnis, ossiumque, aut potius cartilaginum, quæ postea in ossa formantur, à reliqua carnis mole separationem: teneriora erant enim adhuc omnia, quam ut ferre possent eam cultri anatomici severitatem; quare nihil hîc facio aliud, quam subjicere oculis tenellulum hunc, uti mihi traditus fuit, embryonem. Tu eum perlege oculis, qui tibi voce qualibet explicabunt clarius, qui provida mater natura fœtum suum augeat, formetque: non ergo te verbis morabor, ut tantò diutiùs aspectui ejus possis immorari.

C A P. IV.

Fætus trium bebdomadarum.

EXhibet quarta figura, quem natura trium spatio hebdomarum formavit, hominem cartila-

294 TH. KERCKRINGII

tilagineum. Non dubitavi jam tentare separationem materiæ, quæ carni & cuti formandæ præparabatur, & ejus, quæ ossium exspectat duritiem: & successit, quemadmodum hîc figurâ cælo expressa, domi meæ ipsum (si sic nominare licet) demonstrat sceleton. Nihil adhuc in eo est osseum, & tamen apparent omnia ossium rudimenta, cartilaginibus veluti rudi carbone delineata. Contemplare mi caput illud, futurum cerebri totiusque humanæ sapientiæ domicilium; nihil est, nisi membrana quædam vento seu spiritibus inflata: habent brachia, habent manus figuram suam, & ipsam digitorum distinctionem: in crate ista cartilaginea jam dinumerare potes, quot inde exsurgent costa, cor, pulmonesque defensuræ, & ventris efformaturæ cavitatem: digitos ipsos distinguis, non minus in pedibus, quam eos discretos vidisti in manibus. Si quem cimelia ejusmodi sibi comparandi subeat cupido, sciat hæc vix capilli implere spissitudinem; proinde curiosa manu, & encheresi quadam opus esse, quæ, si sigurâ exprimi posset, eam tibi, Lector curiose, communicarem; sed hæc in praxi ostendi potest, verbis autem vel figuris exprimi non potest.

-liounda CAP. V.

Mensis unius sætus.

MEnsem crescendo explevit, qui siguram quintam constituit embryo, siquidem non potius dicendus est animatus infans, qui formam perfectam induit hominis, & jam multis in partibus offium oftentat firmitatem. Percurre mecum, si placet, à capite ad calcem machinam hanc tantam cælo exhibitam, quantam natura formavit. Stat jam mole quodammodo sua, & maxilla tam superior, quam inferior puncta præ se fert ossea: claviculæ formatæ sunt, & costæ omnes punctulis suis osseis distinctæ, primâ exceptâ & ultimâ, quæ ne mense quidem secundo quidquam ostentant osseum, uti in Osteogenia notavimus: brachia dissecta sunt in humerum, & utrumque cubitum: adest femur, & crura sua habent focilia; quod de minori in Osteogenia mense secundo me nondum animadvertisse professus sum. Id, quod inde factum, jam à posteriore colligo, quòd inter anatomizandum imprudens tenerum illud focilis alterius rudimentum corruperim. Dixi autem ibi me illud non vidisse; non esse, non dixi: observans illam, quam ipse sancivi, regulam; nihil in Anatomia viam ad lapsum facere magis lubricam, quam argumentationem ab auctoritate negata. Quid videris, & inveneris, affirma; adde,

de, si lubet, quod hoc aut illud ab aliis positum non inveneris: sed cave idcirco inferre illud, vel non esse, vel perperam ab aliis positum esse. Præsertim hîc, ubi in capillaribus istis cartilaginibus multa fugere possint oculorum aciem, multa, quæ verè extiterunt inter operandum corrumpi: quemadmodum vel nostro hîc patet exemplo: quod jam positive nos affirmare permittit; utraque focilia distincta pariter formari ab ipso principio; quandoquidem statim post mensem ita clare appareant, ut artificiosa manu à carnis mole separata, possint oculis distingui. Inspice porro figuram, in qua, quidquid albicat, jam est osseum. Possem hic evagari latius, & eam movere quæstionem, unde sua ossibus oriatur soliditas? & curiosius è Chymia adferre doctrinam artis illius certissimæ quasi fundamentalem; spiritum esse in macrocosmo acidulum, universalem, quo non tantum ossa, sed etiam metalla, omniaque mineralia in terra, omnia ligna in campo fuam acquirant soliditatem, qui omnia penetrat, omnia figit, & pater est omnis duritiei & firmitatis, quem sale fixo admixtum, duplicem suum Mercurium toties appellitant Philosophi, non speculativi illi, cum quibus verba commutandi hic non est animus, sed Practici, & veri Chymici, qui illo ad sanitatem & divitias acquirendas utuntur felicissime. Agnovisse hunc, vel saltem subodoratus suisse videtur Senner-

ANTHROPOG. ICHNOGR.

297

tus, qui agens de Catocho seu Catalepsi eum, rejectis aliorum qualitatibus, putat esse causam subitæ istius congelationis, quâ membra obrigescunt in illo assectu. Sed nolo Anatomiam, quæ oculorum demonstratione nititur, ac proinde scientiam profitetur certissimam, revocare ad Philosophicas quæstiones, quas illi in utramque partem ventilando, & subtiliter dubitando incertas magis reddunt, & intricatas: acquiescamus potius oculari sætus nostri quatuor hebdomadarum contemplationi.

Pp

CAP.

CAP. VI.

Sex hebdomadarum fætus.

Qui fœtus ossa inter se comparabit, non si-ne admiratione videbit, priorem semper a sequenti tantillo temporis spatio dupla proportione superari: hic autem quamvis eadem illa proportione magnitudinis cedat fœtui duorum menfium, qui in osteogenia proponitur, haud multum tamen superari videtur ossificationis spesificatione. Vix enim quicquam in illo assumpsit ossis naturam, quod hie adhue totum sit cartilagineum, aucta quidem est in illo, uti partium quantitas, ita ossificationis magnitudo; sed nihil ibi assumpsit naturam ossis, quod eam hic non inchoaverat. Quod autem præcipue in sesquimestri hoc fœtu animadversione dignum est, maxillam tangit inferiorem, quam separatim exsculpendam curavimus, constat enim ea hoc tempore sex distinctis ossiculis, que postea post nativitatem in unum coalescunt. Jam ubi aspexeris claviculam, admiratusque fueris eam ab hoc ipfo tempore tam magnam, & tam firmam esse, ut nimirum cordi suum fabricet domicilium, in quo tuto conquiescat, indeque operationes vitales per totum corpus diffundat; lauda microcosmi tam admirabilis Architectum,

ANTHROPOG. ICHNOGR. 299

tectum, & abi. Restitas? & quasi dubitans, etiam petis, unde constabit hæc incrementa, ut a nobis assignata sunt, ita per stata sieri tempora; cum sæpius videamus abortus ædi quatuor aut plurium mensium, qui non attingunt magnitudinem a nobis temporibus suis assignatam. Dubio huic jam capite secundo seci satis ex collata inter se omnium proportione.

Qui hanc non capit demonstrationem, frustra auribus ejus, quibus id probes ad ravim inclamaveris rationes; neque operæ prætium est istiusmodi hominibus clariorem lucernam accendere, qui hanc non videt, in ipso sole cæcutiet. Rationem tamen dubitandi ita sol-

vo.

Fœtus, qui ante maturum gravidationis tempus prodeunt, sæpe diutius delituerunt in utero, vita qua ibi vivitur vel omnino destituti, vel ita debiles, ut non attraxerint sussiciens alimentum, atque ideo sactum est, ut non sint assecuti temporis istius, quo eduntur, magnitudinem.

FINIS.

Explicatio figuræ I. II. III. IV. V. VI.

FIGURA I.

Ova humana exhibet bina diversæ magnitudinis.

FIGURA II.

Embryonem trium, ut summum quatuor a conceptione dierum ostendit.

A. Membranarum Chorii & amnii adhuc rudium faciem interiorem oculis proponit, in quibus nulla adhuc hepatis uterini vestigia.

B. Embryo, in quo capitis quidem a corpore distinctio, sed non alia membrorum apparet delineatio.

FIGURA III.

Embryonem quatuordecim dierum spectandum proponit.

A. Hepar uterinum, per quod venulæ & arteriæ disperguntur.


BBBB. Chorion quadrifariam dissectum. CCCC. Amnion quadrifariam dissectum.

D. Funiculus propagationis.

E. Em-

ANTHROPOG. ICHNOGR.

301



302 TH. KERCKRINGII

E. Embryo quatuordecim circiter dierum jam distinctior, & membra certa aliqua conformatione distincta apparent.

FIGURA IV.

Sceleton cartilagineum fœtus trium septimanarum spectandum oculis subjicit.

FIGURA V.

Fœtum unius mensis depingit.

A. Tota capitis moles cartilaginea, ostentans pun-Aa cartilaginea in utraque maxilla.

b. Claviculæ jam nunc totæ offeæ.

cc. Puncta ossificationis scapularum.

dd. Lineæ albæ ossificationem humeri designantes.

ee. Lineæ albæ ossificationem cubiti & radii ostendentes.

FF. Punctula bæc alba in omnibus costis excepta prima & ultima, ossificationem in iis inceptam notant.

gg. Ossa femoris, etiam quod in iis sit osseum de-

monstrat.

h.h. Focile majus & minus, utrumque clare conspicuum & jam (uti secundis his curis notavimus) osseam substantiam induens.

FIGURA VI.

Fœtum sex hebdomadarum exhibet.

Non differt à figur à duor um mensium, quam osteogenia dedit; nist magnitudine, & quod, ut antea monuimus, focile minus bic appareat, quod ibi nondum inveneramus.

A. Separatim ostendit maxillam inferiorem in sex

officula distinctam.

FINIS.



ever speciment poton e the space of the secretary of the secretary of the secretary A . I ... It was the same to be the same to be the same and the second second second

